

27, 446/A/1

F. III.

18/n

Del Dr. Luigi
Moriani. an. 1817.

Hoehli
May 03

HC. 9914

D. Davidis Hamilton,
Equitis Aurati, Regalis Collegii Medicorum Lon-
diniensium Regiæque Societatis Socii, nec non *Magnæ*
Britanniæ REGINÆ Medici
Ordinarii,

TRACTATUS DUPLEX.

Prior de
Præceos Regulis,

Alter de
Febre Miliari.

Accessit
Febris Miliaris Historiarum
Fasciculus.
ex Libris ~~Lectionis~~ *Schæferi*




Juxta Exemplar
LONDINENSE,
Apud DAN. BARTHOLOMÆ, Bibl. Ulm.
MDCCXII.

9914



91-4



CELCISSIMÆ

SERENISSIMÆq; PRINCIPI,

A N N Æ

Magnæ Britanniae, &c.

REGINÆ.

QUUM ad domi tuen-
dam Pacem, forisq; re-
stituendam; sustineas tan-
tam Imperii molem: mi-
nimè ausim, Te meis Rebus interpel-
lare, nisi Tuam Bonitatem, Principum
longè optima, Celsitudinemque pares
esse, jamdudum noverim. Et dum
maxima curas, Te non dedignari in-
terim Mediocribus clementem præ-
bere aurem. Præcipuè iis, quibus
a 2 aliquo,

DEDICATIO.

aliquo, licet inferiori modo, ut in hoc humillimè oblato Volumine, de Ægrotis sanandis, vel quovis alio de Bono Publico, consulitur. Cujus Te, sub DEO, Magnâ Gratosissimâque fruimur Conservatrice. Quòdque ut adhuc accumules, nobis eras quasi coelitus datum, Paratissimum Munus atque Magnificum. Nihil enim in Tuum Cor Regium fuisse unquam altiùs repositum, quàm ut Tibi subditi universi, in unam Gentem, unamque beneficam mentem coalescerent: Egregiam erga DEum Pietatem, subditos Clementiam, miseros Charitatem, Tibi alacriter servientes Humanitatem, aliàsque Regias Animi dotes, quæ Tuam Coronam exornant, quibusque in Tuorum Subditorum Corda Conciliâsti Imperium, Testamentum habemus Illustrissimum. Utinam & in Exemplum verè Gloriosum poneremus. Et dum in Rebus Bellicis, quas tot tantisq; Triumphis gessisti foris, non possumus non agnoscere mirabilem DEI digitum: Cordatè nos omnes, Tuis, in nostram
foelici-

DEDICATIO.

foelicitatem , Piissimis Prudentissimisque Consiliis conspiremus. Ad quàm, Pacemque universe instaurandam , ardente Oratione precamur, diutissimè regnes, & nobis, & ubique verè Christianis, Charissima Mater, atque Protectrix. Tàmque inexpugnabili Tibi detur sanitate frui; ut è Tuis Servis, iis quorum minimè, aut vix indigias, adnumerentur Medici. Id quod etiam , ex Firmissimâ quâ gaudes Habitudine , necnon Animi Tranquillitate, & vivendi Regimine; adeò Immensum Beneficium, à DEO nobis fore concessum, lætè auguramur.

Tibi sum

PRINCEPS SERENISSIMA,

Humill. & Obseq.

Subditus & Servus,

D. Hamilton.



Ad Lectorem

PRÆFATIO.

Proter alia quæ *Medicinæ* Honorem & *Æstimationem* obumbrant; hand postremum id locum obtinet, quod plerique Recentiores Medici, in excogitandis Theoriis præcipue occupari videantur. Quorum alii Principia Aristotelica, alii Atomica, alii Chymica, in sua Structuræ Hypotheticæ fundamentum adoptant. Neque jam desunt qui tandem etiam ad Mathematica confugiunt. Qui omnes, etiamsi forsitan in aliquibus veritatem, velejus speciem attingant: eorum tamen scribendi mos & discrepantia, creat in Imperitis, viliores Nobilissimæ Artis Ideam. Perinde ac si Incertitudine ubique fluctuet, nullaue tradat Immutabilia Præcepta. Qui si e contra, Theoriis omnibus dimissis nisi multiplice experientia munitis, circa Morborum tam in Viventibus, quam in Cadaveribus Historias, Simpliciumque Pharmacorum Virtutes accurate describendas, præcipuum suum Negotium collocarent: adeo exornarent hanc Artem, ut ejus Excellentiam agnoverint etiam Inimici.

Forsan

PRÆFATIO.

Forsan itaque haud pigebit Lectores, præcipue Medicinæ Alumnos, Medicosque Juniores, in sequente Tractatu, aliquot Regulas huc pertinentes, secundum quas meam Praxin institui, eamque non infœlicem, accepisse. Nam ex iis, rite perspectis, constabit, Medici præstantiam stabilemque Famam, non a figmentorum pompa, non a decompositis Pharmacorum formulis, magnave copia ingestis; sed a medendi methodo, exquisita Morborum & Pharmacorum scientia suffulta, imprimis pendere.

De posteriori Tractatu, hic id tantum moneo; mihi, postquam eundem in Typographi manum tradideram, innotuisse, Doctiss. Etmullerum, in suo Volumine, singulare Caput, de Febre Miliari in Puerperis, edidisse. Ubi, ut quæque dicta sunt brevissime, ita & de Febre, nostratæ Miliari, ut videtur, haud parum dissimili.

Et hoc addo; ubicunque loquor de Succo Nervoso, etiamsi Magnorum Virorum, qui istis usi sunt vocabulis, Exemplum habeam & Patrocinium; me tamen, nihil præter Spirituum Animalium crassiorem partem intelligere.





Tractatus prioris Elenchus Capitem.

CAP. I.

De Virtutis ad Praxin pertinentis Regulis.

CAP. II.

De Artis Regulis, & imprimis de Integrâ Examinatione.

CAP. III.

De Præscribendi Regulâ.

TRAC-



TRACTATUS

DE

Praxeos Regulis.

C A P. I.

De Virtutis ad Praxin pertinentis Regulis.

QUICUNQUE animum ad Medicinam faciendam appellit, se coram DEO, summo scilicet aut vindice aut patrono, sistere oportet. Ideoque suam Praxin, tam juxta Virtutis, quam Artis Regulas, componere.

Quod ad Virtutis Regulas attinet, Medici honesti & prudentis est, se visitationibus assiduis præbere diligentem; ne videatur ludere, & cum sua arte, & cum corio humano. Deinde, non ad captandam cujuscunque benevolentiam, sed secundum deductas a Morbis

Indicationes præscribere. Demum, & in conciliis Medicis suavitate morum se Generosum probare. Quæcunque autem in contrarium trahunt, pravi ingenii documenta sunt.

Ex hoc genere mos ille est, præscribendi Medicamentorum congeriem, ad conciliandum Pharmacopolæ aliorumve favorem & opinionem. Unde, ut majori sumptu, & forsân periculo, Patiens è lecto resurgit: ita & Medicus, naturæ Remediorum doctâ ignorantia è Theatro exit. Et loco honoris solidi & sani, sæpe nihil adipiscitur, præter famæ impetiginem.

ALII sunt, qui Empiricorum more, curationes, quocunque modo, & quantâ possunt festinatione, obtinere satagunt. Certè, vel ex artis inopia, vel plaudentium vaniloquii cupidine. Nullâ interim aut ad Morbi præsentis epilogum, aut ad alterum Morbum, sæpe inopinatè, nonnunquam & flebiliter supervenientem, habitâ ratione.

Dum hæc scriberem, vocatus ad consultationem, pro quadam in Vico *Fordstreet* vulgò dicto, Urinæ Suppressione laborante; vidi circumstantes, calculum Morbi causam existimâsse. Postquam autem à me paulò scrupulosius interrogata fuerit, sumpto Medicamento valde astringenti, & Diarrhæam Vomitionemque subito supprimenti, prædictum Morbum supervenisse comperi. Quem itaque sumptis Cassiæ recentè extractæ Drachmis decem, & injecto enemate,

mate, superavi. Astringentibus etiam Medicamentis intempestivè adhibitis, Diarrhæa non infrequenter degenerat in Dysenteriam. Et quanta mala affert Cortex Peruvianus præproperè sumptus, minimè latet Medicos sagaciores. Ex quibus aliisque hujusmodi exemplis perspicuum est, quàm utiliter adagium illud, *Festina lentè*, transferretur etiam in Medicinam.

SUNT etiam, qui sua præscripta nimis citò variant. Nullâ aliâ movente causâ, præter metum afficiendi tædio Ægrotum, & ne ipsi parvi pendantur, ex ejusdem Medicamenti usu diuturno. Unde fit, ut dum videri volunt complacentiores, Remediorum operationem observandam, sibi ipsis præcludunt. Et si primò loco fortassè suaserunt aptiora; recedendo ab illis, revera sunt inimici; non contra Morbum sed Ægrotum militantes.

NEQUE desunt, qui pro communiter receptâ methodo, aliam, etiamsi potiore, & probatam, proponere nolunt: ne fortè cogerentur se submittere ferulæ alterius Medici. Præcipuè, si per insuetam viam deductus Æger, supremum diem obire contingat. In quo casu, omnium undique jacula fortiter sustinenda sunt. Nam ut aliquando optimam methodum Morbus eludit: Ita & nonnunquam, vi naturæ, Æger, non obstante pessimâ, salvus evadit. Oportet itaq; in nullius methodum jurare Medicum; sed in libertatem se redimendo, in quamcunque, rationi & experientiæ innixam, esse promptiorem;

A 2

proin-

proindeque ad suam artem locupletiore[m] reddendam.

SANE multum Ægrorum interest, nec minus Medicorum, se mutuò, & cum prudentiâ, faciles præbere. Neque enim omnia, possumus omnes. Et quòd alter obliviscitur, alter, suâ vice, sæpè in memoriam revocat. Quomodo, consulitur de humano sanguine, nè fædo colore manus inficiat. Nec quidem non testari possum, haud paucos ex Medicorum diffidiis periisse. Cujus rei inter alia exempla, jam præ oculis habeo valdè lugubre, prænobilem Fœminam; quæ vel ex spreto ab aliis Medicis meo consilio, vel vafre suppresso, nuper luctuosè à vita exiit. Ut ex hujus casûs historiâ, quam in alio tractatu, brevî, annuente Deo, editurus sum, luculenter patebit.

C A P. II.

De Artis Regulis, & imprimis de Integrâ Examinatione.



NOTÆ characteristicæ, quibus Medicus propriè sic dictus à medicatulorum turbâ verè distinguitur, sunt istæ: nimirum, Morbum originalem expiscari, & deinde, Morbo apposita præscribere.

MORBI originalis obrinetur perfecta Diagnôsis Examinatione Integrâ; hoc est, incipiendo

endo ab antecedentibus, ex recitatis deinde symptomatis, usque à primâ sanitatis declinatione, ad momentum illud, quo advocatur Medicus.

APTA præscriptio consistit in delectu Medicamentorum, secundum Indicationes, ex perfecta Diagnosi enatas, ut in sequente capite videbitur. Patet interim, Medicum, in Praxin ritè præparatum, omnium Medicinæ partium scientiâ debere exornari, in Academiis in hunc finem institutis.

PROINDEQUE non solùm Empirici, qui sine methodo præscribunt, à Praxi Medicinali abigendi sunt; verùm etiam quicumque solummodo ex præscriptis Medicorum inspectis jus practicandi sibi arrogant; etiamsi de Morborum principiis, & phænomenis rectè judicare, indéque medendi methodum instituere, omnino nesciverint.

Quod ad integram examinationem attinet, hanc longè difficiliorem reddit, Ægrorum in recitandis symptomatis imprudentia, & infidelis memoria. Quarum ratione, imperfecta ple- rumque & confusa fit omnium enarratio. Id quod etiam efficit, vel Medicorum indocta examinatio, vel negligentia.

QUANTUM autem Medicorum interest, ad antecedentia & primam usque vacillantem va- litudinem jam dicta retrospectio, satis ostendunt, & eorum hallucinationes, qui hujus regulæ sunt immemores; & optati successus alio-

De Praxeos Regulis.

rum, qui eandem ritè sedulòque observant. Inde enim edocti, ut symptomata Morbosque secundarios, à primariis, eorúmque motus, accuratè distinguunt; qui aliàs sæpè vel latent vel confunduntur: ita & methodum sibi ipsis proponunt istiusmodi, quæ neque titubat, neque ad Medicamentorum farraginem, mentis incertæ indicem, recurrit; sed stabilem, simplicemque ideóque longè fæliciozem.

Quo meliùs prædicta Regula, ejusque usus, illustrari poterint, Historiam unam atque alteram subjungere licet.

ANNO 1690. dièque Januarij 8vo, evocatus ad Fœminam Generosam, Dom. *Nicols* in Vico vulgò vocato *Basinghall-street*; intellexi tres Medicos, tunc temporis celeberrimos, mihi præcessisse, & præscripsisse quamplurima, sed incassum omnia. Ex eo nempe, quòd non à Morbo primario, scil. Mensium diminutione, sed à solis symptomatis indicationes fumerent.

Ista symptomata erant Ventriculi Distentio perpetua, post prandium præcipuè; frequens Vomitus, Appetitus diminutus, & prava Concoctio; Alvus etiam astricta fuit, Tussisque vehemens, difficili Respirationi conjuncta; Capitis intensus Dolor per intervalla; Pedum & Talorum Tumor, Sudor nocturnus, Calorque universalis spatiis renovatus inæqualibus. His accedebant, Membrorum Atrophia, Urinæ Effluxus copiosi & subitanei; Tumor Abdominis, iis præcedens, & cum finitis subsidens, tandè

démque Mensium per gradus minutorum totalis suppressio.

MEDICI, qui me præcesserunt, Phthisin pro Morbo primario temerè habebant. Ego verò, cum secundum prædictam Regulam Ægrotam percontatus sim, quando, & quâ de causâ perfecta ejus sanitas declinare cœpit; illa respondebat, se, dum Carnem Leporinam, fluentibus Catameniis, comederet, sensisse nauseam; & deinde Alvum relaxari sedibus, quas statim excipiebant Mensium diminutio, omniâque deinceps supradicta symptomata; donec Mensibus tandem omninò suppressis in Tabem incidit.

Ex istâ narratione, ab exordio ægitudinis usque deductâ; diminutionem Mensium, Morbum esse primarium pro certo comperi. Et proinde rejectis, cum lacte Asinino, Pectoralibus, aliisque Antiphthisicis, aliorum Medicorum consilio hæcenus adhibitis; ad Menses promoventia, tanquam in his solis recuperandæ sanitatis spes esset, confugiendum decrevi. Ideoque sequentia Medicamenta præscripsi.

℞ Rad. Helenii ℥j, Galangæ minoris, Calami aromatici, ana ℥β, fol. Menthe, Melissæ, Absinth. Rom. ana m. j, sem. Fenicul. dulc. Carvi, Danci, ana ℥iij, Baccar. Juniper. ℥β. Cortic. exterior. Aurant. ℥β, Coquantur in Aquæ Font. q. s. in vase optimè clauso ad ℥ij. Addendo sub coctionis finem Vini albi ℥j. Et colaturæ adde Aq. Gentian. comp. ℥ij. F. Apozema. Capiat ℥iv. manè & horâ quintâ pomeridianâ diebus

continuis. Addantur singulis haustibus Apozematis, Elixiris propriet. tartariz. gutt. xx. Et tempore haustibus prædictis interposito, sumat etiam quotidie, Elixiris ejusdem gutt. xx. ex haustulo potûs ordinarii.

Si Apozema illud nunc præscripturus essem, Cortices Aurantium omitterem; quia experientiâ didici hos Menses diminuere.

Ex primo & solo Elixiris usu cum potu ordinario, scilicet Januarii die nono, prandium retinuit.

Ex usu autem Elixiris & Apozematis conjuncto, ad diem decimum quintum, à Vomitione omnino liberabatur; viguit Appetitus, & Ventriculus à pastu, multò minùs extumuit.

DEINDE, circa diem decimum nonum, relaxari Alvus incepit, & Calor Febrilis, Capitisque Dolor minuebantur, à sedibus fortasse.

VICESIMO primo, Ægrotà (ut ejus verbis utar) Dorfi dolorem sentiebat quasi convulsivum. Unde conjecturam feci, appropinquâsse tempus Catameniorum. Quamobrem & Elixiris usum, tam per se, quàm in Apozemate, in præsentiarum prohibui. Nam cavere volui, ne movendo materiam per Intestina, obstarem Catameniiis.

Ut itaque indicationi à dolore Dorfi enatæ obtemperarem; loco Elixiris, sequentia Apozemati addenda curavi.

℞ Rad. Aristoloch. rotund. ℥i. Fol. Artemisiæ m. j. Sem. Levistic. ℥iij. Coquantur cum reliquis

liquis Ingredientibus pro Apozemate. Et ante Apozematis singulos Haustus, sumatur Bolus sequens.

R. Borac. Venet. ʒj, Conf. Absinth. Rom. q. s. ms. f. Bolus.

CONSULUI Ægrotæ, ut persistat in usu quotidiano Apocematis, sub tempus Catameniorum cum ingredientibus ultimò adjectis, & etiam Bolum præscriptum sumat.

Hoc facto, ut Mensibus per gradus diminutis symptomata memorata paulatim supervenerunt; ita ex elongato horum Remediorum usu, Menses singulis vicibus, hoc est, Noviluniis, augebantur. Donec tandem, decimo Aprilis die, tam bene quàm unquam menstruavit; omnia symptomata paulatim evanuerunt, & Ægrotæ ad perfectam sanitatem restituta est. Quâ præter spem suam & aliorum omnium recuperatâ, ita mirè delectabatur; ut cùm Salopiæ, post nuptias, se curæ insignis Medici, D. Doctoris *Hollins*, submisisset; in omnibus tamen casibus difficilioribus a me petiit consilium ad mortem usque.

POSTQUAM in Nob. Dom. *Ashurst*, reliquorum Medicorum alter sedem Morbi primariî Venter autumavit, alter Intestina, alter Cerebrum; ego ex hâc solâ examinationis Regulâ ad Renes pertinere intellexi; idque in dissecto cadavere monstravi.

PERSÆPE accersor Utero gerentibus Fœminis, quæ Vomitione, Siti, & Linguâ siccâ; Uri-

nâ colore saturimo, & mensurâ deficiente; Dolo-
 re Capitis, Calorêque universali, modò spa-
 tiis inæqualibus, modò certis periodis recur-
 rente, laborant. Quæque exinde Febre, tan-
 quam Morbo primario, correptæ existimantur
 à Medicis plerisque: qui Corticem Peruvianum,
 aliâque Medicamenta, suo loco convenientia,
 sed hîc successu infelici, adhibent. Quando-
 quidem Febrem, aliósque supra dictos affectus,
 esse Vomitionis, vel ejus causæ symptomata, mi-
 nimè advertunt.

Ego verò, postquam omnia, secundum præ-
 dictam Regulam, usque ab Ægritudinis exordio
 quæsi; Vomitionem, primarium esse Mor-
 bum, compertus sum. Ex quâ, desumptâ in-
 dicatione, Pilularum Tartar. Quercet 3ß, vel
 ʒij. præscripsi. Quarum usu, ad tertiam vel
 quartam noctem repetito, cum Vomitione, Fe-
 bris aliâque symptomata sedari solent.

Hoc expertus sum, exempli gratiâ, in Do-
 minâ *Newman*, in Vico *Abchurch-lane* vulgò di-
 cto; & cui D. *Westley* erat Pharmacopœus. Illa
 laborabat Vomitione & supradictis symptoma-
 tis; Corticeque Peruviano, cum pluribus aliis
 Medicamentis Febrem respicientibus, utebatur
 sine fructu. Ex sumptis autem Pilulis prædi-
 ctis dies aliquot, suppressâ Vomitione perfectè
 convaleuit.

Quod si casûs narratio sit ita imperfecta, ut
 Medicus non ritè judicare possit, an Vomitio
 Morbus sit primarius, necne; hoc modo, quod
 quærit,

quærit, inveniet. Si Vomitio sit symptoma, non cedit Catharticis ; sed vel levioribus valdè debilitatur Æger. Pulvere autem è Chelis Cancrorum composito, vel per se, vel cum Salis Absinth. gr. x. bis terve in die sumpto, cum haustu liquoris diluentis, præcipuè aquæ Bathoniensis, Vomitio & cætera recitata symptomata profligantur. Deindè verò cavendo, ne redeat Vomitio, Catharticum Medicamentum tutò commodèque exhibetur.

Hujusmodi casus accidit Dominae *Adams*, in Areâ *Lawrence Pountney-Hill* vulgò dictâ, & cui inserviebat D. *Davis* Pharmacopœus. Laborabat hæc Vomitione, aliisque symptomatis antea memoratis. De quibus, etiamsi illam accurate percontatus sum ; Morbum tamen primum à symptomatis, non nisi Medicamentorum usu didici distinguere. Etenim ex sumptâ Pilulæ Tartar. Quercetani semidrachmâ, licet Alvus unâ tantum vice soluta fuit, & minuebatur Vomitio ; adeò tamen fractæ fuerunt ejus vires, ut ferè in Syncopen inciderit. Sed postea omissis Pilulis, ex pulvere è Chelis Cancrorum composito, modò per se, modò cum sale Absinthii sumpto, nec non emolliente Enemate eorum usui interjecto, Vomitio, Calor febrilis, Viriumque Imbecillitas evanescere.

QUINETIAM in aliis Morbis acutis, prædictæ Regulæ haud immemorem esse, ex re foret ; ut ex infra descriptis casibus clariùs videbitur.

QUIDAM Juvenis *Hazle*, in Vico *Ludgate-Hill*

Hill vulgò dicto, octodecim annus natus, cum pulsu magno & frequenti, Urinâ rubicundâ, & Siti; Dolores articulis ubique obsidentes, & Arthritidem vagam præ se ferentes, patiebatur. Ego verò, postquam retrospiciendo, momentum ipsum attigerim, quo malè se habere incepit; novi cum primo loco rigore correptum fuisse. Quem deinde, suo ordine, Calor, Sudor, & prædicti dolores exceperunt. Unde & Febrem, Morbum primarium, Artuumque Dolores, non nisi Febris effectum esse intellexi. Ideoque sequentem Bolum cum Julapio perlato quarta quaque hora sumendum præscripsi.

℞ *Conserv. Paralyf. Pulv. e Chel. Cancror. compos. ana* ℥j, *Castorei gr. v. Syr. Paralyf. q. s. ms. f. Bolus.* Et in omni languore, Salis Volat. Oleos. gutt. xx. ex conveniente vehiculo sumendas consului. Et ut Emplastr. Vesicat. applicetur inter Scapulas. Hâc methodo producta in aliquot dies Diaphoresis, tam à Febre quàm à doloribus Juvenem liberavit. Et postquam à Cathartico quodam medicamento nimis properè sumpto, passus est recidivam; methodo tamen priore repetita, ad sanitatem iterum restituebatur.

CASUS alter erat hujusmodi. Vir quidam nomine *Potter*, in Vico *Mileslane* vulgò dicto, cuique D. *Hume* Pharmacopœi officium egit, doloribus, corpore universo gravissimis, cum Tumore, Febriculâque succubuit. Strictè autem à me interrogatus, apertè respondebat, pri-

mum

mum invasisse Dolores sine Febre ; ideóque Morbus primarius videbantur. Quocircà, Venæsectione præmissa, ut in Arthritide Vagâ, Catharticis quotidianis, atque diluentibus, sequente modo præscriptis , intra septimanam convaleuit,

℞ *Aquæ Cerasorum nigror.* ℥iij, *Epidemiæ* ℥β, *Syr. Ros. solutiv.* ℥iij, *Resinæ Jalapii vitello ovi solutæ*, gr. vi. *ms. f. Haustus horâ secundâ matutinâ sumendus.*

℞ *Decocti Hordei perlat. sive orbicularis* ℥ij, *Syrupi Violacei* ℥iij, *ms. pro potu ordinario assatim bibendo ad diluendam seri acrimoniam.*

HUJUSMODI methodus efficaciæ attestari potest Dom. Ghræme, Particeps cum Dom. Malthe, Regiæ Majestati Pharmacopœo. Qui Dominam Campbell, Febriculâ Arthriticisque Doloribus vehementioribus decumbentem , post Venæsectionem, solo Catharticorum, & diluentium usu, intra septimanam sanatam bene novit. Casum, inter plures alios, hunc selegi , quòd Dom. Grahme, pene omnium aliorum Medicorum consuetam methodum, instituendo scilicet, Venæsectiones sæpe repetitas , &c. me repudiassè viderit.

MINIME verò tacendum est , hanc purgandi diluendique methodum , etiam autoritate Clarissimi mihiq̃ amicissimi Viri D. D. Grew, commendari. Qui in suo accuratissimo Tractatu, de *Sale Cathartico amaro*, non absimilem præscripsit,

præscripsit, fœlicissimóque successu in hac Urbe à multis annis retinuit.

C A P. III.

De Præscribendi Regulâ.

UBI ab examinatione integra, sese offert indicatio simplex, simplex etiam Remedium ut plurimum præscribendum est. Cujus Regulæ observationem ratio multiplex suadet.

PRIMO, hoc modo Remediorum virtutes magis specificas, faciliùs certiùsque experimur. Cùm istæ, neque ex sapore, neque aliis sensuum monitis, nec quidem rationis merè speculativæ; sed ex usu sæpe repetito, nobis innotescant. Sensibiles equidem rerum qualitates, de earum naturâ medicinali faciunt conjecturam; minimè verò certitudinem generant.

Cum primùm ad praxin memet accinxi, nullo modo aliorum authoritati innixus, hâc methodo vim remediorum censui explorandam. Feci autem experimentum penè primum, de vi Corticis Aurantiorum, in nimio Mensium profluvio, à Clariss. Riverio magnopere laudati; idque hoc sequente modo.

R. Corticum Aurantiorum, N^o. vij. Coquantur in Aquæ fontanæ ℥iij. ad ℥ij. Et edulcoretur

retur colatura Sacchari albi q. s. ut f. Apozema. Sumantur cochl. x. ter quaterve in die.

Hoc Medicamentum magno cum successu præscripsi. Præcipuè, si nulla pars Placentæ, post vel abortum vel partum, remanet : neque ullus sit Morbus, vel in Uteri orificio interno, ut in Cancri ulcerosi initio, ubi Vasa eroduntur; vel in Uteri intima cavitate, ubi sanguis aliquando effluit majore impetu, excrescentiarum ibi nascentium ratione. Quoties autem effluxus, aut sanguinis naturæ, aut vasorum osculis apertis tribuendus est; non solum efficax est remedium, verum etiam tutissimum. Multa enim astringentia, & Menses sistentium classi referenda, quæque vulgò præscripta sunt, nauseam, Appetitum diminutum, Alvum astrictam, Cephalalgiam creant. Nihil autem his simile ex supra laudati Medicamenti usu contingit.

Cum à Medicis, qui Pharmaca sumptuosa solent præscribere, & à Pharmacopolis, qui ex iis turpe lucrum faciunt, propter hanc meam simpliciorum methodum malè audirem; quasi Materiæ Medicæ ignarus sim, & patientes parvi fecerim : ex consilio cujusdam Medici mihi amicissimi, prædicto Apozemati, Corticibus Aurantiorum parato, addidi folia Plantaginis aliæque nonnulla, quæ ad eundem effectum spectare vulgò existimantur. Verum id feci absimili successu. Nam Menses exinde refluebant; (quod sæpè ex astringentium usu compertum habui) & Ventriculi Morbi antea memorati superpervenerunt.

pervenerunt. In hoc casu, Pilulam Catharticam cum Opio exhibui : Unde fluxus Menstruus & Ventriculi Morbi diminuti sunt. Demumque ex Apozematis prædicti usu quotidiano bimestri, Ægrotā convaluit. Et post multa, ab aliis ad corrigendos Menses incassum præscripta, hujusmodi Pilula mihi valdè familiaris est, & efficacissima. Nam ut Opium fluxum sanguinis sistit, ita purgatio serum sanguinis morbificum per Intestina exterminat. Undè vasis Uteri contractis, in eundem morbum Ægræ minimè recidunt.

Hujusmodi praxi semper adhæsi, non solum in usu Corticis Aurantiorum, sed & aliorum simplicium Medicamentorum, ubi indicatio simplex videbatur. Qua de causa, à consultationibus Medicis, tum temporis, ut plurimum abstinui : nimirum, ne aut Sophismatis aliorum, aut Authoritate seductus, erraverim.

SECUNDO, Simplicium Pharmacorum usu, è plurimis quibus similem virtutem Medici vulgò tribuunt, discimus eligere potiora : ea scilicet, quæ non modò certius, sed & expeditius curationem absolvunt. Quemadmodum Corticis Peruviani, non cum aliis sed per se sumpti efficaciam, præ cæteris omnibus amaris in Febribus intermittentibus experimur. Si modò superne inferneve purgantibus debita Patientis præparatio præmissa fuerit. Plerumque enim ex sale Absinthii, multò certius (conjunctis Emeticis, & si opus fuerit Vesicatoriis) quàm Cortice

Cortice Peruviano præproperè sumpto, Febris intermittens, remittensve extinguitur. Ubi verò tutò brevique curationem adipisci possumus, optanda est; ut nosmet ab ignorantia avaritiæve stigmate, Patientes verò à morte redimemus. Multi enim, non ex insuperabili Morbo, aut Medici inscitiâ, sed Remediorum, præcipuè reiteratorum impatientiâ, supremum diem obeunt.

TERTIO; Simplicium Medicamentorum præscriptio, haud mediocri ex usu erit, ad simplicia ita componenda, ut variis indicationibus aptè respondeant. Quippe quod ista simplicia, ex eorum numero seligenda sunt, quorum virtutes jam antea exploratas habuimus.

ALIQUANDO Symptomata adeò presso gradu primario Morbo subsequuntur; vel Æger, diffusæ memoriæ vitio, suæ valetudinis historiam tam imperfectè narrat; ut primarium Morbum Medicus vix cernere queat: præcipuè si plurima sint symptomata, aut sibi ipsis contraria. Cui difficultati occurrendum est, adaptando singulis affectibus singula simplicia antea comprobata. Nam hoc factò, affectus vel non omnino vel ultimò Medicamentis cedens, Morbus sæpe primarius existit: ut ex prima historia, in capite præcedente descripta, liquidò constat. Ubi Mensium Diminutio ut Morbus erat primarius, ita & post superata symptomata, infractus perstitit. Et quanti momenti sit, in simplicium compositione cautela hac uti,

ne unius Morbi curatio sit generatio alterius, ex supradictis de Cortice Aurantiorum intelligere est.

PORRO expertus assero, eadem Medicamenta, pro modo componendi & tempore exhibendi, dissimilem effectum adipisci: ut ex sequente Historia, ubi variae apparuere indicationes, abundè patebit.

ANTE annos circiter duodecim quædam Puella, in Vico vulgò vocato *Fox-Lane*, sedecim annos nata, dolorem in regione Renum ipsisque Renibus, indeque ad Inguina tendentem, tres menses perpeffa est; unà cum Calore Urinæ & Acrimonia, necnon purulentâ materia cum Urina copiosè effluente; Siti etiam, Caloreque Hectico, ac Tabe, facieque Hippocraticâ, consumpta apparuit; adeò ut nec semet erigere, nec recta ambulare potuerit. Ex quibus Symptomatis, ut Ulceris Renum notitiam satis luculenter accepi; ita ex dolore haud mediocri recenter enatum esse judicavi. Nam dissectione Cadaverum vetus Renum Ulcus discimus esse fistulosum; qua de causa minùs est dolorificum. Cujus rei ignorantia Medici nonnulli, iique insignes, decepti, Ulceris existentiam, siquidem vetustioris, minimè suspicarunt. Idem etiam accidit Senibus Ulcere Renum affectis: ubi ex partium affectarum duritie, Dolor dorsi gravativus potius quàm acutus, sentitur.

PRO Puella autem prædicta sequentia præscripsi.

Rha-

℞ Rhabarb. ʒβ, Spermat. Ceti, Baccar. Lauri, ana ℥j, Opobal. gutt. x. Terebinth. Chie q. s. ut f. Pilulae mediocres. Sumat iv. manè & vesperi, superbibendo haustum posseti Radicib. Althææ alterati.

℞ Decoct. Hordei Syrupi de Althæâ q. s. edulcoratum. Sit pro potu ordinario.

Si sit insomnis, sumat Pilul. Matthæi ℥β, duabus noctibus continuis.

Ex horum, neque multorum, nec quidem splendentium, singulis tamen Symptomatis convenientium usu continuo, à primo die Januarii, ad decimum quartum producto, Valetudinem obtinuit longè meliorem. Nam lenito dolore Matthæi Pilula, reliqua feliciùs sua munera obierunt. Et diluendo decocto Hordei sitis penè extincta fuit. Adeoque mitigabatur dorsi dolor, ut erecta & absque grallarum ope in cubiculo ambulare cœperit; quod per aliquot retrò septimanas, præ dolore Corpus incurvante, haudquaquam valebat. Die autem Januarii decimo nono penè convaluit: nam in utrumque latus placidè recubare potuit. Et ex Rhabarbaro, quotidie sine languore bis terve Alvum movente, materia purulenta parciùs cum Urina effluebat. Cæterum post trimestre spatium, Medicamentis prædictis solis, ad perfectam sanitatem restituta fuit. Neque ab illius Parentibus, longo post tempore Febre maligna correptis, & sub mea cura convalescentibus, unquam audiavi hanc Adolescentulam iterum

rum in eundem Morbum incidisse. Nec quidem in quempiam Morbum alterius generis; ut non infrequenter contingit, quando Medicus, vel ex ignorantia, vel famæ conciliandæ gratia, præsens aliquod Symptoma, citiùs quàm par esset delendo, graviora excusat. Quemadmodum suppressionem Urinæ, à nimis acribus sublatam, mictu Sanguineo, & Renum aut Vesicæ inflammatione Ulcereque, excipi vidimus. Idem sæpe accidit, si è nimio astringentium usu Menses suppressi fuerint. Quamvis enim Patiens videtur in præsentiarum optimè valere; paulò tamen post Dolores cancrofi in illius Utero generantur.

Hujus rei tot exempla proferre possim, ut sisato jam cessurus sim, nihil gravioris momenti Medicis consulerem, quàm in hoc casu ab audaci astringentium usu abstinere; & si aliquandò iis uti oportet, eorum deinde malitiam aptis Medicamentis præcavere. Idem accidit Fœminis ex sumptis Catharticis & Deobstruentibus fortioribus, ad malos effectus Mensium solito tempore desinentium avertendos. Ex horum enim usu, si aliqua acris materia in Uterum impacta fuerit, cancrofos Tumores & Ulcerosos sæpe producit. Quamobrem, & eorum loco, potiùs lenitivis aliquoties repetitis alvum relaxare soleo.

His obiter dictis, ad Historiam præ manibus redeamus. A viis Urinariis purulentam materiam derivasse Rhabarbarum ad Intestina,

ob id

ob id credere est, quòd mediocri dosi (viz. \mathfrak{Dj} vel $\mathfrak{z\beta}$) singulis noctibus vel auroris sumptum, morbificam materiam, in Podagra, Articulis; in Ictero, Cuticulæ; & in Fluore albo, Uteri vasis impactam, per eandem viam deducit. Idque optimo successu, si aliquot dies vel septimanas fumeretur, & paululùm intermittendo, deindè repeteretur. Verùm istac infelicitate ii jam laborant Medici, qui sua præscripta quotidie variare nolunt, & multiplicare, ut quamplurimi ignorantia notam iis inurant.

SITIS, Calor Hecticus, urinæq; Acrimonia, Decocto Hordei, (diluente scil. sanguineam massam, & salivam promovente) leniebantur.

SYRUPUM Althææ Hordei decocto immiscui, ut vias urinarias uberius transeundo, & fortiùs retunderent puris acrimoniam, & secum afferendo Rhabbarbari partes detergentes, feliciùs Renes mundificarent. In quem etiam finem addidi Ceti sperma, Pharmacum pinguisalinum; ut illius vi Menses promovente Sanguinemque contusionibus coagulatum attenuante, probatur.

RENES autem ab affluxu puris debilitati, non secùs ac à Materia Podagricâ, articuli pedum, Terebinthinâ Opobalsamoque & astringentibus Rhabbarbari particulis corroborabantur. Quibus ultimò Lauri Baccas adjeci, ut Ventris Tormina ex Rhabbarbaro, & nausea ex Spermate Ceti averterentur.

PRÆSCRIPTIO hæc, indicationibus singulis

admensurata , speratum successum obtinuit: nam intra tres Menses, ut supra dixi, Adolescentula omninò convaluit.

IN hoc casu , duo tresve Medici, ante me vocati, frustra curationi navarunt operam. Quam cùm à me perfectam audiverint, meaque Præscripta inspecta sibi visa sunt suorum similia; secreta quædam Medicamenta præscripsisse autumarunt. Sed hoc immeritò. Quamvis enim Pilulæ Matthæi, Spermatisque Ceti, & Rhabarbari usum consulere: Hordei tamen decoctum o-mittendo, Pilulamq; Matthæi non in principio, & unâ tantum vice adhibendo, Spermaq; Ceti non nisi bis terve, & Rhabarbarum solumodò semel in septimanâ: constat eos, neq; Præscriptorum, neque meæ Methodi vim rectè æstimavisse.

QUARTO, prædicta Regula dirigente, Medicus non solum variis Indicationibus, verùm etiam contrariis Pharmaca respondentia discit præscribere. Id quod omnium maximè probat Judicii maturitatem in Re Medicâ. Hoc autem ex Historia sequente liquidò constabit.

VOCATUS ad Dominam *Alexander* in *East-Smithfield*, annum tricesimum nonum agentem; didici illam sequentibus Symptomatis novem menses afflictam fuisse, viz. Vomitu, Diarrhæa, Catameniis parciùs equidem sed continuò effluentibus, paucâ Urinâ sed crassâ & nigricante, Siti vehemente, Paroxysmis Hystericis Rifu sæpe iteratis, Dolore Abdominis, Colore cutis è flavo nigricante; Corporeque absumpto

sumpto & exiccato, infanti similis sine viribus in lecto jacebat. Adeò ut Medici qui ante me visitarunt illam, putarint insanabilem.

EXAMINATIONE integra, hoc est, à pravæ valetudinis initio usque deducta, intellexi, hanc Fœminam, Dolore in Hepatis regione, primum laborasse per septimanam. Quem, post intermissionem, à frigore affecta, de novo sensit; unà cum Vomitu, Diarrhæa, Languore, & Cuticulæ colore flavo; signis scilicet, ple-risque Icteri, tanquam Morbi primarii, diagnosim facientibus. Cætera verò Symptomata, iis quæ in Ictero valent, indicabant contraria. Nam Chalybeata, quæ in Ictero opitulantur, Menses promovent. Adeoque Patientis defecerunt vires, ut Medicamentum, pro Diarrhæa, aut Vomitione, supernè infernéve Catharticum, nequiverit sustinere. Astringentia etiam, vel in Mensium Fluxum, vel Diarrhæam, fuissent Ictero maximè incommoda. Verùm symptomatis inter se comparatis, secundum prædictam componendi Regulam, sequentia singulis apposita sumenda præscripsi.

℞ *Aquæ Spadanæ* ℥ij. *Sumantur haustibus minusculis, continuando totum diem, ne gravaretur Ventriculus.*

℞ *Rad. Fragariæ, Chelid. maj. ana* ℥i℥, *sol. Fragar. Chelidon. maj. ana* m℥. *flor. Cordialium ana* p. j, *Sem. Card. bened.* ʒvj. *Coquantur in Aq. font. q. s. ad* ℥ij. *Colaturæ adde* Aq. *Gentian. comp.* ʒij, *ms. f. Apozema. de quo*
B 4
sumat

sumat haustum manè, circa sextam vespertinam, & hora somni.

Et post triduum, sumat Antimonii Diaphoretici ʒj hora somni quotidie superbibendo Haustum Apozematis supra præscripti.

Hæc Medicamenta spem meam haud fefellerunt. Nam iis solis, & sine Methodi variatione constanter adhibitis, prædicta Domina, sub finem *Martii* perfectæ sanitati restituta fuit. Hujus autem Methodi ratio sic se habet.

EXPERIMENTIS sæpe repetitis certus sum Aquas Spadanas ut Icterus diminuere, ita & Vomitus, Diarrhæam, nimiosque Menses, quoties singulatim acciderint, rectificare vel suppressere. Non solum sua vi astringentiâ, sed etiam diluendo materiæ morbificæ acrimoniam, eamque simul evacuando per vias urinarias; ut ex sequentibus exemplis patebit.

EXPERTUS sum illius efficaciam ad suppressendum Vomitus, cum multis aliis, in quadam Fœminâ; quæ cum primò Emeticum, deinde & Catharticum sine beneficio sumpserit; ex Aqua Spadana, lentè & mensura mediocri potata, à Vomitu liberabatur. Id tantum addidi, ut 4^{ta} quaque nocte, Pilulæ Tartar. Quercetani scrupulum unum deglutiret.

Ad Diarrhæam nuper in Domina *Butler*, antea sub cura cujusdam Doctoris Medici, qui multa astringentia, tam in Cibis, quam Medicamentis præscripsit, sed re infectâ, tandem, Aquæ Spadanæ valebant eousque, ut ex earum

lento

lento usu Diarrhæa semper substituerit ; attamen iisdem intermissis de novo redierit. Ideoque alterius Medicamenti auxilium afferendum censui ; pulveris scilicet perlarum, ad effervescentiam & in Sanguine & in Intestinis supprimendam utilissimi. Ex quo, hora quinta pomeridiana & hora somni sumpto, prædicta Domina benè se habuit. Quàm etiam dicti Pulveris virtutem antea expertus sum, in Domina *Levermor*, in *Areâ Covent-Garden* vocata, quæ Diarrhææ sævissimæ succubuit. Nam Medicus Doctiss. alter & ego convocati, ut Patienti opitulemur, multa Cathartico-astringentia inani spe præscripsimus, & Opiata. Quocirca, ut meus Collega Patientem diutiùs visitare renuit ; ita & Patiens, quæ videbatur incurabilis, ulla præterea Medicamenta accipere. Hoc non obstante rogavi, ut mihi aliam methodum tentare liceat : nimirum, ut Pulveris Perlarum scrupulum, tertia vel quartâ quâque horâ, sumat. Annuit Ægra, & integram sanitatem mire adepta est.

PRIMAM autem hunc Pulverem præscribendi ansam præbuit, in meæ Praxeos infantia, error cujusdam Famulæ, quæ suæ Dominae ministrabat, dum Salvationem pro Cancro tum in Uteri orificio, tum in Vesicæ collo incipiente, subivit. Illa enim Decoctum album, quod præscripsi pro potu ordinario, non colatum, sed cum multo Cornu Cervi calcinati pulvere sumendum attulit. Quo sæpe ingesto, alvi

excrementa admisto pulvere C. C. adeo sunt indurata, ut enematis oleosis, difficillimè, nec sine periculo mortis, excerni potuerint. Unde & Perlarum pulverem copiosè sumptum ad similem effectum adhuc magis valere non immeritò existimavi. Non solum ex sua Humores absorbendi vi, sed & eorum acrimoniam & effervescentiam potentiùs cohibendi efficaciam.

CONTRA Vomitum cum Diarrhæa virtutem Aquæ Spadanæ insignem expertus sum, in Domina *Sheaf*, cui D. *Dalton* Pharmacopœus inserviebat. Post Abortum corripiebatur Diarrhæa, singulis diebus circiter duodecies alvum movente, cum torminibus. Qua valdè macerata, in vicinium mortis delata fuit. Nam Boli ex Confectione Fracastorii, Terra Japonica, Laudano, Theriaca Andromachi, cum & sine Rhabarbaro, frustra præscripti sunt. Hæc omnia, cum Nausea & Vomitu, Diarrhæam revocabant. Quamobrem & necessum esse vidi, ut evacuationes, Aqua Spadana ad libras duas quotidie & lentè haustâ, in vias urinarias transferrentur. Adhibui etiam conjunctam operam Pulveris Perlarum tempore pomeridiano, & Theriacæ Andromachi, cum pulvere è Chelis Cancrorum composito, hora somni. Nempe ut Ventriculo & Intestinis debilitatis succurrerent; & Humores morbifici, ex aliqua parte perspirantes, ab iis eò melius averterentur. Patientem beavit exitus. Nam Vomitu, Diarrhæa,

hæa , Torminibusque brevi domitis , Appetitum & Vires statim recuperavit.

PORRO, ubi excrescentia neque fundo Uteri adhæret , neque in interno orificio jacet, neque eidem externè in Vagina appensa est; fluxum sanguinis uterinum , vel instante abortu , vel in puerperio , vel paulo antequam menses substitère , Aqua Spadanâ non infrequenter curavi. Præcipuè si congrua Medicamenta ejus quotidianis dosibus interponeantur.

PAUCIS abhinc diebus , ad Fœminam Generosam , apud ædificia *Goodmans Fields* vulgo vocata habitantem , evocatus sum. Cui , cum in puerperii fine , nulla apparente causa , menses contingeret ingens profluvium & præscripta astringentia nullam opem attulerint : ex sola Aqua Spadana me suadente , mediocriter & dies aliquot sumpta , fluxum sisti , spiritusque valde depressos resuscitari , verè testor.

Cum in Nobili Fœmina , D. O *Bryan* , post puerperii finem , adhuc menses aliquot , Catamenia persistierint , Medicus magni nominis illam hortatus est , Fontes ut adiret Tunbrigenses. Hoc adjecto monitu , ut bibendo primum Aquam Spadanam , ex ejus congruentia , de Tunbrigensis virtute certior facta esset. Ego è contra Aquæ Tunbrigensis usum dissuasi. Aiebam enim experienciâ me didicisse , has Aquas inter se esse natura & operatione dissimiles. Voluit tamen Tunbrigensem experiri.

Ex

Ex ea verò potata ita male affecta fuit, ut inde *Londinum* redire brevi cogeretur. Ubi demum, annuendo meo consilio, ex Aquæ Spadanæ usu, à prædicto morbo decem dierum spatio liberabatur. Quam observationem hîc libentius intersero, ut exinde clarius prædictarum Aquarum constet differentia. Nihil enim potentius quam Aqua Spadana Humorum acrium in Utero subsidentiam avertit: in quem usum Tunbrigenfis temere & sine fructu bibitur. Et quàm maximè, nuper, in alio simili casu, Aqua Spadana, post multa alia frustra tentata, prævaluit, Doctiss. D. D. *Sloane*, atque ego testes sumus.

Cum in Abortus principio advocatus sim, ubi fluxus sit Sanguinis uterinus, Aquam soleo fere semper Spadanam præscribere. Quæ sua multiplice virtute, sanguineum fluxum in Urinarium convertit: Et meiendi conatus fœtum involucris liberum expellit.

Aquæ Spadanæ usui Apozema Anti-ictericum adjunxi, ut amborum vis esset unita fortior. Quin & prædicti Apozematis, per se sumpti, in delendo Ictero virtutem, ubi vel acciderit in Utero gravidis, vel Dolori Colico supervenerit, sæpe expertus sum; si modo affatim, & diutius fuerit potatum.

Aquæ Spadanæ & Apozemati, dies aliquot hauſtis, denuo addendum curavi Antimonium Diaphoreticum, & hora somni quotidie repetendum. Ut eo dirigente, Aquaque Spadana præ-

præbente pabulum sero perspirabili, materiæ morbificæ pars tenuior per lenem Diaphoresin unâ emitteretur. Quorum Pharmacorum conjuncta ope prædicta symptomata, (Vomitus scilicet & Diarrhæa, Mensium excessus, & Urina crassa ac adusta, Risus Hystericus, Cuticulæ color flavus & Consumptio Carnis) superata omnia, præter omnium spem, restitutæ sanitati locum dedere,

QUINTO, præscribendo simplicia Remedia simplicibus indicationibus apposita, Medicus, scientiam acquirit, rectè applicandi diversis Morbis eadem Medicamenta. Hoc illustrare liceat exemplo è propria experientia deprompto. Fœminæ nonnullæ, sub tempus Catameniorum, corripuntur Doloribus ita acerbis, ut illorum qui parturientes excruciant pene sint æmuli. Ad quos leniendos, sive à Vasorum Uteri angustia, sive à Sanguinis crassitie, aut acrimoniâ, enati fuerint, nihil unquam novi præstantius, quàm Oleum Amygdalarum, vel Lini recenter expressum, ad $\mathfrak{z}\beta$ aut $\mathfrak{z}\text{vj}$, per se, vel cum Syrupo Violaceo, manè & vesperi sumptum, per menses aliquot; solo Catameniorum tempore intermittendo. Hisce enim felicius quàm Anodynis aliis quibuscunque dolores cedunt. Et quæ Menses movent, sæpe vel eos, vel dolores augent.

Quod si Appetitus diminutio, vel alia Ventriculi Capitivæ affectio, Olei diuturno usui supervenerit: si modò decocti amari sine Senâ

℥iij. cum Aq. Gent. vel Angel. comp. ℥β, post Olei dosin matutinam, Ægrotā sumpsērit; nullam præterea audivimus de iis querimoniam. Præcipuè si hujusmodi ceperit Haustum sine Oleo, circa horam quintam vel sextam pomeridianam; & si opus fuerit, Pilulam Stomachicam semel bisve in septimana, ad reliquias Olei in ventriculo evacuandas deglutiverit.

Ex Olei efficacia in prædicto Morbo, & in aliis ex iisdem Causis, vel similibus, idem monemur utiliter adhiberi posse. In Asthmate, ubi Rami Trachææ, vel Morbo, vel Natura angustiores sunt, vel Humore aliquo acri convelluntur, vel sanguis a pituitosa materiâ crassitudinem acquirit; ex Olei prædicti vel Lini usu, Patientes expectorare facilius solent & respirare. Quod etiamsi Medicis benè notum sit, haud tamen ex re foret, illius efficaciam, minimè vulgaris, exemplum afferre; videlicet, in Nobili Domina O *Bryan*, Honoratiss. Comitiss. *Clarendoniæ* & *Roffensis* Nepte. Huic, paucis ante partum diebus, dolore Lateris Pleuritico vehemente, Pulsu frequente, & respirationi difficili correptæ, Venter subsidit, foetusque, sine ullo motu sensibili, jacuit in Utero quasi mortuus. A Venæsectione valdè metui; præcipuè, cùm Proles intense desideraretur. Tandem, re bene pensitata, vesicam emollientium decocto plenam jussi applicandam dolenti Lateri, simulque Ventrem aromatibus fovendum. Et deinde statim Lini Oleum sumendum cochleatim,

chleatim, ad sextam supra decimam vicem, aliquot horarum spatio. Ecce, his peractis, Dolor Pleuriticus evanuit cum Dyspnœa, iterum extumuit Venter, Fœtusque motus consueti restituti sunt. Demumque Cathartico Medicamento ad nauseam, vel diminutum Appetitum præveniendum sumpto, & aliquot vicibus repetito Nobilis prædicta Domina vividum Filiolum peperit atque pulcherrimum.

PURGATIONIS autem efficaciam in Prægnantibus sæpe expertus sum. Et eminenter in Nob. Domina *Bedfordia* Ducissâ; quæ satis superque nutriendo Fœtum facere Abortum solebat. Quam D. *Sloan*, mihi que commissam, semel aut bis purgavimus singulis Hebdomadis. Eo nempe fine, ut nutrimentum, tum minori copia, tum melius paratum Fœtui suppeditaretur. Cavendo interim, ne ex Catharticis sæpe repetitis Abortus eveniret; Pharmaca Astringentia, spatiis Purgationibus interpositis, jussimus sumenda. Quorum usu, nono Mense expleto, ex omni parte perfectam sanamque Prolem enixa est. Hâc autem methodo omissâ, dum proxima vice in Utero gereret alter Filiulus, quem licet majusculum peperit, subito tamen convulsus moritur.

IN Doloze Nephritico, ubi Renes materia nonnunquam viscosâ, aut sabulosâ, vel etiam minutioribus Calculis opplentur, Oleum, leniendo Urinæ & Diureticorum acrimoniam, Ureteresque relaxando, maximè prodest. Hoc

notavi

notavi in Domina quadam *Mustabam*, veteri Asthmate, Calculisque Renum laborante. Quæ post sumptum Oleum Lini, me suadente, ad duo vel tria Cochlearia, manè & vesperi, aliquot septimanas, non solum levabatur Asthmate, sed etiam calculos ferè indolenter eiecit. Cùm alii magnitudine pares, Medicorum me præcedentium Pharmacis emissi, non sine tormentibus transierint.

IN DoloRE Colico, etiam pertinaci, à pituitosâ materiâ, vel in Vasis intestinorum capillaribus stagnante, vel ipsorum superficiiei internæ adhærente, magnum levamen affert Oleum Amygdalarum, eodem modo sumptum, ac in Doloribus qui Catameniis præludunt, ut antea descriptum est. Quo mediante, Cathartica nonnunquam longè faciliùs, & sine Inflammationis periculo, suam operationem perficiunt. Hujus rei exemplum vidi insigne in Domina *Cooke*, in Turre *Londinensi* Regiâ quondam habitante. Quæ, postquam multa ab aliis Medicis præscripta, re infecta usurpasset; tandem ex Oleo Amygdalarum cum Syrupo Violarum sumpto, & quarta quaque hora repetito, maximum sensit levamen. Et licèt, Ventriculo per consensum affecto, reliqua evomuerit; lenito tamen Intestinorum DoloRE, Oleum retinuit, & à Vomitione paulatim requievit. Nihilominus, ad nauseam ab Oleo cohibendam, morbosamque materiam extirpandam, omnibus Olei Dosibus interposui Tincturæ sacre Cochleare

Cochleare j; & postridie horâ somni addidi Pilulæ Tartareæ Quercetani semidrachmam. Quorum omnium conjuncta ope optimè exonerata Intestina in pristinum sanitatis statum redierunt. Verumtamen, ne in eundem Morbum Patiens recideret, Aquas Bathonienses bibendas consului.

PITUITOSA materia Colicum Dolorem efficit, nunc Convulsionibus, nunc Artuum Paralyticæ debilitati conjunctum. Ubi, si Oleum Amygdalarum sit inefficax, præscribere soleo Terebinthinam successu laudabili. In hoc casu exemplum profero Dom. *Hussey*, in *Little-Britain* habitantem. Quæ Colicum Dolorem cum motibus convulsivis & vehemente Cephalalgia sæpe perpeffa est. Facta autem examinatione integra, intellexi Colicum Dolorem Morbum fuisse primarium. Suasi itaque infundat Ovi Testæ Dimidio primò Syrupi cujuscunque grati, deinde & Terebinthinæ cochleare unum, repetatque similiter; & mane & vespere deglutiat istiusmodi mixturam. Et post triduum quatrimumve, Pilulam Aloephanginam, aut similem sumendo, materia Terebinthinæ usu præparata evacuetur. Quorum, & Apozematis sequentis usu sana evasit, postquam multa Medicamenta ad Hystericos affectus Doloremque Colicum aliquot annos sine fructu sumpserit.

℞ Ungula Alcis ℥j. Cranii Humani, visci
Querc, Sem. Pæon. ana ℥iij. Coquantur in Aq.
C font.

font. q. s. ad ℥iβ. Colaturæ adde Syr. Pæon. comp. ℥iij, ut f. Apozema, de quo sumat haustum ter quaterve in die.

HAUD dissimile Exemplum præbuit D. Took Oenopola, qui in Arcâ, *Laurence Pountney-Hill*, vulgò dicta, habitabat. Vir ille ex dolore Colico, qui per multos annos omne genus Medicamentis illufit, delatus est in Atrophiam: Attamen ex Terebinthina, & purgantibus supra dicto modo sumptis, Capsulam quandam Lumbricorum plenam, per alvum excrevit, & exinde optima valetudine gavifus est. Verùm ne in eundem Morbum recideret suasi purgatorium, cum calomelano aliquoties sumendum. Si quis reprobet hanc methodum, quòd Terebinthina nauseam creet; fructus ex hoc Medicamento accepti ampliores præponderare debent.

IN Contractione Pylori, orta è Prægnantium vomitione nimia ac diuturna, nonnunquam a conceptione ad partum producta, nihil novi præstantius, quàm Oleum Amygdalarum. Hoc enim, Pylorum relaxando, emollit: & postea, ferente opem cathartico, cibis exitum parit, vomitusque compescit.

IDEM Oleum, in nimia adhæfione Placentæ, adhibetur utilissime; & in mensibus gravidarum posterioribus, sine abortionis periculo; nempe ex majore tunc temporis placentæ firmitudine. Hæc autem de Oleorum multiplici usu in præsentiarum dixisse satis.

D. *Morton* nuper Medicus non incelebris sæpe

sæpe male audivit, & jam nunc ab aliquibus defamatur, quòd non solum in Febribus intermittentibus, sed in pluribus aliis morbis Corticem Peruvianum præscripsisset: sed id immeritò. Nam hoc Pharmacum in aliquot morbis genere diversis vim suam exercere expertus assero. Aliquando in Hæmoptoë, & in nimio mensium affluxu, multùm prodest. Nisi Renum obstructioni forsan obnoxii sint Patientes. In Hectico calore, in quem febris nonnunquam desinit, vix quicquam præstantius. Si modò in profligandâ febre, vel non omnino, vel non intempestivè, sumptus fuerit. Et in spirituum animalium æque ac sanguinis motu citatiore eundem sæliciter usurpo. Ubi scilicet adeò agitantur, ut Patientes neque dormire valeant, neque in colloquiis soliloquiisve sua verba in ordinem componere. In hoc casu Corticis scrupuli, vel semidrachmæ quantitate sumpti, & bis terve in die repetiti, cum vel sine Chalybe, efficaciam, multoties expertus sum. At ex dosi ampliore appetitus sæpe diminuitur, gravatur Ventriculus, & morbus transit in melancholiam.

HISCE Casibus & alii adjungi possint, aliaque singulis Exempla. Interim ex antea allatis satis constat, si è pluribus, puta, quatuor, quinque, vel sex, morbis, una tantum nasceretur Indicatio; unum Medicamentum in omnes valere; & forsan longè magis (quantumvis Pharmacopolæ Medicique nonnulli subsannent) quàm

si Medicus suam Chartam ad extremos usque margines Pharmaceutico atramento denigraret.

SEXTO & ultimò; Simplicia Medicamenta præscribendo, etiam nociva eorum vis faciliùs cernitur, & ita cavere sumus edocti, ne alterius Morbi curatio alterum generet. In iis, Ex, gr. qui in Diarrhæam facile incidunt, vel ubi ante Corticis usum materia morbifica incepit per alvum emitti, vel adeò abundet ut ad sui emissionem stimulet, Cortex Peruvianus vim habet promovendi, vel etiam generandi Diarrhæam. Illius etiam usui crassam urinam & lixiviam tenuem fieri & penè decolorem experimur. Ideoque ex eo intempestivè, scil. sine universalibus præmissis, sumpto, febris Intermitteas magis fit proclivis ad faciendam recidivam. Quæ, & his similia, si simplici Medicamento supervenerint; docetur Medicus, quolibet Remediis opponenda sunt.



APPENDIX.

PRÆTER Artis Regulas, de quibus jam disserui ; haud mediocri ex usu foret, tum ad Morborum perspiciendam naturam, exitumque prænosendum, tum ad seligenda Remedia : si à quocunque Morbo defunctos sæpius disseccaremus. Præcipuè, si Morbi Historia, & à Morbo pereuntis Anatome, curante eodem Medico, connecterentur. Haud enim dubitandum est, quin ut è Partium Organicarum, ita & Humorum, imo vero & Sanguinis ipsius vitiis, (in iis, scilicet, qui à Febre aliisque Morbis quibusdam obeunt) luciferas Observationes caperemus.





Davidis Hamiltoni
EQUITIS AURATI,
Regalis Societatis Londinensis
utriusque SOCI,;

Nec Non

Magnæ Britannicæ
REGINÆ
Medici Ordinarii,
TRACTATUS
DE
FEBRE MILIARI.

Accessit
FEBRIS MILIARIS Historiarum
Fasciculus.

Juxta Exemplar
LONDINENSE.
Apud DAN. BARTHOLOMÆ, Bibliop.
Ulmensem. MDCCXI.

THE NEW YORK

LIBRARY

ASTOR LENOX TILDEN FOUNDATION

1155 MANHATTAN AVENUE

NEW YORK 17, N. Y.

RECEIVED

APR 11 1964

THE CLAYTON

LIBRARY

1155 MANHATTAN AVENUE

NEW YORK 17, N. Y.

RECEIVED

APR 11 1964

THE CLAYTON

LIBRARY

1155 MANHATTAN AVENUE

NEW YORK 17, N. Y.



AD

Lectorem Præfatio.

TRACTATUI naturali ordine prodromo sequentem addendum censui eâ ratione, ut Praxeos specimen, secundum normam mihi usitatam, & à me jam antè propositam, Lectori exhiberem. In quam rem utiliùs præstandam, præ aliis Morbis, Febris Miliaris sive Vesicularis naturam, curandique Methodum describendam elegi; quòd Medicorum neminem, de hâc Febre, tanquam specie diversâ, saltem justo volumine, hætenus scripsisse viderim: Cùm tamen in quamplurimis, vel in Chronicum Morbum immutari, vel brevi exitialem fuisse, noverim. Nonnunquam enim id Ægrorum, in hujus Morbi principio mitiori, de seipsis negligentia; aut
C 5 diutiùs

diutiùs elongati impatientiâ, evenit :
Nonnunquam etiam Medicorum fallacibus ejus Symptomatis cœcatorum ignorantia : Aut tandem, ubi visitationes necessariò continuandas omittunt ; Intempestivo metu, ne Lucri gratiâ Curationem procrastinare videantur. Quamobrem & existimavi operæ impendendæ præ-tium, si his meis Observationibus, ab inspectis Ægris diligentissime collectis, Medicis Junioribus Lumen præberem. Et hoc factò Peritos excitarem, suas etiam in lucem proferre. Quo autem ea, quæ in hac Dissertatione dicta sunt, magis adhuc firmentur, clariusque illustrentur ; Historiarum huc pertinentium, fusiusque exaratarum, Fasciculum subjiciendum curavi. Et firmè credat Lector, me summâ ubique veracitate usum fuisse.



ELEN-



ELENCHUS CAPITUM.

CAP. I.

DE *Febris Miliaris*, seu *Vesicularis*, *Nomine*, *Genere*, & *Speciebus*.

CAP. II.

Febris Miliaris Descriptio.

CAP. III.

De Febris Miliaris Causis Internis.

CAP. IV.

De Febris Miliaris Symptomatum Causis.

CAP. V.

De Signis in Febre Miliari Prognosticis.

CAP. VI.

De Febris Miliaris Simplicis Curatione.

CAP.

CAP. VII.

De Curatione Febris Miliaris Symptomatum.

CAP. VIII.

De Febre Miliari Compositâ.

CAP. IX.

De Morbis quibusdam Febri Miliari superuenientibus.



TRACTA-



TRACTATUS

DE

Febre Miliari,

SEU

VESICULARI.

C A P. I.

*De Nomine hujus Morbi, Genere,
& Speciebus.*



FEBRIS Miliaris, à Pustulis
sive Vesiculis, Seminis Milii spe-
ciem quodammodo præ se fe-
rentibus, & præcipuè circa Par-
tes superiores apparentibus, No-
men accepit. Mihi tamen videtur potiùs no-
minari debere Febris Vesicularis. Quia Pustu-
læ sunt

læ sunt Vesiculæ, primò sero limpidò, deinceps subalbo, Perlarum colore non absimili, plenæ.

NON desunt, qui Febres solummodo Pestilenciales Petechialesque opinantur Malignis adnumerandas. Censeo tamen & alias, Specie diversas, Malignarum Classi debere referri.

PRIMO, quascunque febres vel contactu, halitûve, vel quavis alia Contagione tralatitias.

DEINDE, & istiusmodi Febres quas statim ab Initio Dolor vehemens, & alicui Parti affixus comitatur, viz. Capiti, aut Intestinorum Renumve Regioni, aut etiam Artubus. Pariter ac si Ægrotus Céphalalgîâ, vel Dolorè Colico, aut Nephritico, vel Podagrâ, aut Rheumatismo, vel etiam Doloribus Parturientis, tanquam originali Morbo, laborâsset. Cùm tamen istiusmodi Febris Miliaris Symptomata haud iis cessura sint Remediis, quæ, ubi Morbi ita nominati primarii sunt, valere solent.

PORRO, & in quibus Spiritus Animales subitò opprimuntur & deficiunt; Et ubi prædicta Symptomata à nulla Causâ evidenti, sed à veneno quodam latente, pendere videntur: ab Antiquis Occultæ Qualitatis, à Neotericis Vaporum nomine designato.

VEL demum, ubi ex Causâ, ut videtur, non absimili, spem Salutis subitanea Mors excipit. Quæ omnia, ut Malignitatem ostendunt, ita & in Febre Miliari observavi accidisse.

Et notatu dignum est, hanc Febrem eâdem Malignitate ac Petechialis apud Indos grassari.


HÆC

HÆC Febris specie duplex est, Simplex & Composita. Simplicem dico, quoties Pustulæ erumpunt nullæ, præter Miliare, de quâ hîc disserturus sum. Complexam, cùm Pustulæ Papillares rubræ, Miliaribus sint interspersæ; quæque ubi solitariae sunt, a *Rash*, vulgò appellantur.

ET notandum est: Pustulas Miliare nonnunquam Variolis immisceri, easque, dum intumescunt Variolæ, paulatim exarescere. Verum post exiccatas Papillares superstites manere.

C A P. II.

Febris Miliaris Descriptio.

UO melius Febris Miliaris Historiam perscribam; Antecedentia, Concomitantia, & Consequentia enumerare placet.

ANTECEDUNT, Constitutio Corporis imbecillis, sive ea Naturalis est, sive ex Evacuationibus supra modum factis, Victûve nimis parco Adventitia: Sanguis serosior; Mens imbecillior & timidiuscula, ac facilius læsa ab externis, ut in Fœminis & effeminatis Viris. Cogitatio multa & intensa, aut mœstitia. Obstructio, vel Ulcus in aliquâ parte cum Dolore conjunctum. Unde Dolore Colico, aut Calculo, aut Renum

Renum Ulcere, Podagrave diu affecti, huic Febri magis sunt obnoxii. Calor etiam internus in Mulieribus, cum vel sine Siti, & præcipuè sub tempus Puerperii; unde & Partûs Dolores minus solito vehementes sunt, & Spiritus sine causâ evidente admodum deprimuntur, cum oppressione Pectoris suspiria cogente. Quibus, ut in aliis Febribus, hîc etiam ferè semper accedit Frigus externum.

HANC Febrem sæpe comitatur Dolor, Colici, Nephritici, Pleuritici, Rheumatismatici, vel Parturientis æmulus. Nec non oppressio Pectoris, cum Depressione Spirituum. Dolo prædicto post biduum triduumve recedente, totius Corporis horror, deindèque Frigus Calorque alternatim oriuntur. Lenior tamen hîc Calor est, quàm in Febre vulgari continuâ, & naturali propius accedit: Dum vola manus Calore magis intenso efficitur, pars convexa mitiori. Pulsus etiam frequens est, sed debilis. Spiritus sæpe maximè deficiunt, & quasi ex magno pondere Pectus oppressum edit suspiria. Somnus obrepens subitò est interruptus; omnium penè Symptomatum maximè inseparabile. Sæpe enim plures dies noctesque sine Delirio, aut Capitis Dolo, insomnes sunt: ferè multò diutius quàm in aliis Febribus. Cujus rei Exemplum vidi, præ aliis singulare, in Fœminâ quâdam Illustri, quæ sub cura Doct. *Francisci Bernard*, in hâc Febre, sine Delirio, Dolorève Capitis, per Mensem passâ est vigilas.

Lin-

Lingua nunc Aphthâ albâ obducta est, nunc sanorum similis. Urina, nonnunquam, ferè ut Aqua communis, pallida; alias, naturalem præ se fert colorem. Quo Symptomate decepti Juniores Medici, frequenter ad Vapores, uti vulgò loquuntur, referunt. Hâc Febre correpti aliquando Ventriculi ægritudinem, præcipuè post somnum, patiuntur, & nonnunquam Diarrhæam: vel ex suâ negligentia, vel ex malâ Praxi: scilicet, dum Calefacientia, in Paroxysmis Hystericis usitatoria, sine Diaphoreticis, præscripta sunt. Unde, loco placidi naturæ progressûs, Materiam Morbificam per Diaphoresin expellentis, rapida Fermentatio eandem in Intestina deturbat. Alvus nunc astricta, nunc cum Ventriculi ægritudine, & Intestinorum Doloribus, soluta est. Modò multùm sitiunt, modò parum. Aliquando manus & lingua, Medico porrectæ, tremunt; & Ægri quasi cum Tremore loquuntur. Motibus etiam Convulsivis, Delirio, ac difficili Respiratione haud rarò premuntur. Quorum Symptomatum exacerbationes, Febris Intermittentis Paroxysmorum instar, recurrunt. Pectoris cum suspiriis oppressio, vel sine causa evidente spirituum major defectus, Vigiliæ, & Spirituum commotio, *a Hurry in the Head* vulgò dicta, quoties Ægri ad somnum se componunt, nec non Pulsus frequens & debilis, quibuscunque aliis Symptomatis conjuncta, Pustulas Miliares erupturas semper prænunciant. Quæque o-

omnia persistere solent, donec Pustulæ Miliarese emineant : deinde à plerisque Ægroti liberantur.

Hæ Pustulæ, plerumque in Pectore, Collo, & Digitorum interstitiis, interdum etiam in toto Corpore sunt perspicuæ; &, paulatim indies auctæ, tandem evanescunt; Cuticulâ Pustularum sedibus subscabrâ manente. Nonnunquam pruriunt; præcipuè in Febre Miliari complexâ; ubi scilicet Pustulæ Papillares rubræ permixtæ sunt Miliaribus. Et observare est, hanc Febrem, quo simplicior est, Symptomata habere eo leviora. Quæque hâc ratione, tam incautis Medicis, quàm Ægris, incuriam frequenter creant. Unde Febris hæc vel magis fit periculosa, vel Morbus alius sæpe oritur. Ex minori enim cautelâ, quàm primo loco adhiberi oportuit, gravioribus Symptomatis, scil. Ventriculi ægritudine, Appetitu diminuto, Calore interno, oppressione Pectoris, Spirituum depressione & suspiriis, Caloris & Frigoris irregulari recurso, vigiliis, & similibus, aliquando incipit.

IN hujus Febris declinatione sudore frigido sæpe madent manuum superiora.

AN Pustulæ Miliarese certo die apparere soleant, difficillimum est observare : Cum prima hujus Morbi facies, & de eodem Patientis narratio, adeò sint incerta. Quantum autem assequi possum, eas opinor decimo vel undecimo die, à principio, plerumque pullulare; si modò

si modò Febris regularem habeat progressum : & circa decimum & octavum, vel ubi Materia morbifica abundat, circa primum vel secundum & vicesimum desiccari.

TEMPUS Eruptionis observare, tentavi primò in iis Fœminis, quas tertio à partu die advocatus, de Horrore vel Frigore, & Calore subsequente querentes audiivi. Cùm enim Pustulas Miliare in illarum Pectore & Collo inspectis viderim, eas judicavi à multis diebus Febre Miliari correptas fuisse. Et scrutinio factò ab usque Morbi initio, vel Calorem præternaturalem, vel partis alicujus Dolorem, cum vel sine siti, & cum maximâ Pectoris oppressione ac suspiriis, Spirituumque defectu, ante partum sensisse comperi. Quæ Symptomata, cùm ab appropinquante Partu pendere putarentur, à Partu se bene habituras sperabant. Deinde, partûs Dolores, etiamsi solito sint mitiores, eos tamen, maxima Pectoris oppressio cum suspiriis, spirituumque defectus, (ab Obstetricibus Timor & Vapores dictus) pulsusque frequens ac debilis subsequuntur, Pustulasque Miliare prænuntiare solent. Quarum Eruptioni in Puerperis, ad sudorem in Lecto compositis, via sternitur. A primo itaque Calore interno, vel Dolore ante Partum, ad Eruptionem à Partu, dies undecim frequenter numero. Verùm Ægrota sui status Ignorantia & præpostera narratio, Medici prognosin ut plurimum adeò confundit, ut ipsissimum diem vel curiosissimus haud indigitare noverit.

FEBRIS Miliaris consequentia, quatenus meæ observationi occurrunt, sunt Tumor Femorum, Tibiarum, Pedumque, non semper indolens; extumescencia & abscessus Mammarum; depravata Memoria; Fluxus Lochiorum nimius, & Urinæ; affectus, Hypochondriaci aut Hysterici æmulus; Calor internus, cum debilitate, languore, & diminuto Appetitu conjunctus. Horum inquam, nunc hæc nunc illa contingunt, quoties Febris, vel ex suo malo more, vel Medici malâ Praxi, infelicem habet exitum.

C A P. III.

De Febris Miliaris Causis Internis.



QUOD ad Causas Febris Miliaris internas attinet, partim à Sanguinis, & succi nervosi serositate nimia, & quâdam Acidâ Acrimoniâ; partim etiam à Succo Nervosi nimia commotione, pendere videtur. Quæ mea conjectura ex hujus Morbi præcedente Historiâ, ex Medicamentorum huc pertinentium effectû, & ex Cadaveribus hâc Febre mortuorum dissectis, probabilis videtur.

SANGUINIS Acrimoniam seu Aciditatem arguunt secretiones huic Febri peculiares. Urina

rina enim hic magis decolor est, sanorumque similior; emittiturque majori copiâ, quàm in Febre Ardente, ubi Sanguis & Succus Nervosus Particulis Sulphureosalinis imprægnantur. Et experimur Urinam decolorem copiosè effluere, ex usu Oxymellitis Scillitici in Hydropse incipiente. Ptyalisinus etiam in hâc Febre plerumque copiosior est, quam in Ardente. Ideoque hîc sitis ut plurimum minor est, & Lingua viscoso humore minùs obducta. Porro, & Pustulæ Miliæres, quæ sero plenæ sunt Vesiculæ, ab Aciditate prædictâ secerni videntur: Non secus ac à quovis Acido affuso, fit Lactis serum.

IDEM patet à Medicamentis juvantibus, Testaceis scilicet, ut Oculis Cancrorum & similibus, quæ Acida absorbent.

NEC minus ex Lædentibus. Omnia enim Sapore Acida, ut succus Limonum, &c. in hâc Febre nocent.

SEROSITAS Sanguinis probatur, à Calore, qui hîc mitior, quàm in Febre Ardente, sentitur. Et quo simplicior est hæc Febris, eo mitior est Calor. Nam ubi Pustulæ rubræ, a Rash vulgò dictæ, Miliaribus sunt interspersæ, omnia Symptomata Febrem magis ardentem ostendunt. Et Anasarcâ laborantes, ubi Sanguis sero abundat, licet Febre aliquando Miliari, & Symptomatis Nervosis, vix tamen unquam ardente afficiuntur.

IDEM probat tempus, quo Pustulæ Miliæres erumpunt. Quæ ob Sanguinis serositatem,

indéque Calorem & Motum mitiorem, non tam citò ac Papillares & Variolæ, ubi Sanguis sulphure magis abundat, expelluntur. Quemadmodum simplex Aqua, tardius quàm Vinum aut spiritus vini ebullit. Quam etiam ob Causam Spiritus Animales in hâc Febre primò commoventur.

REMEDIA hujus Febris Curationi adhibita idem ostendunt: nimirum, continuata Diaphoresis, & Vesicatoria successivè apposita. Quæ serositatem Sanguinis, & Succi Nervosi diminuunt, eodem tempore quo eorundem Aciditatem edulcorant. Adde, & Curatio hujus Febris à Natura perficitur, Sanguinis serum, ex aliquâ parte, in generatione Pustularum Miliarium, eliminando. Neque liquores diluentes & aquosiores, hîc adeò multùm, ac in Febre ardente, profunt; ubi potius Pulli Gallinacei Jusculum copiosè bibendum est. Porrò, & quæcunque feri diminutionem per Diaphoresin impediunt, Lædentibus adnumeranda sunt; ut Frigus externum, & Medicamenta Calefacientia sine vi Diaphoretica.

TAM aciditatem Sanguinis, quam Serositatem, Cadavera eorum qui hâc Febre moriuntur, satis perspicuè demonstrant. In quibusdam enim Partibus Sanguis coagulatur, & non secus ac Oleum ex effusione spiritûs Vitrioli nigrescit. Idem tamen Sanguis extravasatus Linteum valde pallido colore imbuunt. In aliis Partibus, adeò serosus est, ut & ipsa Vasa Sanguinea

guinea verè palleant. Cujus rei instantiam profero, in sequentium Historiarum ultima. Et nuperrimè vidi non absimilem, in Juvene quodam Illustri, annos circiter unum & viginti nato, hac Febre mortuo, ex omisâ Morbi Curatione tempestivâ. In cujus Abdomine, Thorace, & Cranio apertis, Vasa, quibusdam in Partibus, Sanguine nigricante & coagulato distenta erant. Sanguis tamen è Vasis discissis elapsus pallido colore Linteum infecit. Et non infrequenter experimur, è Venâ sectâ Sanguinem rutilantem fluere; à Vino nempe generoso copiosè ingesto: Colore tamen pallido linteï imbuti suam Serositatem ostendere. In aliis hujus Cadaveris Partibus, Sanguis serofus videbatur, & Pallido Colore tinctus; ut & Cor ipsum. Plexus etiam Choroides, ob copiam Sanguineorum Vasorum ipsum formantium, semper ferè rubicundus, maximè pallebat: tum Acidi tum Serosi Sanguinis argumentum. Neque dubitandum est, Succum Nervosum, à Sanguine ortum, similem Naturam adeptum fuisse.

INTEMPERIEM Febrilem in Liquore nervoso sive spiritibus Animalibus primitus accendi, Symptomata Nervosa primò occurrentia, nempe Dolor, Spirituum depressio, Vigiliæ, & & similia supra enumerata, probant. Cùm interim, Symptomata quæ Sanguinis fervorem Febrilem indicant, uti Calor vehemens, Pulsus fortis, Capitis Dolor, Sitis, Linguae siccitas, Urina rubicunda & parca, &c. omnino desunt.

56 *De Symptomatum Causis.*

Demum in hâc Febre Juvantia, nempe Mens spiritusque ab omni tumultuario motu immunes, idem ostendunt. Hîc itaque Commotio Febrilis, à Seri Sanguinis metastasi in Succum Nervosum originari videtur, indéque in Sanguinem transferri.

C A P. IV.

De Symptomatum Causis.

FEBRIS Acuta continua, non Maligna, ex obstructione Glandularum, Cutanearum præcipuè, indéque Sanguineorum Vasorum Plethôra pendere, plerique autumant. Et in Febre simplice Miliari Succo Nervoso idem accidere, verisimile est. Nam ut Nervi ex Obstructione tenduntur, ita ex Tensione Dolor oritur, hujusce Febris Symptoma omnium ferè primum. Ideoque Medicamentis Diaphoreticis, Plethoram & Obstructionem Nervorum Capillarium minuentibus, potiùs quam Laudano consopitur. Uti & ex Petechiarum aut Variolarum eruptione, Ægri à Dolorè, Symptomate eorum primario, magis liberantur, quam ab usu Laudani.

Succus Nervosus, Nervorum Capillarium obstructione auctus, & in suo motu repulsus, Motum irregularem imprimit Spiritibus Animalibus, & Horrore Ægrotum afficit.

CALOR

CALOR autem succedit Frigori, ex Succo Nervoso in Sanguinem (tandem obstructione referatâ) copiosius transfuso, motumque Sanguinis citatiorem generante. Neque tamen hîc, ubi Sanguis scatet partibus seroso-acidis, quæ motum ejus inhihent, Pulsus adeò magnus est, ac in aliis Febribus; quæ primò in ipso Sanguine, salinis sulphureisque particulis luxuriante, excitantur.

CALOR & Frigus se mutuo excipiunt, sed irregulariter. Nimirum à serositate Sanguinis, Succique Nervosi ab eo secreti: qui exinde citius à Medicamentis, motu Corporis, multiloquio, vel Animi Pathematis, affecti sunt. Ideoque nihil magis conducit ad Caloris Frigorisque irregularem recursum cohibendum, quàm mora in Lecto & Quietudo.

PECTORIS oppressio & suspiria, à Liquore Nervoso, in Nervis Pectoris Capillaribus stagnante oriuntur. Vesiculis enim seu Pustulis Miliaribus emissis, Ægri ab oppressione liberantur. Certè à Sero in Asperæ Arteriæ extremis Ramulis minimè pendet. Ita enim produceretur Asthma, & Pharmacis Pectoralibus oppressio allevaretur: quæ tamen hîc sunt inutilia, & quæcunque Pustularum Miliarium eruptioni incommoda.

OPPRESSIONEM hanc comitatur Spirituum defectus. Nempe ob Sanguinis serositatem, indeque parciolem in Succum Nervosum Spirituum secretionem. Oritur etiam a Succo

58 *De Symptomatum Causis.*

Nervosi serositate, Spiritus Animales onerante. Serositate enim per Diaphoresin diminutâ, liberantur Spiritus Animales, virésque Æger recuperare videtur. Non secus ac Bajulator, qui deposito onere Spiritus statim resumit. Quod non accidit in Spirituum defectu, ex Hypercatharsi orto. Et notatu dignum est hâc Febre Miliari laborantium, non secus ac oneribus defessorum, Pulsus eundem manere, dum Spirituum defectum passi sint, & ab eodem liberentur. Verùm ex Evacuatione nimia, Pulsus debilitas, Spirituum depressioni respondet.

A motu Spirituum Animalium magis celeri insomnes sunt, saepeque delirant; & quoties ad somnum se componunt, de quadam Sensus Interni Confusione queruntur.

QUANDO in Vigiliis Caput indolens est, à minori Impetu Sanguinis versus Cerebrum pendet. Licet enim motu paulò vegetiore circuit, quàm in Sanis: remissius tamen quàm in aliis Febribus, sive Intermittentibus sive Continuis, movetur. Quamobrem & Sitis hîc longe mitior est, quam in Febre Ardente. Et eandem ob Causam Urina est magis decolor, Saporumque similior: Et majori copiâ emissâ, ex Aciditate Sanguinis serum separante. Quâ de causâ frequentius etiam expuere solent.

A Serositate Spirituum Animalium Musculi antagonistæ non semper æqualiter contracti retinentur; unde fiunt Motus Convulsivi. Sin autem a serositate prædictâ Contractio

Etio Musculorum fuerit debilior, Linguae Manuumque solummodo fit Tremor.

In hujus Febris principio, si Ægri, Similitudine Vaporum decepti, è Lecto surgant, Calidae Medicamenta usurpent, Sanguinis Spirituumque motus exinde augetur : Et loco Pustularum Miliarium Natura ad Materiae morbificae intempestivam ac deviam Secretionem stimulat. Unde producuntur Symptomata, secundum varias Partes in quibus deponitur, variata ; Febrisque Miliaris sub alterius Morbi formâ delitescit. Si in Ventriculo, Nauseam & Vomitum paret ; in Intestinis, Dolorem & Diarrhæam. In quo casu, Dolores & Diarrhæa, citius leni & continuâ Diaphoresi, quàm Laudano vel Astringentibus recedunt. Et si contigerint solummodo duæ tresve Sedes, absque Ventris Torminibus, Spirituumque Defectu ; quæcunque Astringentia & Opiata censeo amovenda. Quippe sæpenumero satis est Materiae, tam in Sedes, quàm in Pustulas Miliare distribuentur. Quapropter & de earum Eruptione à Sedibus nihil metuendum est. Idemque experimur, ubicunque Materia abundat discernenda : Exempli gratiâ, in Variolis ubi nec Enema, nec Venæsectio, Pustularum Eruptionem impedit. Nec quicquam mali accidit à Catameniis, toto Variolarum cursu lentè effluentibus.

Pulsus denique fit debilis, à Serositate Sanguinis Succique Nervosi ; & proinde Spirituum

rituum Animalium paucitate, Cordisque laxiore Systole.

C A P. V.

De Signis in hâc Febre Prognosticis.

DE hâc Febre Prognosis ita instituenda est. Si Ægrotus sui Regimen in principio omiserit, Medicusve Pharmaca calida Diaphoresin minimè excitantia præscripserit; licet Symptomata ab initio fuerint mitiora, Morbus tamen sæpe in pejus ruit, & vel mortem, vel ægritudinis diurnitatem minitatur.

Si ab initio Pars aliqua doleret; vel Æger indolenter calesceret, aut ei Ventriculus ægrota-
ret, deindèque Calor & Frigus alternis vicibus, intervallis tamen inæqualibus recurrerent, Spirituumque Defectus, & Pectoris Oppressio cum Suspiriis, facili Respirationi conjuncta sint, tandemque Pustulæ cum leni & perpetua Diaphoresi sese ostenderent, res plerumque in vado est.

DELIRIUM, Motus Convulsivi, Convulsio, vel Apoplexia, si ex Signis hujus Febris Pathognomonicis, nempe summâ Pectoris Oppressionem, cum Suspiriis, Spirituumque Defectu, Symptomata comitantia viderentur, & in principio

incipio acciderent ; faciliùs Medici diligentia Praxique regulari cedunt. In progressu verò, & declinatione, ubi Æger imbecillior est, & Pustulæ Miliare, aut ex impresso Frigore, aut forsàn à malâ Praxi delitescunt, in Cerebrum, Nervosque lethalis fit metastasis, & brevi Mors sequitur.

IN hâc Febre, suppressio Diarrhææ subitanea, sive sponte, sive Astringentium, sive Opiatorum abusu fit, Apoplexiam cavere jubet. Præcipuè, si iste Morbus, ex Plethôra & Partium structurâ, staret in procinctu.

CITRINUS Urinæ Color, qui subitò in pallorem transit, de metuendâ Metastasi Medicum monet.

IN Puerperis hâc Febre correptis, Diarrhæa Symptoma periculosum est. Non modò enim Pustularum Eruptionem, sed & Fluxum Lochiorum impedit.

RESPIRATIO difficilis, Vox faucibus hærens, & Linguae Tremor, inter periculosa Symptomata collocanda sunt. Præcipuè, Dyspnœa Nervosa.

ÆGRI, quo magis somnolenti, eò feliciùs convalescunt.

QUI mitioris sunt Indolis, faciliùs quàm qui Feroces & Iracundi, liberantur.

SI Natura & Medicus, quasi junctis manibus procedant, statim à desiccatis Pustulis, Ægri Vires recuperant. Nisi, ex abundantia Materiæ Morbificæ, Reliquiæ super Partem aliquam separentur.

IN

IN Febre Scarlatinâ , si Pustulæ Miliare
Colori rubro extincto superveniant , salutem
promittunt.

C A P. VI.

*De Febris Miliaris Simplicis
Curatione.*

HX hujus Febris Miliaris Simplicis Natu-
ra descriptâ enatæ Indicationes curati-
væ sunt hujusmodi. Nimirum, San-
guinis & Succi Nervosi Aciditatem dul-
cificare , eorumque Serositatem diminuere, nec
non Spiritus Animales liberare & restaurare : Et
hâc Methodo obviam eundo periculosis Sympto-
matis , Spirituum Animalium Sanguinisque
Motum ad æquilibrium restituere. Quo fa-
cto , Pustulas Miliare è Materiâ ritè præparatâ
genitas, solito tempore expectare licet.

AD Sanguinis Succique Nervosi Acidita-
tem (unde Coagulationes Sanguinis , & feri se-
cretiones proveniunt) edulcorandam ; Medi-
camenta, vulgò Alcalina dicta , & præcipuè Te-
stacea , sunt eligenda : E quibus sunt Oculi
Cancrorum, Margaritæ præparatæ , & similia.
Et ad eorum Serositatem simul minuendam,
quæ etiam lenem & continuam Diaphoresin
promoveant , maximè omnium prosunt : in
quorum numero Pulvis è Chelis Cancrorum
com-

compositus, Lapis Goensis, & Bezoar Orientalis, præcipuum locum obtinent. Horum enim usu, dies aliquot repetito, Sanguinis & Succi Nervosi vitia corriguntur; Pulsusque ad fortio-rem motum restitutus, magisque æquabilem, Pustularum Miliarium eruptionem accelerat. Equidem, si nulla ratio Diaphoreses habenda esset, neque alicujus Indicationis nisi ut Sanguis Spiritusque Animales exaltentur; calidiora Cardiacæ, uti Radicem Serpentariæ Virginianæ aut similia, vel etiam Vinum ipsum tutò & copiosè sumere licuerit. Hæc autem & hujusmodi, in hac Febre, viz. ad Pustulas Miliares expellendas, rarò locum habent. Nam Sanguinis Fermentatio vehementior, & Materiæ Morbificæ contemporanea secretio, non bene conveniunt. Et sæpe calidorum usu, Delirium, Motus Convulsivi, & similia produ-cuntur. Omnes itaque Secretiones, siue Naturâ, siue Arte effectæ, faciliùs lentè procedunt. Id quod à Medicamentis Testaccis obtinetur; quæ dum Calorem foveant mediocrem, simul & edulcorant, & Diaphoresin promovent.

Ad Serositatem minuendam optimè etiam respondent Vesicatoria: Nec non ad Coagulationes sale suo Volatili impediendas. Nullum itaq; aliud Remedium Spirituum Animalium Comotionem magis sedat, Somnumque conciliat, aut Spiritus depressos levare solet. Materiâ enim morbificâ ex aliqua parte eorum ope diminutâ, Natura reliquam, viâ sibi consuetâ, facilius

cilius amandare potest: tantum abest ut Pustularum Eruptionem impedian. Neque tamen plura unâ vice Vesicatoria, sed alia post alia, applicanda sunt, nisi grande aliquod Symptoma exigat. Notandum autem est, postquam ulcus prioris Vesicæ siccatum fuerit, quamprimum aliam debere excitari. Cùm sæpe observaverim, omnia Symptomata statim à siccatis priorum Vesicarum Ulceribus ingravescere, iterumque ab aliis Vesicis excitatis fieri leviora.

ANNO 1697. quidam hâc Febre correpti non modò Capitis Dolor, sed & Tumore affecti sunt: Attamen ex Vesicatoriis successivè apposis, diutim imminutis. Ex apposis pone Aures disparuit Frontis Tumor; Temporum & Oculorum, ex tertio inter scapulas; & Genarum similiter, Labiorum, Fauciumque, ex aliis super Brachiis, Femoribus, Tibiisque, ut in sequentium Historiarum primâ fusius ostenditur. Et notetur quòd ex minimo temporis intervallo, à prioris Vesicæ exsiccatione ad generationem alterius, & Dolor & Tumor aucti fuere.

ANNO 1704. quorundam in hâc Febre Fauces occupavit Dolor, illius qui in Anginâ æmulus. Quo percepto Symptomate, licèt multi subito mortui sint; eo tamen leni & continuâ Perspiratione domito, omnes sub meâ Curatione evaserunt.

IN hâc Febre, Cathartica rarò sunt admit-
tenda,

tenda; non nisi grande aliquod Symptoma indicaverit. Emollienti verò Enemati, ad primas Vias mundificandas, sæpe locus est.

RARO etiam Sanguinis emissio permit-tenda, nisi ex urgente aliquo Symptomate, viz. Asthmate, Pleuritide, vel simili indicaretur.

ANIMI Pathemata in hac Febre vitanda sunt. Et quæcunque commovent Spiritus Animales, siue grata siue ingrata fuerint, noxia sunt. Quietudo etiam in lecto imperanda est. Contrario autem in hac Febre incipiente regimine, Pustularum miliarium materia versùs cutem motura, aliò repulsa, Symptomata periculosa producit. Quibus Symptomatis, si talia adhibeantur medicamenta qualia ad primarium Morbum inepta sint, vel Mors, vel Morbus Chronicus, sine ullâ postea Pustularum eruptione, sequitur. Unde discimus quî fit, ut Puerperæ ex hac Febre, felicius emergant. Ob id nempe, quòd in lecto tranquillo animo se continentes, lenem & perpetuam Diaphoresin sibi concilient; cibisque Potulentis, calefacientium Pharmacorum loco, refocillentur. Sæpe enim observare est, eas, quæ in lecto bene se habere visæ sunt, si inde surgant, tanto spirituum defectu correptas fuisse, ut moribundæ videantur, & ex iis nonnullæ subito obierint. Quæ etiam nimis properè lectum renuunt, se tantum Hystericè affectas æstimantes, statim in pejus ruunt.

Hujus rei instantiam jam præ oculis ha-

E

beo in

beo in Domina *Shepherd*, in Vico vulgò vocato *Bartholomew-lane*, habitante, & cui D. *Lancashire* fuit Pharmacopœus. Illa Pectoris Oppressionem cum Suspiriis, nec non Confusionem interni Sensus, Cordisque palpitacionem passa est: quæ Symptomata, & Ægra, & astantes, Vapores æstimârunt. Ideoque necessarium esse putabant, ut è Lecto resurgat. Simulac vero induerat Vestimenta, Tremores & Motus Convulsivi, prædictis Symptomatis sunt adjuncti. Ego jam ad Illam vocatus, ex oppressione Pectoris, cum Suspiriis, Spirituumque defectu, Febre Miliari laborare censui, & in periculo stare, nec sine leni & continuâ Diaphoresi servari posse. Præscripsi itaque in lecto quietudinem, seclusâ Visitantium turbâ; Veficatorium inter scapulas applicandum; Bolumque sequentem sextâ quâque horâ cum Julapio sumendum.

℞ Pulv. è Chel. Cancr. comp. Spermat. Ceti, a. ʒj, Croci gr. vj, Syr. Paralys. q. s. Mf. f. Bolus.

Qua methodo adeò late res cessit, ut intra biduum Motus Convulsivi penè penitus aboliti fuerint. Pustulæque Miliæres, jam tandem enatæ, altiùs indies emicuere; serumque in iis, usque ad earum exiccationem, videbatur magis incrassari & albescere.

PUERPERÆ hâc Febre laborantes, & nimis citò lectum renuentes, nonnunquam ex improvviso moriuntur. Uti accidit Dominae *Bar-kley*:

kley ; ad quam licet vocatus eram, tamen ante adventum meum mortua test. Amici Illam, nullo Morbo, præter Vapores vulgò dictos, affici putârunt. Et proinde exurgere, immiscere se Colloquiis, & similia, sanæ instar, agere voluerunt. Ego verò, ex dolore Femoris, oppressione Pectoris, suspiriis, spirituumque defectu, mihi narratis, ipsam Febre Miliari periisse ratus sum. Et allata Candela, Pustulas Miliareres quamplurimas super Pectore adhuc eminentes vidi. Et nullus dubito, quin ex frigore, materiam Pustularum in Nervos repellente, hæc Mulier morte subitanæ oppressa fuerit. Id quod etiam quibusdam Parturientibus in simili casu accidisse memini. Ideoque, ubi ad Parturientes vocatus, Febris Miliaris signa viderim Pathognomonica, moram in lecto, & ut Ægra ad partum se componat, impero.

In prædictæ Dominae dissecto Cadavere, nil morbosum conspexi præter Polypum. Qui ab eadem causâ ac ipsa Febris, viz. serositate acidâ proveniens, minimè mortis causa existimanda est.

SÆPE etiam observare est, eos qui in lecto benè se habere visi sunt, si exurgerent, tantum spirituum defectum sensisse, ut moribundi viderentur : cujus rei in Historia casûs *D. Smith*, in *Areâ Bartholomew-Close* vocatâ, exemplum dabimus. Ideoque Cautela, tum à Parturientibus tum Puerperis observanda est, ut si Pectore oppresso & languore, sine causâ eviden-

re affectæ fuerint ; statim Obstetricis ope Partum avelli curent , & spretis mulierum argutiunculis in contrarium , ad eliciendam diutinam Diaphoresin sese lecto affigant.

C A P. VII.

De Curatione Febris Miliaris Symptomatum.

SINGULIS Symptomatis iisdem Remediis occurrendum censeo, quibus uti maluimus, si solitariè apparuerint : nisi aliquod Symptoma contra indicet ; quod à perito Medico perspiciendum est.

CAPITIS vel Partis alterius cujuscunque Dolor, longè certiùs leni & continuâ Diaphoresi, quàm Opiatis consopitur, Quemadmodum in Febribus Petechialibus Variolisque, nullo modo Dolores sedari vidimus, donec expellenda materia super cutem emineat. Cùm itaque vel Parturienti, vel dolore quovis laboranti advocatus sim, & spirituum defectum Pulsumque frequentem ac paulò debiliorem viderim ; omissis Hypnoticis, Naturæ morem gero, & statim Diaphoresin excitare solco. Sin autem Doloris vehementia Opiatorum usum indicaverit, Diaphoretica admiscenda impero. Alias aut non sedant Dolorem, aut ejus loco aliquid mali afferunt. Et si Pleuriticus sit dolor, vel

vel alicubi Inflammationem ostendat, Venæsectio rarò est omittenda.

QUOTIES Calor & Frigus alternis vicibus & irregularibus recurrunt, ut plerumque solent; lenis Diaphoresis, ex *Pulv. è Chel. Cancr. comp.* usu, valdè prodest; si modo sine Calefacientibus sumptus fuerit. Quod, etiamsi à nonnullis parvi pendatur Remedium, multoties tamen ejus virtutem expertus sum. Hæcque, ex multis aliis, uno Exemplo in *D. Bolton, D. Shaler* Pharmacopœi Filiâ, satis patebit. Illi, secundo die à Partu, doluit Abdomen prope Coxam. Quâ in parte lenito dolore, calore deinde & frigore alternis, nec non Vigiliis & oppressione Pectoris cum Suspiriis, & Languore, afflicta fuit: tandemque post dies aliquot Pustulæ Miliæres exudârunt. Solo itaque Pulveris è Chelis Cancrorum compositi usu sextâ quâque horâ, ad continuandam Diaphoresin; omniaque Pathemata prohibendo, Ægramque Cibis fovendo Potulentis, Vinoque pauco Canarino, illamque dies quatuordecim post emissas Pustulas lecto alligando; æquè feliciter convaluit, ac si non ægrotâisset. Etiamsi ante Partum calor Hecticus, Tussis, difficilisque Respiratio, Tabem minitârint. Constat itaque multis hâc Febre correptis, sanitatem redintegrari longè difficiliùs; aut ex debitâ Curâ in principio omissâ, quasi Ægra tantum Hystericè laboret: aut valde Calefacientium abusu, materiam scilicet Morbificam, non criticè, sed sym-

ptomaticè expellentium. Et observatu non indignum est, quòd hâc currente Febre, ut prædictum Pulverem, experimenti gratiâ, omit- tendo, non solum cessavit Diaphoresis, sed Symptomata omnia pejora videbantur: ita, & illius usum repetendo, quæcunque laudabiliora renovari.

A Vigiliis levantur, Vesicatoriis, & quie- tudine in lecto, remotis omni strepitu Ani- mique Pathematis.

AD Delirium maximè prodest Antimo- nium Diaphoreticum, per se sumptum. Quod licèt à quibusdam Medicis, ut effata Calx æsti- metur; sæpe tamen, & semper per se, optato successu, non modò in Vigiliis, sed & in Delirio præscripsi.

SÆPE etiam pacantur Vigiliæ, leni & conti- nuâ Diaphoresi. Ad quam efficiendam, si Pul- veris prædicti usus sit irritus, Spiritus Cornu Cervi, aliis Medicamentis præferendus est, & in Posseto Salviato potiùs bibendus, quam Sal- viæ infuso. Ideò scilicet, quòd plus nutrimenti in hâc Febre magis necessarij, supponit.

OPIATA, si unquam in hâc Febre, post Ve- sicatoria adhibenda sunt. Et urgente Diar- rhæâ, vel Pustularum eruptione remoratâ, Conf. Fracastorii, aut Theriaca Androm. locum præ- cipuum tenet.

NIHIL à me expertum est, quod felicius motus convulsivos in hâc Febre compescit, quàm omnes illinire Artus Succini Essentiâ; il- liusque

liusque quasi viginti guttas è quovis conveniente liquore sæpe exhibere.

IN oppreffione Pectoris cum fufpiriis præcipuè Afthmate Convulfivo conjunctis, eadem fere, nempe lenis & continua Diaphorefis, Spiritus Cornu Cervi, & Veficatoria, fumme funt utilia.

IN fpirituum defectu, nihil magis valere expertus fum, quàm Aquam Theriacalem, vel per fe, vel in vehiculo cum Salis Vol. oleofi guttis aliquot, & Croci Pulvere; præcipuè fi Cordis Palpitatio eundem comitetur.

IN Tremoribus, Spiritus Animales aptis funt reficiendi Medicamentis; è quibus Crocus maximè prodeft. Nec non cibis potulentis magisque nutritiis, uti Pullorum jure, & fimilibus.

IN Convulfione univerfali, præcipuè à materiæ morbificæ verfus interiora Metastafi ortâ, Cucurbitulis cum emissionè fanguinis ufus fum feliciter. Deinde calefacientes fpiritusq; volatiles Ægrotorum ori ingerendos, nec non Enemata, imperare foleo. Quæ quidem in convulfionibus, præcipuè puerorum, funt proficua.

ÆGRITUDO cum naufeâ, pectorisque calor figna funt Aphtharum imminentium. Quæ mitigantur Symptomata Diaphorefi continuatâ, donec lingua Aphthis obtecta fuerit. Et obfervare eft, eodem tempore augeri Aphthas, Pustulasque Miliare exarefcere. E contra fi-

mul ac lingua Aphthis nudata fuerit, Pustulas Miliarese elevari. Et nonnunquam Febris reliquias, post desiccationem Pustularum, in Aphthas nutriendas derivari.

VOMITIONI occurro, addendo pulveris è Chelis Cancror. comp. scrupulo, salis Absinthii gr. X. Præcipuè si calor Febrilis æqualibus intervallis fuerit repetitus. Nisi aliquod Symptoma (uti Tonsillarum inflammatio, quæ salis lixivialis usu augetur) contraindiceret.

IN Diarrhæâ, quam sæpe astringentibus augeri expertus sum, vel eidem suppressæ aliud Symptoma pejus succrescere, Vesicatorium utiliter præscribo. Ut hujus & Diaphoresis conjuncta ope materia serosa ab intestinorum glandulis revellatur. Margaritas etiam, vel per se vel cum aliquo conveniente Diaphoretico, scrupuli pondere, sumendas vicibusque aliquot repetendas jubeo.

VESICATORII efficaciam ad Chronicam Diarrhæam frequentissimè expertus sum. Cujus rei jam præ manibus habeo instantiam in Dominâ *Washta* puerpera, Mercatoris Hispanici in *Cloak-lane* habitantis uxore; cui Dom. *Sherwood* est Pharmacopœus. Horrore primò correpta fuit, deinde frigore & calore, incertis spatiis recurrentibus: Nec non oppressione Pectoris cum suspiriis, spirituumque defectu. Pulsus etiam ei debilis ac frequentissimus. Et passa est Vigiliis, ferè usque ad enatas in lingua Aphthas. Sub earum autem eruptionem erat admo-

admodum somnolenta ; uti & Aphtharum tempore infantes sunt. Ægritudine etiam ventriculi premebatur, & Diarrhæâ, cujus vi improba Lochia ei suppressâ sunt. Hanc mulierem sequente methodo multos dies continuatâ ad sanitatem restitui.

℞ *Sper. Ceti, Pulv. è Chel. Cancr. comp. an. ʒj, Croci gr. v. Syr. Paralys. q. s. Mf. f.* Bolus sumendus sexta quaque hora è Cochleari Julapii communis. Et applicetur Vesicatorium inter scapulas. Horum usu emicuerunt Pustulæ Miliare, & paulatim minuebatur Diarrhæa. Et cum Aphthis postea enatis creverunt Pustulæ Miliare, sine astringentium usu. Hujusmodi quidem medicamenta Ægrotâ in promptu habuit, sed neque sumpsit, neque iis opus fuit.

Si Theriaca, aliayæ Opiata usurpanda viderentur, opportunè id fit, post apposita Vesicatoria; quæ pravos Opiatorum effectus inhibent.

Hoc etiam potenter efficiunt sudorifica opiatis admixta. E multis hujus rei exemplis, unum dabo in quadam Domina *Roberts*. Illa secundo à partu die, Dolore colico, sine vomitione aut Diarrhæâ, sed admodum vehemente & abdomini affixo, correpta fuit. Quapropter coactus sum, Laudani liquidi guttas centum, sesquihoræ spatio sumendas, imperare. At tamen paulò postea Pulveris è Chelis Cancr. compositi salisque volatilis oleosi Dosis majorem


rem offerendo , multas sudavit horas , dolor-
que sine ullâ superstitie querelâ evanuit. Con-
tra ac in eâdem muliere, & in eodem casu,
sub curâ alterius doctiss. Medici acciderat.
Ille enim , dando Laudanum sine sudoriferis,
dolorem equidem sedavit , diu tamen ægra de
quadam inquietudine subsequente quereba-
tur. Et liquidò mihi constat ex Laudano per
se sumpto , omnes evacuationes plerumque
supprimi. Quod si aliter contingat , forsan
non Laudano , sed aliò referendum est. Si-
militer ac si ex sumpto Cortice Peruviano , aut
vino Clareto, ob materiæ morbificæ congeriem,
Fibrarumve intestinorum imbecillitatem , vel
quandam Antipathiam , sequeretur Diar-
rhæa. Neque post sumptum Laudanum sudor
nonnunquam profluens , & Variolarum ex-
tumescentia , quicquam redarguunt. Quo-
rum neuter à Laudani naturâ , sed potius à
Morbi conditione immediatè pendet. Nam
ut in Febris, durante fermentatione , san-
guis velocius movetur , naturaque secretio-
nibus minimè vacat ; ideoque urinam te-
nuem Ægri meiunt , desinente verò , crassam
cum Hypostasi turbidamque: pari modo , ubi
motus sanguinis ex sumpto Laudano citatior
compescitur , Nervi relaxantur , Porique a-
perti fuerint , in Febris sudor , in Variolis
pus eliminatur facilius. Natura itaque me-
dicamenti non ex aliquo remoto & incerto,
sed ex proximo illius effectû definienda est.

Lauda-

Laudanum enim in quibusdam alvum movit. Quam observando regulam, Medici de Laudani, aliorumque Pharmacorum usu vel abusu, rariùs disceptantes, magis amicè honorificèque convenirent.

Hoc mihi in memoriam revocat effectum Laudani memorabilem in Fœminâ quâdam, ad Insigne Solis in vico *Chancery-lane* vulgò dicto habitante. Illa, cùm post abortum dolore Colico vehementissimo laboraret, Laudani magnas sumpsit doses, & per se repetitas. Unde Urinæ, sedum, Lochiorumque orta suppressio, maximusque tumor ventris brevi expectandam mortem prænuntiârunt. Postquam autem inquisitione factâ a morbi usque initio, inspectisque præcedentis Medici præscriptis, jam memorata Symptomata, à Laudani abusu, ut dictum est, provenire cognoverim; Enema injiciendum imperavi. A cujus operatione peractâ, omnia, non sine astantium stupore, disparuere Symptomata; quippe, non à morbo, sed abusu Laudani, oriunda.





C A P. VIII.

De Febri Miliari Compositâ.

FEBRIS Miliaris composita est, ubi Pustulæ Miliare , Papillis rubris (à *Rash* vulgò dictis) Petechiis, Variolis, aut Morbillis sunt intermixtæ.

SYMPTOMATA eadem ferè sunt, ac in Febre Synocho dicta. Spirituum tamen defectu & suspiriis Ægroti magis opprimuntur. In vigilas etiam proniores sunt; & eorum Urina sanorum est similior.

IN Febre cum Pustulis rubris aliquando Pustulæ Miliare non tantum illis intermixtæ sunt, verùm etiam penitus desiccatis supersunt. In Variolis & Morbillis Pustulæ Miliare plerumque præcedunt, & in principio eas comitantur.

IN Febre Miliari compositâ Symptomata sanguinis potiùs quàm nervosi generis vitia præ se ferunt. Ubi nempe Pulsus frequens est & fortis, calor intensus, lingua sicca, sitisque haud mediocris. In Febre Miliari simplice, è contra. Verum defectus Spirituum, & oppressione circa Pectus coacta suspiria Symptomata sunt utrique communia.

Quod

Quod ad curationem attinet, ubi Pustulæ Miliare Variolas & Morbillos comitantur, Diaphoretica medicamenta paulò calidiora tutiora sunt, quàm in Variolis per se existentibus.

FRIGUS externum, aut regimen quocunque modo frigidum, periculosum est, & mortis causa nonnunquam subitaneæ: tum etiam, cum pleraque Symptomata optatum Morbi eventum promittunt.

QUAMOBREM & opiata calida, ut Diascordium, & similia, feliciter cedunt, quàm Diacodium vel Laudanum, quoties Variolis Pustulæ Miliare conjunctæ sunt.

C A P. IX.

De Morbis quibusdam Febri Miliari super-venientibus.

PRÆTER Febri Miliari consequentia, de quibus ante mentionem feci, & in sequentibus Historiis facturus sum, duo sunt, quæ paulò frequentius eidem superveniunt; nempe Artuum inferorum Tumor, & calor Hecticus.

TUMOR Pedum & Tibiarum, nec non Femorum Inguinisque fit, aliquando sine, verùm sæpius cum dolore haud mediocri, tumori præeunte. Iste autem Tumor, ex materiæ morbificæ congestis reliquiis, in his Febribus non
ritè

78 *De Morbis quibusdam Febri*

ritè curatis, contingit. Cujus rei etiam si plura exempla proferre possim : Methodum tamen, quâ morbum profligare soleo, hîc annectere sufficiat.

EA autem est : Pilularum Catharticarum, cum Opio vel aliquo Opiato, singulis noctibus sumendarum præscriptio. Opiatum mihi usitatum, est Pilula de Cynoglossâ ad ℥ss. Catharticum verò eligo, secundum Coindicantia. Verbi gratia in Appetitu & Digestione diminutis, Pilulas Stomachicas ad ℥ss. In Lochiis aut Mensibus suppressis, Pilulam Aloephanginam, aut Fœtidam. Aliquando etiam Resinæ Jalap. gr. iv vel v jubeo addenda. Et nonnunquam decocti amari sine senna haustum bis in die propino. Si Cathartica paulò fortiora usurpanda sunt, alternis noctibus adhibeo ; & decoctum aliquod Stomachicum diebus interpositis sumendum præscribo. Et post plura alia Medicamenta frustra sumpta, haud rarò feliciter usus sum hâc methodo.

SIN autem adsit Tumor indolens, Catharticus utor sine Opiatis. Et si Febrem Miliarum comitetur tanquam Symptoma, solâ continuatâ Diaphoresi dissipatur.

SPIRITUS etiam Cochleariæ, tam Simplicis quam Cathartici, usus, in hoc casu maximè prodest. Simplicis efficaciam expertus sum in Domino *Bellasis*, circa ætatis annum octogesimum, Febre vehementi correpto, meæque curæ à Regiâ Majestâte commendato. In quo,
jam

jam extinctæ Febri, Tumor ab inguine usque ad Pedum Digitos supervenit, Qui, post Veficatoria frustra adhibita, tandem Spiritûs Cochleariæ simplicis usui cessit.

SPIRITUS autem tam Simplicis quàm Cathartici, scilicet cum Jalapio præparati, usum conjunctum, expertus sum felicissimum in *D. Lane*, quæ aliquot ante annos puerperio cubabat. Hæc dolore vehemente, cum tumore ab Inguine ad Pedum usque Digitos, affecta, duorum Medicorum celebrium curæ submissa fuit; sed id incassum. Eandem itaque Fœminam, spiritu Cochleariæ simplice, ad 20. vel 30. guttas, è conveniente vehiculo ter in die sumpto, & spiritu Cochleariæ cathartico, tertio quoque die deglutito ad guttas 100, nec non Pilulâ *Matthiæ* die purgationis hora somni, penitus curavi.


CALOR Hecticus Appetitûs diminutio, Spiritusque vitalis defectus, locum habent inter ea, quæ Febri Miliari superveniunt. Præcipuè, si Patientes nimis citò de lecto resurgant. Cujus rei vidi quamplurima exempla.

METHODUS, qua hîc bonis avibus utor, est hujusmodi, Sumantur manè dies aliquot, Salis Absinth. gr. 10, aut 15, ex Aq. Spadanæ haustulo; & deinde paulatim ejusdem Aquæ ℥ ij; nempe, si Spiritus maximè defecerint. Aliàs ex haustu Aq. Bathoniensis, superbibendo ejusdem ℥ij similiter. Ut hoc modo aciditatis, ubicunque in hâc Febre peccantis, reliquæ,
unâ

80 *De Morbis quibusdam, &c.*

unà cum prædictis Aquâ & Sale, excernantur. Quod si Salis Absinthii usu caput doleret, præscribo Medicamentum aliquod lenitivum, 3^o vel 4^o, quoque die hora somni sumendum. Salsa & Acida à cibis amovenda, nimiusque corporis Animique motus cohibendus. Nam ex alterutro Recidivam sæpe fieri expertus sum. Nec quicquam Febris intermittens, è præpropero Corticis Peruviani usu, Recidivæ, certius occurrit. Cujus rei instantiam, in Dom. *Warrand* in *Milk-street* habitante, & jam ferè moribundâ, vidi insignem: postquam duo alii Medici non incelebres, pro eâdem, re infectâ præscripserant. Et nonnunquam Lac Asininum, cum Testaceis Pulveribus, & præcipuè margaritis, prodesse solet.





E L E N C H U S

Historiarum.

I.

Historia Febris Miliaris cum Apoplexiâ.

II.

Historia Febris Miliaris cum Artuum inferiorum Paralyfi.

III .

Historia Febris Miliaris cum Delirio Motibusque Convulsivis.

IV.

Historia Febris Miliaris, Opii usu desinentis in Apoplexiam.

V.

Historia Febris Miliaris, ex Aere frigido admissio, lethalis.

VI.

Historia Febris Miliaris, ubi quoddam animi Deliquium mirabiliter per biduum erat continuatum.

VII.

Historia Febris Miliaris, in Chronicum Morbum terminantis,

F

VIII.

VIII.

Historia Febris Miliaris in Morbum Chronicum, tandemque Mortem desinentis.

IX.

Historia Febris Miliaris cum largissimo Urinae effluxu circa finem.

X.

Historia Febris Miliaris in Mammæ Apostema terminantis.

XI.

Historia Febris Miliaris ex Frigore propè mortalis.

XII.

Historia Febris Miliaris cum Delirio maxime furioso.

XIII.

Historia Febris Miliaris cum læsa memoria.

XIV.

Historia Febris Miliaris ex sumptâ Emulsione lethalis.

XV.

Historia Febris Miliaris cum Ulcere calculoque Renum.


XVI.

Historia Variolarum cum Pustulis Miliaribus.

XVII.

Historia Febris exitialis, ubi Æger statim à principio suâ voce fuit privatus.

Historia Febris Miliaris cum Apoplexiâ.

ULII 16. 1697. ad Digniss. Virum Dom. *Muschamp*, Vicecomitissæ de *Lansborough* Maritum, in Plateâ vulgò dictâ *Pallmall* habitantem, evocatus sum. Cui Dom. *Malthas* erat Pharmacopœus; idem qui jam Regius. Annum agebat Ægrotus sextum & quinquagesimum. Constitutione erat pituitoso-Sanguineus, & obesus: Appetitu gaudebat optimo: deditus negotiis & cogitabundus. Ab aliquo retroactò tempore cum Asthmate ac Nephritico dolore laborâsset, Calculos nonnullos, usu Olei Lini ad Cochlearia tria singulis noctibus à me præscripto, cum Urinâ emisit. Proximè præcedentibus aliquot hebdomadis, calore interno, deinde & languore, sive Spirituum defectu, sine ullâ causâ evidente, affectus est.

SUPRA dicto die subito correptus est Apoplexiâ. Ut ex Antecedentibus jam memoratis, Respiratione cum stertore somni profundi æmulo, sensibusque læsis externis omnibus, certò comperi. Illamque â seroso potiùs quàm grumoso Sanguine stagnante oriri, facies ejus minùs rubicunda monstrabat: ut clariùs patebit

ex meis observationibus, quas de Apoplexiâ alterâ à stagnante & extravasato Sanguine grumoso, alterâ à seroso; si vitam DEUS atque Optimum dederit, posthac in lucem emissurus sum.

Ad ferofi Sanguinis stagnantis excitandum motum, ac Ventriculi & Intestinorum onus amovendum, à quo sæpe tentatur Caput, sequentem Pulverem Emeticum præscripsi.

℞ *Salis Vitriol.* ℥iij. f. *Pulvis in doses sex dividendus.* Sumat singulas ex *Aq. Juglandis comp. Cochl. j. superbib. haustum posseti foliis Card. bened. alterati.*

SPIRITUM etiam Salis Armoniaci naribus offerendum jussi. Et ut Ægrotum, tam à Saburræ in Ventriculo, quàm Pulveris Emetici reliquiis, nauseam sæpe sequente die creantibus, liberarem, Pilulas sequentes præscripsi.

℞ *Pil. Tart. Querc.* ℥j, *Resina Jalapii gr. iv, Syr. è Spin. Cerv. q. s. Ms. f. Pilula, finita Emetici operatione sumenda.*

Ad ferosum laticem minuendum, Sanguinisque adhuc magis accelerandum motum, Emplastra præscripti Vesicatoria, & mixturam spirituosam sequentem.

℞ *Salis vol. oleos.* ℥iiij, *Spir. Lavend. comp.* ℥ij. *Ms. Sumat gutt. xx, ex haustu Decocti Hordei Sympo Violaceo edulcorati: Hoc jussi vehiculum, ut, & lentè angeam vim Pilularum, & Dysuriæ Dolorique Renum à Vesicatoriis, præveniam. Demum Emplastra subpedalia, ex*
Empl.

Empl. Cephal. cum Euphorbio & Picis Burgundicæ ana æ. p. curavi applicanda.

DIE prædicti mensis 17^{mo} Ægroto assistentes mihi narrabant, illum statim à peracta vivomitorii è somnolentia & stertore expergefactum, sensus omnes recuperâsse.

SYMPTOMATA jam tum apparentia, hujusmodi fuere, viz. Tumor faciei, & totius capitis: quod eo Anno in Febre Miliari commune erat. Calor etiam Febrilis, Pulsus frequens, sed debilis; cum defectu Spirituum, maximaque Pectoris oppressione cum suspiriis scilicet, à malignitate Morbi, non nimis evacuationibus. Quippe Pulsus, post eas finitas, nihilo quàm ante, debilior fuit. Neque subiit alterationem, quoties de Spirituum defectu Ægrotus querebatur. Urina tenuitate Aquea & satis copiosa; Lingua humore albo & viscoso cooperta; Sitis immunis, etiam si & insomnis fuit. E quibus omnibus Symptomatis & præcipuè ex oppressione Pectoris cum suspiriis, Spirituum defectu, (signis mihi Pathognomonicis) Febrem hanc esse Miliarem, Pustulasque suo tempore expectandas præmonui. Nec quidem Apoplexia, si hîc non fuisset Symptoma, sed primarius Morbus, tam citò & perfectè evanesceret.

Ut itaque secundum meam methodum in hoc Morbo consuetam, lenem & continuam foverem Diaphoresin, irregularibus Caloris Frigorisque paroxysmis occurrerem, tandem-

86 *Historia Febris Miliaris*

que lentam Pustularum eruptionem efficerem, sequentia præscripsi.

℞ Pulv. è Chel. Cancr. comp. ʒβ. Sumatur 6^{ta} quaque hora è Julapii sequentis Cochl. i. superbib. Cochl. iv, vel v.

℞ Aq. Lact. alex. ʒvi, fl. Tiliæ ʒiv, Pæon. comp. ʒvi, Margar. pp. ʒj, Sacchari albiss. q. s. Ms. f. Julapium.

Jussi etiam persistat in usu Decoct. Hord. cum Syr. violaceo : Ut & diluendo à dolore Nephritico præcaverem, & satis materiæ foven-dæ Diaphoresi suppeditarem. Verùm ne frigidò nimis regimine Spiritus Ægroti deficerent; singulis Decocti haustibus mixturæ spirituosæ antea præscriptæ gutt. xx, addendas curavi. Ne omiserim indicationum, etiamsi contrariarum, alicui satisfacisse. In quâ re Ars Medicinalis præcipua consistit.

Ad viscidam materiam linguæ obductam præscripsi Mucilaginem ex Sem. Cydon. & Psyllii, Syr. è Rubo Idæo edulcoratam ; cujus Cochl. j sæpe sumeret sensim deglutiendo.

DIE 18^{vo}, Caput vi Vesicatorii detumuit superiùs. Urina coloratior aliquanto magis, & paucior. Spiritus, sudoris mediocris & mixturæ prædictæ cordialis beneficio, non tam multum defecerunt. Adhuc tamen depressi cogebant suspiria, cum querimoniis de pondere Pectori incumbente. Quibus pensitatis, in omnium hætenus sumptorum repetitione persistere decrevi.

DIE

DIE 19^{no}, eadem apparuere Symptomata, quæ antea. Si modò id excipias, quòd Caput leviter gravari incepit, & Alvus, non obstante Decocti Hordei cum Syrupò Violarum usu, astricta fuit. Quibus ut prospicerem Symptomatis, Renumque dolorem adhuc præcaverem, Clysterem sequentem præscripsi.

℞ *Decoct. commun. pro Clyst.* ℥viii, *Mell. Mercur.* ℥iij, *Sacch. rubr. q. s. Ms. f. Enema.*

DIE 20^{mo}, ex Enematis usu liber erat à Capitis gravedine. Ulcere autem è Vesicatorio citius quàm debuit exsiccato, prædictus Tumor, Spirituum defectus, Pectoris oppressio, non-nihil renovari videbantur; sed sine quovis aliò suboriente Symptomate. Vesicatoria itaque ponè aures applicanda jussi, Decocti prædicti duabus Libris Aq. Pæon. comp. ℥iij addendas, & cum singulis illius haustibus Spir. Lavend. comp. gutt. xv. fumendas imperavi. Hisque non satis prævalentibus, Aq. Theriacal Coch. j vel ij adhibenda, & circa quintam vespertinam Enema repetendum.

DIEBUS 21^{mo}, & 22^{do}, omnia Symptomata cùm sint mitiora, antea præscripta continuanda, & solummodo Emplastra suppedalia addenda curavi.

DIE 23^o, Vesicarum ultimò excitatarum Ulcera jam ferè exsiccata sunt. Caput de novo extumuit, Spiritusque magis defecerunt. Quamobrem mandavi, Emplastra Vesicatoria Carpis apponenda, Pulveris, Julapii, & Decocti

usum continuandum, repetendumque Enema præscriptum.

DIE 24^{to}, omnia Symptomata laudabilia. Excepto Urinæ pallore, Capitisque gravedine cum quâdam somnolentiâ. Quare cum Metastasin metuerim, à prædictâ methodo recedens, sequentes Pilulas præscripsi.

℞ *Pil. Tart. Querc. ʒj, Resinæ Jalap. gr. iiij, Syr. e Rhab. q. s. Ms. f. Pilulæ statim sumendæ.* Et cum continuato usu Decocti Hordei, ut ultimò parati, Vesicatoria ampla Femoribus internis applicanda jussi.

DIE 25^{to}, Urina tingitur aliquanto magis; Caput sanatum optimè; Spiritus redivivi, Pustulæque Miliæres super Pectore emicuerunt.

Si quis hîc Catharsin supra memoratam, quasi Pustularum eruptioni contrariam, reprehenderet; effectus ipse objicienti responderet. Verùm etiam reminisci debet, hujus Ægroti habitum fuisse adiposum: Neque ex Vomitu & Catharsi primò præscriptis, elevatio Tumoris in Capite impedita fuit, sed materiæ morbificæ copiam minuendo potius accelerabatur.

Cum jam Pustulas Miliæres pullulare viderim, Pulverem è Chel. Cancr. comp. 4^{ta} quaque hora è Cochleari Julap. sequentis sumendum jussi.

℞ *Aq. Card. bened. Melissæ, Cinamom. Hord. an. ʒiij, Epidem. ʒiß, Margar. pp. ʒj, Sacch. albiss. q. s. Ms. f. Julap.*

Præscripsi etiam, ut cum Decocto Hordei Apozematis sequentis haustulum sumat.

℞ *Rad. Scorzon. ℥j, Cort. Aurant. cond. ʒvj; fol. Melissæ, Galegæ an. Mj, flor. Cord. an. p. j. β. Sem. Card. bened. ʒβ, coq. in Aq. font. q. s. ad t̄b; Colaturæ adde Aq. Epid. ℥ij, Mf. f. Apozema.*

Et ut per vices sumat Aq. Theriacal. Cochli. ij. Ideò nempe, quòd in hac Febre, præcipuè declinante, dum calent Volæ manuum superiora frigescunt.

DIE 26^{to}, cùm omnia viderim Symptomata adhuc leviora, ultimò præscriptorum usum sensi continuandum.

DIE 27^{mo}, Pustulæ Miliæres numero & magnitudine auctæ sunt. Ideoque Julapio ultimo præscripto hoc substitui.

℞ *Aq. Melissæ, Cinamom. Hord. an. ʒv, Scord. Comp. ʒiβ, Epidem. ʒj, Syr. e Cort. Citr. q. s. Mf. f. Julap. de quo sumat haustulum in languoribus.*

DIE 28^{vo}, Pustulæ visæ sunt adhuc magis elevari, Spiritusque nullo modo defecere. Cùm tamen dorsa manuum frigescerent, ideò novissimè præscripta continuari velim.

DIE 29^{no}, Febris declinare cœpit. Quare Julapium continuandum, & Enema injiciendum jussi.

DIE 30^{mo}, Symptomata omnia evanuerunt. Quoniam tamen de aciditate quâdam in Ventriculo questus est; præscripsi Margarit. pp. ʒj, è Julap. seq. Cochli. j. sumendum aliquoties in die.

R. *Aq. Laët. alex. Meliss. Cinamom. Hord. an. ℥iij, Epid. ℥j, Sacch. perlat. q. s. Mf. s. Julap.*

DEINDE ut per biduum triduumve Decocto Hordei, cum Spiritûs Lavend. comp. guttis aliquot, & Julapio, uti persisteret. Demumq; aquas Strethamenses à ℥iv ad ℥ij coctas sumeret, ter iterando. Quibus remediis ab Apoplexia, Febre, Renumque affectu perfectè liberabatur.

Historia Febris Miliaris cum Artuum inferorum Paralyfi.



IRCA Decemb. finem, 1705. Vir Humanissimus D. D. Garth atque Ego vocati fuimus ad D. Throgmorton Viduam, Ducissæ Northumbriæ Filiam, dies aliquot antequam parturitet; cuiq; D. Birch ut Pharmacopola ministravit. Fatigarunt illam Vomitio ferè perpetua & ægritudo. His etiam astrictio Alvi, & inappetentia, Tussis, & Dyspnœa, Spirituumque defectus accessere. Quæ omnia ex mœrore ob nuperam mariti mortem contigisse æstimabantur.

PRIMO loco Emplastrum stomacho applicandum, & aquam Strethamensem cum sale Absinthii sumendam præscripsimus: nempe ut Ventriculi & Intestinorum motum rectificemus. Hinc equidem rarior Vomitio; at non-nihil nutabant Spiritus. Qui tamen, cum ægra postea

postea puerperio cubaret, continuatâ Diaphoresi quodammodo restituti sunt.

VERUM circa tertium puerperii diem Artus inferni, Paralyfi correpti, suam movendi vim amiserunt. Et nocte proximè sequente adeò defecere Spiritus, ut penè in Syncopen incideret. Quare & prædictus Collega meus nocte vocatus, Emplast. Vesicat. Femoribus quamprimum applicanda, Bolumque sequentem sumendum præscripsit.

Rz Salis Volat. Succini gr. viij, Croci gr. iv Pulv. e Chel. Cancr. comp. ʒj, Conf. Alcherm. sine odorat. q. s. ut f. Bolus cum Julapio appropriato deglutiendus.

DIE proximo manè Ægrotæ Spiritus haud parum elevati sunt. Verùm Paralyfin nullâ ex parte recessissè vidimus. Sed & mediocrem Tumorem, & dolorificum eidem accessissè. Dixi, non infrequenter in Febre Miliari, Paralyticos affectus, ex materiâ morbificâ in Artus descendente, suboriri. Deindeque statim ad Ægrotam accedentes in denudato Pectore Pustulas conspeximus Miliare, Febremque Miliarem, Morbum originale agnovimus. Unde concordî animo Medicamenta Diaphoretica aliorum omnium maximè necessaria decrevimus; & Januarii die 5to à nobis sequentia præscripta sunt.

Rz Pulveris e Chel. Cancr. comp. ʒj, Croci ʒß, Conf. Alcherm. sine odorat. q. s. Ms. f. Bolus

92 *Historia Febris Miliaris*

*lus sextâ quâque horâ sumendus e Cochl. i Julapi
sequent. Superbib. Cochl. iv vel v.*

*R. Aq. Ceras. nigr. ℥x, Bryon. comp. ℥ij,
Sacch. albiss. q. s. Ms. f. Julapinum.*

Januar. die 6^{to}, Ægrota paulò erat viva-
cior, Pectusque illi minus oppressum : Dy-
spnœam autem ex Tussi adhuc passa est, cum
vigiliis. Quare & Bolo, die præcedente præ-
scripto, addidimus Haustum sequentem.

*R. Aq. Puleg. Rutæ an. ℥j, Theriacal.
Syr. de Mecon. an. Tinct. Castor. gutt. x. Ms. f.
Haustus.*

DIE 7^{mo}, Spiritus mediocriter resecti, ex-
pectoratio faciliior, Pustularumque Miliarium
eruptio magis conspicua. Bolum itaque jus-
simus cum Julapio repetendum, & Haustum
vesperi.

DIE 8^{vo}, omnia Symptomata facta sunt mi-
tiora. Exceptâ Paralyfi, & Musculorum La-
ryngis Hystericâ quâdam Convulsione leviori.
Ideoque præter antea præscripta, Pilulas è Ca-
stor. gr. vi, & Asæ fœtidæ gr. xii, sex parandas
singulisque noctibus duas sumendas impera-
vimus.

DIE 9^{no}, Respiratio longe magis quàm an-
tea difficilis, & dolori Lateris Pleuritico ac ve-
hementiori conjuncta. Metuimus à Venæ se-
ctione malum eventum : nempe, ne exinde
Pustulæ Miliæ retrocessissent. Urgentia au-
tem Symptomata prævalebant ; & emissi San-
guinis sperato fructu, tum Ægrota, tum nosmet
freti

freti sumus. Hoc tamen, non sine Decocto Pectorali, Boloque antea in usu, & Spermatiss Ceti ʒβ, sumptis, Quibus & addidimus Emplastrum laterale è Pice Burgundicâ, Haustumque vesperi Paregoricum, & Oleum Lini in promptu habendum, sumendumque urgente Dyspnœâ.

DIE 10^{mo}, respirabat paulò liberiùs, mihiùsque Latus doluit. Spiritus tamen defecere maximè. Interim Miliarium Pustularum moles conspicua & multitudo præbebant salutis spem hæud mediocrem. Quas Diaphoreticis adhuc fovendas pro penso habuimus imprimis accurando. Et ad Dyspnœam, etiamnum prævalentem, jussimus Olei Lini Cochl. ij, secundâ quâque hora sumenda. Et si Alvus indè laxa fuerit, mixturæ sequentis Cochl. aliquot bibenda.

℞ *Diascordii* ʒiij, *Aq. Pulegii* ʒvi, *Epidem.* ʒj, *Mf.*

DIE 11^{mo}, Pustulæ Miliæres erant laudabiles, spiritus quodammodo refecti, Dolorque aliquanto mitior. Respiratio tamen adhuc difficilis, sedesque paulò molliores. Bolo itaque & Apozemati Pectorali jam in usu adjecimus Decoctum album alternis vicibus sumendum, Emplastra Vesicatoria Brachiis applicanda, & horâ somni Haustum sequentem.

℞ *Aq. Puleg.* ʒij, *Tinct. Martis gutt.* xx, *Ol. Amygd. dulc.* ʒj, *Syr. de Mecon.* ʒvj. *Mf.*

DIE 12^o, Pustulæ Miliæres satis conspicuæ;
at diffi-

94 *Historia Febris Miliaris*

at difficilior Respiratio, & Diarrhæa, adhuc per-
sistere. Bolum etiam cum Julapio, Oleum Lini,
mixturam cum Diascordio, & Haustum pacifi-
cum iterari volumus.

DIE 13^o, subistere sedes, Pustulæque Mi-
liares adhuc optimæ. Dyspnœa tamen, Late-
risque dolor, paulò pertinaciores. Bolum ita-
que præscripsimus continuandum. Et quòd ab
Oleo Lini maximè abhorruerit Ægrota Ol. A-
mygdal. dulc. Cochl. j, tertia quaque hora bi-
bendum. Nec non Hyssopi folia cum Radici-
bus Helenii Decocto Pectorali addenda.

DIE 14^o, cum intermittente Diaphoresi, fe-
brilem calorem accendi, continuari Dyspnœam,
& Vesicarum Ulcera penè exiccata vidimus.
Quare præter antea præscripta repetenda, Vesi-
catorium inter scapulas applicari volumus.

DIE 15^o, Spiritus ei longè magis, quàm ab
aliquot diebus retro actis, fuere depressi. Loco
itaque Boli hætenus in usu, sequent. substi-
tuimus.

R₂ *Confect. Ranleens. 3ß, Croci, salis Vol. sa-
lis Armon. an. gr. vi, Syr. Caryophil, q. s. f. Bo-
lus.* Reliquaque ut antea sumenda.

DIE 16^o, Spiritus aliquantò vivaciores, le-
viorque Dyspnœa; Dolor tamen lateralis paulò
asperior. Ideoque Bolum præscripsimus prio-
rem, Haustumque pacificum cum Decocto pe-
ctorali repetendum.

DIE 17^o, Eadem quæ die præcedente jussi-
mus sumenda. Jam enim, & hinc indies, o-
mnia

omnia meliora videbantur. Tandemque membra, hæcenus Paralytica, vim suam motivam aliquatenus recuperavere. Postquam itaque Mannæ ℥ij, in Decoct. Pectorali dissolutas sumpsisset, solum præscripsimus Tibiis applicandum, Vini Chalybeati usum, & ut Bathoniam adiret.

*Historia Febris Miliaris cum Delirio
Motibusque Convulsivis.*



UGUSTI 8^{vo}, 1700. vocatus sum ad D. Bullock apud Insigne calcei Equini, in Vico *Cheapside* vulgò vocato. Cui Pharmacopæus erat D. Wyer in Vico vocato *Woodstreet*. Vicesimum quartum annum agebat, constitutione pituitoso-melancholicus, & adhuc Cœlebs.

Post itinera quædam rure peracta sensit ægritudinem, cum diminuto appetitu, depressosque spiritus, atque oppressionem Pectoris cum suspiriis per intervalla. Pro remedio Vinum nonnunquam, & Aquæ cujusdam cordialis aliquantulum bibere solebat. Appetitus tandem omnino abolitur. Et pridie quàm illum visitavi, Vomitu, Diarrhæâ, & Hæmorrhagiâ Nasarium correptus est. Sumpto autem Medicamento quodam interno, & Nuchæ appposito Vesicatorio ex Pharmacopæi præscripto, ista disparuere Symptomata.

Cum

96 *Historia Febris Miliaris*

Cum ergo primùm Ægrotum adiverim, horrore quodam laborabat, cum frigore & calore, se mutuò insequentibus, sed temporibus incertis. Maximam etiam pectoris oppressionem cum suspiriis & languorem spirituum passus est: Nec non Animi perturbationem, per intervalla ad Delirium usque recurrentem. Item Manuum & Linguae Tremorem, cum Motibus Convulsivis & Vigiliis. Pulsus etiam frequens & debilis; lingua viscositate alba obducta, sed sine siti; & urina sanorum similis.

Ex oppreſsione pectoris & languore, hanc Febrem in Miliarem, eamque ex inæquali calore ac leni simplicem, terminaturam prænovi. Ideoque Carpis Emp. Vesicatoria, & Plantis Pedum alia ex Cephal. cum Euphorbio & Pice Burgundica applicanda jussi, & sequentia sumenda ad lenem Diaphoresin excitandam.

℞ Pulv. e Chel. Cancr. comp. Lapid. Goensis an. ℥ss. Mf. f. Pulvis sextâ quaque horâ e Cochle. j. Julap. seq. sumendus, superbib. Cochlearia vi.

℞ Aq. Ceras. nigr. ℥viij, Cinam. hord. ℥iv, Epidem. ℥j, Sacchar. perlati q. s. Mf. f. Julap.

Et ut Sudor lenis continuò & facilius emanaret, seq. Apozema addendum curavi.

℞ Rad. Fragar. Chelidonia major, an. ℥j, Fol. Fragar. Mij. flor. Paralyseos p. ij, sem. Cardui benedicti. ℥j. Bulliant in Aq. font. q. s. ad ℥ij, Colaturæ adde Syr. Croci, ℥j. Mf. f. Apozema, de quo sumat. Cochle. x. sæpe in die.

DIE 9^{no}, Calor, sine subsequente Frigore, regularis fuit & Cutis humida; Spiritusque non multum defecere. Æger tamen de quadam oppressione pectoris cum suspiriis valde querebatur; & Deliria, Tremores, Motusque Convulsivi adhuc persistere. Ideoque Pulveris, Julapii, & Apozematis usum suasi continuandum. Et ad viscidam materiam, linguæ & palato obductam, mucilaginem, ex Sem. Cydoniorum & Psyllii cum Hordeo coctis, os coluendum præscripsi.

DIE 10^{mo}, Calor similiter ac die præcedente regularis sine renovato Frigore, Cutisque humida. Sed Modus Tendinum Convulsivi adhuc majores. Quapropter Vesicatoria Tibiis internis applicanda jussi: *Lapid. Goens. ℥j, cum Pulv. de gutt. ℥β. ex Aq. Lact. alex. Cochl. j.* sexta quaque hora sumendum *superbib. Cochl. X.* Et quoniam erat Æger nauseabundus, regioni ventriculi apponendum Emplastrum sequens.

℞ *Empl. Stomach. Magistr. part. ij, Caranæ, Taccamah. an. p. vi, Ol. Cinam. gutt. vi. Ms. f. Empl.* Et ut vicibus interpositis bibat haustum Julapii cum gutt. XV. mixturæ ex *Sp. C. C. ℥β, Tinct. Castor. zij.* Et in quantum præscripta Mucilago vix quicquam in viscidam materiam linguæ adhærentem prævalebat, Gargarismatis sequentis usum imperavi.

℞ *Aq. Meliss, ℥vi, Epidem, ℥j, Syr. de Althæa, Jujubin. ℥ Mellis Mercur. an. ℥j. Ms. f.*
Garga-

98 *Historia Febris Miliaris*

Gargarism. Aquam addidi Epidem. ne quid mali, etiamsi parum deglutiret acciderit.

VESPERI pleraque conspexi ut antea. Motus quidem Convulsivi rariùs iterabantur; verùm Spiritus valdè defecerunt, manuumque superiora frigebant, volis interim calore affectis. Idcirco, omisso Pulvere de gutteta, Bolus sequentem præscripsi.

℞ *Cons. Lujula* ℥j, *Bezoar Orient.* ℥β, *Croci* gr. vi, *Castor.* gr. iv. *Syr. Paralys.* q. s. *Ms. f.* Bolus sextâ quaque horâ sumendus cum Julapio antea præscripto.

DIE II^{mo} mala Symptomata ferè disparuerunt. Ideoque ultima præscripta jussi continuanda. Sed quia Apozematis patientem tædebat, in ejus locum substitui Aq. Lactis & Decoct. Pectoral. an ℥j pro potu ordinario, ut eo melius gustui gratificarem. Nec quicquam jam de Diarrhæa, quasi ex Decocto accidere possit, metum offerebat.

VESPERI omnia ut antea. Proindeque in usu omnium ultimò præscriptorum persistendum decrevi.

DIE II^{mo} similiter: exceptâ quâdam corporis inquietudine. Ad quam Vesicatoria pone Aures applicanda jussi, & sequentem Haustum statim sumendum.

℞ *Aq. Paralys.* ℥iij, *Croci* ℥β, *Syr. Paral.* ℥β. *Ms. f. Haustus.*

DIE I3^{io} Inquietudini prædictæ jam abolitæ supervenit Hæmorrhagia narium. Quare
suasi

suasi Ægro, ut affatim bibendo potum ultimò præscriptum sanguinem dilueret : Sed & persisteret in usu Boli, Julapii, & Mucilaginis. Et si de novo accideret Hæmorrhâgia, sequens sumeretur Haustus.

℞ *Aq. Spermat. Ranar. ℥iij, Syr. Plantag. 3jβ. Ms. f. Haustus.*

SUB vesperam Hæmorrhagia substitit. Reliqua Symptomata, viz. Delirium, Tremores, Motus Convulsivi, Languores, Pectorisque oppressio, in statu eodem ferè ac antea fuere. Ideoque & ultimò præscripta continuavi. Hoc solùm addendo, ut Apozematis ex Decocti Hordei ℥j, Syr. Viol. 3ij, sumeret Cochl. X. ter in die, tepidè.

DIE 14^{to} Ægroti conditio penè eadem: nisi quòd aliquanto magis delirabat. Immiscui itaque singulis Bolis Camphoræ grana aliquot, & cætera continuanda iussi.

DIE 15^{to} Pustulæ Miliæres tandem emissæ Spiritus Animales elevarunt. Attamen Tremores Motusque Convulsivi iidem manebant; & Delirium potiùs videbatur exacerbari. Cùm autem id fieri ex eruptione Pustularum nimis tardâ ac rarâ existimarem; Antimonium Diaphoreticum (cujus efficaciam, tum ad Pustulas expellendas, tum ad sedanda Deliria, expertus sum) sequenti modo præscripsi.

℞ *Antimonii Diaphoret. ʒj, Conservæ Lunulæ 3β. Syr. Paralys. q. s. Ms. f.* Bolus sumendus è Cochleari Potûs pectoralis, super-

100 *Historia Febris Miliaris*

bibendo Haustum ejusdem. Post horas quinque Bolum cum Castoreo & Croco sumendum jussi, atque ut alternis vicibus repetantur. Et ut injiciatur Gargarismus ope Syringæ sæpe in die: quia lingua, Antimonii Diaphoretici usu, frequenter viscido humore inficitur.

VESPERI uberiùs altiusque exstabant Pustulæ; aliæque Symptomata mitiora sunt, Delirio solo excepto. Quare & prohibui Volatilia, Antimonium autem Diaphoreticum quinta quaque hora, cum Decocto pectorali, repetendum mandavi; & Gargarismatis Julapiique usum continuandum.

DIE 16^{to} Pustulæ erant adhuc crebriores, eæque majores quam quæ primò pullulabant. Longè etiam leviùs Delirium per intervalla. Ideòque censui optimum fore, ut Ægrotus persistat in ultimò præscriptorum usu. Quoniam tamen Tremores, Motusque Convulsivi, non obstante Pustularum eruptione, ex aliquâ parte manebant; Vesicatoria Brachiis internis applicanda jussi.

VESPERI omnia penè ut tempore matutino. Excepto Delirio, quod fit adhuc mitius. Ex causæ nempe metastasi, à Cerebro in Brachia. Nam Motus Convulsivi intensiores fuere. Quare & ultimò præscripta judicavi continuanda.

DIE 17^{mo} Pustulæ numerosiores auctioresque erant. Motus tamen Convulsivi reliquæque Symptomata prope eadem. Tussis au-

tem

tem ac languor aliquanto graviores. Quare & antea præscriptis addidi Aq. Theriacal. Cochl. j, in Spirituum deliquis; & usum seq. Apoze-
matis.

℞ *Decoct. Pectoral* ℥ij, *Syr. Croci* ℥j, *Mf. sumat Haustum frequenter.*

VESPERI Tussis Spirituumque defectus fuere leviores: Ideoque ultimò præscripta continuanda imperavi.

DIE 18^{vo} omnia ut die præcedente vidi, eademque remedia curavi repetenda.

POST horas autem aliquot elapsas à meo discessu iterum accerfor. Motus enim Convulsivi aucti fuerunt ex improvise, Spiritusque magis defecerunt. Exinde verò nil metuebam; Pustulæ enim copiosissimæ enatæ, Motusque aucti Convulsivi, Delirium mitigarunt. Præscripsi tamen *Pulv. de gutt. cum Sem. Pœonia, & haustum ex Aq. Card. bened. ℥iij, Croci* ℥ß, *Syr. Caryoph. ℥ij.*

EODEM die, paucas post horas, nuntius ad me occurrit, qui aiebat, Ægrotum brevi moriturum. Quem cum revisi, laborantem inspexi Motibus Convulsivis, iisque gravioribus. Sed exinde Delirium fuit mitius. Et prædixi illius matri, similes Motus repetitos iri donec à Delirio perfectè liberaretur. Et ut prædixi, à proximè sequente Paroxysmo omnino evanuit; & tam Animi quàm membrorum quies restituta fuit. Cavendo tamen ne prædicta Symptomata novarentur, sequens Apo-

102 *Historia Febris Miliaris*

zema (sæpissimè in Adultis, præcipuè autem infantibus expertum) præscripsi.

℞ *Ungulæ Alcis rasæ* ℥j, *Sem. Pæon. Visc. Querc. an.* ℥iij, *Ras. Cran. Human.* ℥β. *Coqu. leniter in Aq. font. q. s. ad* ℥jβ. *Colaturæ adde Syr. Pæon. comp.* ℥iij, *Mf. f. Apozema. Sumat Cochl. x. frequenter.* Jussi etiam manuum volas pedumque plantas Oleo succini illinendas ; succum Rad. Paralyf. tempore Paroxyfmi Naribus attrahendum ; fumendumque Bolum sequentem.

℞ *Cons. Anthos, Pulv. e Chel. Cancr. comp. an.* ℥j, *Castorei gr. vi. Syr. Pæon. comp. q. s. Mf. f.* Bolus fumendus è Julapio antea præscripto. Et ne prædicta, si forsan repeterentur, Symptomata, tandem in Apoplexiam vel Convulsionem generalem terminarent, addidi Antimonium Diaphoreticum, ad Pustulas Miliare adhuc numerosius altiusque expellendas. Et ad feri sanguinis morbifici extrahendas reliquias Vesicatoria Femoribus applicanda jussi.

DIE 19^{no} Pustulæ copiosissima ad tantam crevere molem, ut latæ unguis medietatem æquarent, ut Ægroti verbis utar. Delirio deinde Moribusque Convulsivis profligatis, manuum duntaxat Tremor, corporis debilitas, spirituumque aliqualis languor superstites fuerunt. Boli itaque & Antimonii Diaphoretici loco jussi Pulv. è Chel. Cancr. comp. ℥j, cum Julapio antea præscripto sexta quaque hora fumendum, ad leniter continuandam Diaphoresin.

resin. Ut in languoribus Aqua Theriacalis usurpetur: in potum ordinarium Apozema Antepilepticum: Et ad linguam, adhuc quodammodo affectam, Gargarisma.

DIE 20^{mo} omnia in eodem loco ac in die præcedente stabant. Excipe id tantum, quòd Pustulæ videbantur paulò minus turgescere. Mandavi itaque ut Antimonium Diaphoreticum Pulvisque è Chel. Cancr. compositus alternis vicibus sumerentur. Et Gargarismatis, Julapii, & Apozematis ultimò præscripti in usu persisteret.

DIE 21^{mo} Pustulæ versus siccitatem declinabant. Apozema tamen, cum Pulv. de Lap. Goens. & Pulv. de gutt. censui continuandum. Nec non Gargarisma cum Mucilagine, ad linguam nondum ab immunditie omnino liberam.

VESPERE calorem linguæ sensit, & internum, sine sudore. Præscripsi itaque Margaritarum pp. ʒj, singulis dosibus Pulveris jam in usu addendum. Et ex haustu potûs ordinarii Spir. C. C. gutt. xx. secundâ vel tertiâ quâque horâ sumerentur, donec lenem Diaphoresin excitaverint.

DIEBUS 22^o & 23^o, cùm omnia optata viderim, novissimè præscripta decrevi repetenda.

DIE 24^o, cùm internus calor usque persistit, Pulverem jam in usu suasi continuandum. Et in languoribus Sal. Vol. Oleos. cum Spir. C.C. ex haustu potûs ordinarii sumendum.

104 *Historia Febris Miliaris*

DIEBUS 25^{to} & 26^{to}, reliqua omittendo, solummodo Sal. Vol. Oleos. ex potu ordinario sumend. iussi. Et Julapium sequens ad languores, si fortè acciderint, in promptu habendum.

℞ *Aq. Ceras. nigr. ℥viij, Scordii compos. Saxon. frigid. an ℥ij, Pæon comp. & Syr. Pæon. comp. an. ℥j Ms.* Et sic tandem Æger perfectè convaluit.

Historia Febris Miliaris ex Opii usu desinentis in Apoplexiam.



UGUSTI 4^{to}, 1697. evocatus sum ad D. Thom. Western, in Vico Thames-street dicto, cui D. Lancashire, erat Pharmacopæus.

VIR ille habitu obeso gravabatur, & Plethorâ: Magno Capite, buccinata facie, brevi-que Collo præditus. Unde & quocunque morbo antea laboraverat, Caput ei semper doluit, & delirabat. Ante dies aliquot lavavit Pedes, & cum amicis liberè comedit. Postea verò de Nauseâ & Ægritudine, cum Calore & Frigore irregulariter recurrentibus, Spirituum-que languore & oppressione pectoris cum suspiriis querebatur. Nec Aqua quædam Cordialis, quam sponte sumpsit, Ægritudinem levavit.

CUM prædicto die illum visitaverim, Pulsus erat frequens & debilis; Nausea & Ægritudo, nihilo

nihilo mitiores. Cum Calore & Frigore, vicibus alternis, sed duratione incertis, Spirituum defectus, Pectorisque maxima oppressio cum suspiriis. Nec sine quâdam perturbatione, quoties somnus irrepere incepit. Quibus omnibus ritè perpenſis, imprimis Haustulum ſequentem præſcripſi.

℞ *Salis Vitriol. Vomit.* ʒiβ, *Ex Aq. Jugland. comp. ſumatur.* Et in languoribus bibat Julapii ſequentis haustum. ℞ *Aq. Menth.* ʒx, *Epid.* ʒiβ, *Syr. de Menth.* ʒj, *Mſ. f. Julapium.*

DIE 5^{to} Nausea & Ægritudo minores ſunt. Idem verò languor, eadem Pectoris oppreſſio, & Ægroti dormituri perturbatio. Pulsus adhuc frequens & debilis. Manuum caluere volæ, minimè ſuperiora. Urina ſanorum ſimilis; Calorque internus ſentitur abſque ſiti. Ex quibus Symptomatis novi Febrem adeſſe Miliarum. Ut itaque lenem excitarem Diaphoreſin, proprioque potu illam fovendo Symptomatis prædictis obſiſterem, ſequentia præſcripſi.

℞ *Pulv. e Chel. Cancr comp.* gr. xxv. *Syr. Caryoph.* q. ſ. *Mſ. f.* Bolus è Julapio antea præſcripto ſumendus ſexta quaque hora.

℞ *Decoct. Hord.* ℥jβ, addendo inter coquendum Cochinellæ ʒj. Colaturæ adde *Syr. Caryoph. & Viol. an.* ʒj, *Mſ. f. Apozema.* Sumat haustum per intervalla.

VESPERE omnia vidi emendatiora. Ideoque Bolum ad ʒβ. augendum & continuandum præſcripſi. Ut perſiſteret in uſu Apozematis;

& in languoribus, cum Salis Volat. Oleosî gutt. xx, vel Aq. Theriacal. Cochl. ij. At si remissior fuerit Diaphoresis, loco Salis Vol. Oleos. Spir. C. C. gutt. xx. fumeret. Et quoniam Patientis amici eundem narrabant in nullo Morbo tamdiu à Delirio fuisse liberum, hoc itaque præcavendo, Vesicatorium Nuchæ, & Emplastra suppedalia applicanda præscripsi.

DIE 6^{to} manè, cùm omnia eadem ac die præcedente viderim, jussi antea præscripta continuanda.

VESPERE quædam in pejorem partem inclinabant. Paucula enim verba locutus est ineptè; & cum Nauseâ singultiebat. Præscripsi itaque Empl. Stomachic. Magistral. cum Caranna, Taccamahacca, & Ol. Cinamomi, regioni ventriculi applicandum; & Possetum Salviâ & semine Anethi alteratum: utpote in singultu à me probatum & expertum, pro potu ordinario.

DIE 7^{mo}, minus singultiebat; post duas tresve sedes, à Delirio omnino liberabatur; Pustulæque Miliæres super Pectore emicuerunt.

HODIE Ægroti Amici alium Medicum mihi addiderunt Collegam. Is sedes, ne Pustularum eruptioni obstarent, cohiberi voluit; ideoque Astringentia ex Diascordio & similibus quamprimum adhiberi. Ego verò, sumendo argumentum à materiæ morbificæ Colluvie, nempe tum ad pustulas replendas, tum ad sedes sufficiente, suasi contrarium. Allegavi etiam,
exem-

exempli loco, fœminam quandam generosam, quæ à Diarrhæâ, errore quodam suppressâ, indeque morbosâ materiâ ex partibus inferioribus in Cerebrum irruente, paucas post horas obiit. Et in nostro Patientē, scilicet obeso habitu, brevique cervice, & eâ ratione ad Apoplexiam proclivi, multò magis humorum Metastasin nos cavere instabam debuisse. Attamen, ut in hâc re mediam ineamus viam, assensum haud difficilem præbui. Præscripsimus itaque Bolum ex Margaritar. & Corallior. pp. an. gr. xv. Salis Absinth. gr. vij, Syr. Caryoph. q. s. Et ut bibat Decoctum album, Cochinellâ concoctâ, & Aq. Cinamom. Hord. alteratum, instar potûs ordinarii. Ut Emplastrum ex Galbano Umbilico applicetur; ut & mucilagine, Aq. Rosarum extracta, os madesiat.

VESPERE Diarrhæa multo mitior fuit. Sed aliquanto plus delirabat Æger; fortè à sedibus rarioribus. Neque à singultu omnino abstinit. His animadversis, addidimus antea præscriptis Emplastra Vesicatoria Brachiis internis applicanda. Emplastra etiam subpedalia, & Possëtum alteratum, ut à me antea præscriptum.

DIE 8^{vo}, tertius Medicus ad consultandum vocatus suam opinionem, de sedibus necessario suppressendis, statim proposuit. Dixitque aliàs impossibile fore (ut ipsius verbis utar) Pustulas emitti. E contra Medicorum prior, atque egomet objecimus materiæ morbificæ abundantiam, & Delirium aliaque periculosa Sympto-

108 *Historia Febris Miliaris &c.*

Symptomata, ex illius Metastasi metuenda: Sed frustra. Ille itaque sequentia præscripsit.

℞ *Theriac. Androm.* ʒβ, *Pulv. e Chel. Canceror. comp. Spec. Confect. de Hyacinth. an.* gr. xij, *Syr. Cydon. q. s. Ms. f.* Bolus sumendus è Julapii seq. *Cochl. j.* superbibendo Julapii dimidium quam primum, reliquum post horam vel primam sedem.

℞ *Aq. Cinam. Hord. Menth. an.* ʒij, *Epidem.* ʒj, *Syr. e Mecon.* ʒβ, *Diascordii* ʒj, *Ms.* Et Emplastra Vesicatoria tibiis applicanda.

COLLEGA primò vocatus illi assensit de Bolo sumendo; sed Julapium constanter reprobavit. Nihilominus ambo Medicamenta (circa nonam matutinam præscripta) sumpta sunt.

CIRCA tertiam vel quartam pomeridianam iterum convenimus, intelleximusque patientem statim à suppressis sedibus in Apoplexiam incidisse. Quem etiam, Pustulis Miliaribus in universum deletis, sensibus orbem vidimus. Quare & Vesicatoria Capiti & Carpis quamprimum applicanda jussimus, Sternutatorium è *Flor. Lili conv. insuffflandum*, & sequentia sumenda.

℞ *Salis Vol. Oleos. Tinct. Castorei. sp. Lavend. comp. an.* ʒij, *Ms.* Sumat frequenter gutt. xxx. circiter, ex haustulo Julapii seq.

℞ *Aq. Meliss. Rutæ an.* ʒiiij, *Pæon. comp.* ʒjβ, *Spir. Lavend. comp.* ʒij, *Tinct. Castor.* ʒj, *Syr. Pæon. comp.* ʒj, *Ms. f.* Julapium ut supra sumendum. Sed incassum omnia: Nam paucas post horas mortuus est.

Historia



Historia Febris Miliaris ex Aere frigido admisso Lethalis.

SEPT. 25. 1700. Evocatus sum ad D. *Arnold*, Cerevisiarii *Westmonasteriensis* uxorem. Cui obstetricis officium præstitit D. *Watson* : Et Pharmacopœi, D. *Broughton*, in Vico vocato *Tuttle-street*.

ILLA, antequam parturiret, dolore Colico, ventriculo, ut aiebat, quasi onusto, & Spirituum defectu ingemuit.

Cum die supra dicto primùm adiverim, Aquæ serosæ, ex membranis Fœtum in Utero includentibus sed jam disruptis, effluerunt; & Infantis caput extra orificium Uteri internum hærebat. Nempe ex viæ angustia, capitis mole majori, Spirituum defectu, doloreque mitiori, quàm qui ad partum sufficeret.

DE eodem Spirituum defectu, etiam post partum exemptum, adeò querebatur, ut astantes omnes illam putarent brevi morituram. Cum autem hoc Symptoma jam idem videretur ac ante partum, idemque Pulsus; imminetis periculi nil metuens, Febrem adesse Miliarem palam

110 *Historia Febris Miliaris*

palam indicavi, Pustulasque prædixi Miliare, tandem aliquando exituras. Ut itaque lenem Diaphoresin consuetâ meâ methodo excitarem, seq. præscripsi.

℞ *Pulv. e Cbel. Cancr. comp.* ℥j, *Castorei* gr. iv. *Syr. Paralyf. q. s. Ms. f.* Bolus quamprimum sumendus e *Cochl. j.* Julapii communis.

DIE 26^{to} Medicus alter magni nominis de Patientis salute consulitur: Quam adhuc de Spirituum defectu & oppresso Pectore querentem audivimus. Ex quo præcipuè Symptomate prædixi etiam alteri Medico, Pustulas Miliare suo tempore erupturas.

ÆGROTÆ Pulsus frequens adhuc & debilis; Calor universus, & sine alterno Frigore; Urina sanorum similis; verum à Colico dolore (forsan Alvi bis solutæ beneficio) libera evasit. Netamen Lochia minuerentur ex Diarrhæâ, Pilulas imperavimus sequentes sumendas.

℞ *Castorei* gr. vi, *Asæ Fœtid.* gr. xij. *Land. Lond.* gr. j. *Syr. Atrip.* q. s. *Ms. f. Pilul.* n^o vj. Sumat ij urgente Alvo, & deinceps quartâ quaque horâ. Sumantur autem e *Cochl. j.* sequentis Julapii superbib. haustulum ejusdem.

℞ *Aq. Ceras. nigr.* ℥viiij, *Cinam. Hord.* ℥iv, *Epidem.* ℥x, *Margar. pp.* ℥j, *Sacchar. albiss.* q. s. *Ms. f. Julap.* sumendun ut supra præscriptum est, & in languoribus.

DIE 27^o Ægrotam in eodem statu, quo die præcedente, vidimus: Exceptâ leviori quadam cordis palpitatione. Jussimus itaque ut

per-

persistat in usu Pilularum cum Julapio, sumatque gutt. xx. Salis Volat. Oleos. in haustu potûs ordinarii, & in languoribus prædictum Julapium.

DIE 28, Pustulis Miliaribus jam in conspectum eminentibus, Spiritus minus defecerunt, mitiora suspiria, minor oppressio. Rectè etiam effluebant Lochia, & Alvus mediocriter soluta fuit. Consulimus itaque Pilulas sine Laudano sextâ quaque horâ sumendas. Mater verò puerperæ, mortem ex Diarrhæa pertimescens, obnixè rogabat sisteretur. Et ut videamur ex aliquâ parte ad ejus mentem accedere, mandavimus sequentis Julapii usum.

℞ *Aq. Menth.* ℥ij, *Epid.* ℥jß, *Confection. Fracast.* ℥j, *Syr. de Mecon.* ℥ de *Menth. an.* ℥ß. *Mf. f. Julap.* de quo sumat *Cochl.* iv urgente Diarrhæa. Et ut persistat in usu salis Vol. Oleos. & Julapii perlati.

DIE 29^{no}, Ægrotam visitantes, intelleximus admodum timuisse matrem ob Diarrhæam, & illi multò largius, quàm à nobis concessum est, de Julapio præbuisse: Sedesque exindè primò inspissatas fuisse, postea omnino suppressas. Unde & palpitation, pectorisque oppressio, majores subsequutæ sunt. Quapropter & sequentia censuimus sumenda.

℞ *Croci* ℥ß. *Sumatur e Cochl.* j. *Aq. Lactis superbib.* *Cochl.* v. *Sumat etiam Tinct. Croci* gutt. xx. *ex haustulo Aq. Lactis saepe.* Usu etiam *Croci*, ad cordis palpitationem, fluxum Lochiorum,
Spiri-


Spirituum defectum, Pustulasque Miliare altius emittendas, respectum habuimus : Demumquè persistat in usu Pilularum sine Laudano, & Julapii in languoribus. Et matris importunitati cedentes, præscripsimus etiam Julap. cum Diascordio in promptu habendum : dicebat enim mater, se id velle. Ægrotæ etiam percontanti, an semet in lecto erigere, & ventilabro uti liceat, necne ? assensus est alter Medicus. Atque etiam, ut in se collectis cortinis pateat lectus ; ignisque extrueretur vel nullus vel duntaxat parvulus. Interim mihi ab illa quærenti, an ex Aere frigido, Collo vel Pectori admissio, quicquam mali sentiret ? respondet, semet exinde Spirituum defectum Pectorisque oppressiorem sensisse. Quamobrem illam obnixè rogaui, ut toto illo die calido utatur regimine ; eoque potius, quòd ille esset dies Febris Lactæ : Ne cessante Diaphoresi Pustulæ Miliare retrocederent. Sed à nostro discessu sibi Aerem admisit, Pustulæque Miliare subito occultabantur. Unde materiæ morbificæ in cerebrum facta est Metastasis, statimque ægrà sensibus orbata est.

Cum eventus meæ responderet prognosi, seorsum vocatus sum : sed jam nullum vidi præscribendi locum.

Ex hisce duabus Historiis clarè constat, Febrē Miliare, cum Symptomatis mitioribus incipientem, ex minimò errore fatalem sæpe exitum habere.



*Historia Febris Miliaris, ubi quoddam
Animi Deliquium maximè mirabile
supra biduum erat conti-
nuatum.*

 EPT. 12. 1697. advocatus sum ad
D. Hall, ad insigne Leopardi in
Blackman-street propè Divi Georgii
Templum habitantem, nono post
partum die. Cui Pharmacopœus D. Bynn, &
obstetrix D. Cretier, in Vico Abchurch-lane vul-
gò dicto.

HÆC puerpera annum agebat trigesi-
mum octavum, & sextum jam partum enixa
est. Constitutione debilis; tam ex partu sem-
per difficili, quàm dolore Colico sæpe recurren-
te. Quemque nuper passa est, cum Calore &
Frigore alternis, & cum oppressione Pectoris,
Spirituumque languore. Quæ Symptomata
ab amicis tantummodo vapores, ut vulgò vo-
cant, usque ad diem quo infans baptizatus est,
communi errore, æstimabantur. Quo die visi-
tantium multitudo adeò fuit obstrepera, ut exin-
de Spiritus ejus, antea debiles, intensè perturba-
rentur, & Tremore ac Motibus Convulsivis
correpta fuerit: Tantaque corporis inquietu-
dine laboraverit, ut maritus vix potis erat eam in
H lecto

lecto retinere: Donec tandem, die scilicet illum quo advocatus sum præcedente, in Convulsionem universalem incidit, & summo languore jacuit quasi penè mortua.

DIE supradicto, cum circa nonam matutinam Patientem visitaturus sim, mihi Domestici narrabant, maritum ejus meum adventum per nuncium inhibuisse: jussisseque, si forte adsim, ne me in cubiculum admittant: putabat enim illam reverà animam reddidisse. Et cùm, nolentibus illis, ægrotam adiverim, illam equidem absque pulsu, absque respiratione (ut per speculum ori & naribus appositum probavi) facieque mortis pallidissimâ, in lecto immotam & extensam Ego & astantes conspeximus.

Nihilominus è facto scrupulosiori de antecedentibus scrutinio conjecturam feci, mortis similitudinem illam à materiæ morbificæ in totum genus nervosum Metastasi provenisse. Nam mihi hîc in mentem id venit, quod notatu dignum est in Pisciculis Tubulo vitreo inclusis & per Microscopium inspectis: in quibus, scilicet, conspicua est Sanguinis Circulatio, etiam si mortui videantur. Prohibui itaque ne per dies aliquot hanc ægrotam stragulis denudarent, & non ante septimanam sepeliendam. Et multâ contentione obtinui Cucurbitulas cum Scarificatione, inter Scapulas, & Femoribus internis applicari permittant; Emplastra Vesicatoria pone Aures & super Carpis apponi; tempora & manuum volas pedumque plantas

Oleo

Oleo succini illiniri; succum Paralyseos, & ex Helleboro, Salviâ, & Floribus Betonicæ Sternutatorium Pulverem, naribus alternis vicibus insufflari; & Haustum ex Aq. Lact. ℥iij, Castor. gr. vj, Syr. Artem. ʒvj; nec non Apozema pro D. Bullock præscriptum, si fieri possit, vi in os injici.

Post penè biduum, die scilicet 13°, circa quartam pomeridianam, missi ad me Domestici narrabant, Chirurgum, simul ac hanc puerperam inspexerat, admiratione perculsum interrogasse, an Cucurbitulas mortuæ applicari vellet. Utcunque tamen eis morem gerens Cucurbitulas Femoribus apposuit; at non inter scapulas, adeò multum rigebat. Vesicatoria etiam Carpis applicârunt. Cæterùm die supradictò, nempe 13° vesperi, licet ne minimum respiraret, visa est tamen parum calescere. Jussi itaque Cranii humani ℥j, cum Aq. Rutæ & Syr. Artemisiæ, si fieri possit, in os immitti.

Die tandem 14°, circa quartam matutinam, mollissimè respirare, atque etiam deglutire incepit. Ideoque Emplastra Vesicatoria inter Scapulas applicanda iterum præscripsi. Et ut gutt. xx Salis Volat. Oleos. sumat sine vehiculo. Quo factò, Pustulæ Miliæres demum in conspectum venere. Et in earum incrementum sequentia sumenda consului.

℞ *Pulv. e Chel. Cancr. comp.* ʒβ. Sumatur quarta quaque hora, e Cochl. j Julapii sequentis superbibendo Cochl. iiij.

℞ *Aq. Cinam. Hord.* ℥jv, *Rutæ* ℥iij, *Pæon. comp.* ℥jβ, *Sacchar. albiss. q. s. Ms. f. Julapinum.*
Et ut bibat de Apozemate ex Ung. Alcis pro potu ordinario.

DIE 15^{to} loqui, seseque movere valuit; & de dolore ex Vesicatoriis edidit querimoniam: Pustulæque Miliæ super Pectus pullularunt copiosissimè. Ideoque antea præscripta censui continuanda.

DIE 16^{to} Pustulæ molem acceperunt adhuc multò majorem, mensque illi redintegrata est. Nec amplius oppressione Pectoris, aut languore, sed solâ corporis imbecillitate, laboravit. Quapropter & sequentia præscripsi.

℞ *Pulv. e Chel. Cancr. comp. gr.* xxv. *Aq. Laët. alex.* ℥ijβ, *Epidem.* ℥ij, *Ms. f.* Haustus sextâ quaque horâ sumendus.

℞ *Rad. Scorzon. Hisp.* ℥j, *Cort. Aurant. cond.* ʒvj, *fol. Galegæ, Meliss. an.* Mj, *flor, Cord. an.* pj, *Sem. Card. bened.* ℥β, *Coqu. in Aq. font. q. s. ad t̄ββ.* Addendo Colaturæ *Syr. Limon.* ℥j. *Ms. f.* Apozema, de quo sumat Haustum ad libitum; & in languoribus *Aq. Theriacalem.*

ÆGROTAM adeò bene se habentem ab hinc usque ad diem 19^{um} omisi visitare. Jamque solum Stomachica quædam amara præscripsi, ad acuendum appetitum: Sumeretque post quartam noctem *Sacram Tincturam*, aquasque *Strethamenses* die sequente. Quo factò, in omnium admirationem perfectè convaluit. Tametsi, ut audiui, in Nate, durante Febre, ni-

mis

mis compressâ passâ est Sphacelationem. Quâ Chirurgi ope sanatâ, alios quinque vixit annos; tandemque, ut mihi ejus maritus retulit, ex dolore Colico & Convulsione eidem superinductâ è vitâ discessit.

Historia Febris Miliaris in Chronicum Morbum terminantis.

JAN. 14^o, 1699. evocatus sum ad D. Berenberg, puerperam, tunc in plateâ Walbrook vulgò vocata habitantem. Cui ut Pharmacopœus inserviebat D. Basket. Obstetricis autem officium præstabat D. Taylor in plateâ Pater-noster-Row.

QUEREBA TUR, dum parturiret, de viri-um maximâ imbecillitate. Et post partum, ut assistentes mihi narrabant, tantâ oppressione Pectoris, cum Spirituum defectu, laboravit, ut ad trahenda suspiria cogeretur. Ex illis tamen Symptomatis nihil præter Hystericos vapores, ut vulgò vocant, suspicata sunt. Pridie autem ejus diei, quo me advocârunt, cum mammas ad lactandum infantem denudâssent, & ad relaxandam alvum super aquæ calefactæ vaporem sedisset, frigori que multo semet exposuisset; exinde tandem spirituum angustiam, respiratione difficili, Asthmatis convulsivi æmulâ, Tussique siccâ, adeò depressa fuit, ut illi mortem esse in propinquo existimaverint.

Cum primum illam adiverim, de prædictis affectibus, atque etiam de vigiliis querelas edidit. Pulsus illi erat frequens & debilis, & febrilis calor. Urina tamen pallida, & Lochia omnino suppressa.

Ex antecedentibus supra memoratis illam Febre Miliari laborare censui: attamen in principio mitiori. Quamdiu, scilicet, consueto puerperarum regimine gubernaretur. Postquam autem, eo ipso tempore, ut verisimile est, quo Miliarium Pustularum eruptio instabat, se irruenti frigori denudaverat; materiam morbificam, retrogrado motu Pectori interiori impactam, supradictum Asthma creâsse, conjectare licet. Nam ut in Pectore à me inspecto Pustulas tunc primò pullulantes, ita & duntaxat paucissimas, cernere potueram.

STATUI itaque, mihi consuetâ methodo, lenem sudorem & continuum excitare. Et ut alia Medicamenta, convulsivo Asthmatis, reliquisque Symptomatis, puerperisque commoda adjungerentur. Quamobrem & sequentia præscripsi.

℞ *Spermatis Ceti* ℥j, *Bezoar. Orient. Croci an.* ℥β, *Syr. Heder. terrestr. q. s.* Mf. f. Bolus sumendus e *Cochl. j Aq. Lactis alex. superbibendo Cochl. x.* His enim, Lochiis promovendis, Asthmatis levando, excitandis spiritibus, & sudoribus magis liberis consului. Et ut Patienti illiusque amicis placerem, qui hanc Febrem Hystericum affectum æstimârunt, atque etiam

Lochia

Lochia foeliciùs continuarem, Pilulas sequentes præscripsi.

℞ *Castorei* gr. vj. *Asæ foetid.* gr. xij, *Syr. Pæon. comp.* q. s. *Mss. f. Pil. n°.* vj.

DIE 15^o optimè se habebat. Nam ex quo Bolum sumserat, spiritus fuere elevatiores, facilior respiratio, renovatur effluxus Lochiorum, urina coloratior, Pustulæque Miliare super Pectus magis conspicuæ. Bolum itaque die præcedente præscriptum censui repetendum. Ad-dendo *Pulv. de gutt.* grana aliquot, ne Asthma convulsivum recurreret. Umbilico etiam Em-plastrum ex Taccamahacca, & Emplastra sub-pedalia applicanda jussi. Et in languoribus su-meret Haustum Julapii perlati : Nec non Aq. Theriacalis Cochl. ij, alternis vicibus.

VESPERE, ex leni persistente sudore, re-spiratio adhuc facilis, Pustulæ Miliare densiores, Spiritusque minus defecere. Ideoque ut in usu Bolorum antea præscriptorum persisteret, duxi optimum fore : Sumeretque, pro re natâ, succi fimi Equini in *Aq. Card. Bened. & Puleg.* infusi & expressi. Nimirum, ut Lochiorum effluxus, volatilibus fimi particulis, excitaretur.

DIE 16^o noctem intellexi præcedentem sine ullo Symptomate Ægrota transiisse. Ante-quam verò ab illâ discessi, respiratione convul-sivâ iteratâ, vires subito diminutas sentiit. Præ-scripsi itaque Haustum sequentem.

℞ *Aq. Lact. alex.* ℥ij, *Epidem. Syr. Ca-ryoph. an.* ℥ij, *Lapid. Goens. Pulv. de gutt. an.*

120 *Historia Febris Miliaris*

¶ *Mf. f. Haustus.* Et post horas sex sumat etiam Bolum antea præscriptum; Pilularumque duas tempore intermedio.

VESPERI sudorem, ex sumpto Haustu, universalem dimanasse narrabant. Unde & magis extumescere Pustulæ Miliæ, & Asthma diminutum est. Ideoque jussi persisteret in usu ultimò præscriptorum omnium. Et ad flatus, qui multum attulerunt molestiæ, Saccharo instillarentur Olei Cort. Aurant. gutt. iij, & sumerentur ad libitum.

DIE 17°, Cùm prædicta Symptomata debellari viderentur, antea præscripta continuari consului.

DIE 18°, ex sudore intermisso, renovantur Symptomata, cum Ventriculi ægitudine, & quâdam confusione, quasi Delirii prodromo, conjuncta. Quamobrem, ad restituendum sudorem, jussi ut in usu Haustus persistat: Ad-dendo singulis Haustibus Bezoar. Orient. grana aliquot. Ut cum posseto salviato aquam Theriacalem largè sumeret, & Emplastra subpedalia repeterentur.

VESPERI ex sudore copiosè renovato iterum evanescere Symptomata. Neque exinde quicquam infirmatæ vires, sed potius auctæ fuerunt. Etiam si Pustulæ quædam rubræ, & prurientes, miliaribus interspersæ, vi sudoris excreverint. Jussi itaque ut in usu Haustus & Infusi persisteret.

DIE 19^o Pustulæ Miliareæ cæperunt exsiccari, & omnia visa sunt versus sanitatem perfectam progredi: Solummodo spirituum diminutione exceptâ. Quapropter & præscripsi usum Haustûs cordialis continuari.

DIE 20^o vocatus sum circa quintam matutinam. Quippe quod ægrota in difficilem respirationem denuò incidisset: Non à Pustulis Miliaribus recessis; cùm hæjam antea penitus exsiccata fuerint: Sed forsan à materiæ morbificæ quibusdam reliquiis, viam quasi quærentibus qua excernerentur. Nam ex tribus sedibus, spontè ac subito supervenientibus, Dyspnœa omnino evanuit, atque Ægra quam optimè convaluit.

NIHILOMINUS ex illius amicis aliquis alium Medicum advocari vellet. Qui cùm adveniret, & Pustulas Miliareæ, jam antea, ut dictum est, exsiccatas, nusquam vidit, sed tantummodo rubras; me, quod hanc Febrem vocaverim Miliarem, irrisit: Dixitque rubras Pustulas à solo sudore posse oriri. Proindeque juxta indicationes quas sumpserat claudicantes aliquot dies præscripsit, sed re infecta. Deinde alius Medicus, & post illum tertius, atque quartus vocatus est. Qui omnes ignoti morbi curationem incautè susceperunt, donec in Chronicum tandem transiit. Quod si noverint hanc Febrem reverâ fuisse Miliarem, & post exsiccatas Pustulas Miliareæ Crisin perficiendam naturæ comississent; nullus dubito, quin Morbi latus fuisset exitus.

Nam ab illo momento, quo Pustulæ Miliæres etiam salubriter exarescere solent, non infrequenter observavi, materiæ morbosæ reliquias vel per Intestina, ut in hoc casu; vel per vias Urinarias, ut in sequenti; vel cum Lochiis per Uterum, ut in quadam D. King, in Vico *Fleet-street* dicto, spontè & fœliciter exterminari.

Historia Febris Miliaris in Morbum Chronicum, tandemque Mortem desinentis.

SEPT. 17°, 1709, vocatus sum ad D. Bateman. D Bateman, equitis aurati uxorem. Hæc ante viginti septimanas, in principio puerperii, dolore Colico, oppressione Pectoris, cum suspiriis Spirituumque defectu, nec non Pulsu frequente ac debili laboravit. Ex quibus Symptomatis Morbum Febrem esse Miliarem palam prædixi. Et ex usu Diaphoreticorum optimè se habere Sibi suæque Matri visâ est. Prædicta enim Symptomata parvipenderunt. Ægrotamitaque diutius visitare nolui. Consului tamen, ut seipsam per mensem lecto affigeret, in eorum quæ præscripseram usu persisteret, & ab infantis lactatione abstineret.

MEO autem Consilio obtemperare noluit. Proindeque post quinque septimanas à partu

partu passa est recidivam, cum dolore Colico & Laterali, Calore & Frigore alternatim recurrentibus, oppresseione Pectoris, cum suspiriis, Spirituumque defectu. Ad Lateris dolorem Sanguis fuit emissus; unde & auctus languor: Et quædam suffocatio, Hysterici affectus similis, cum suspiriis illam premebat. Quæ Symptomata Vapores, ut vulgò loquuntur, tam Ægra quàm ejus mater æstimârunt. Cum revera à Venæsectione, Catameniorum tempore, orta sint. Nam Lochia, quæ à partu ad sextam septimanam usque duraverant, exinde subitò suppressa fuere, & deinceps ad illius è vitâ exitum.

JAMQUE, quod ante exacerbationem Symptomatum magis frigesceret, Morbum putârunt Febrem esse intermittentem: Etiam si Pustulæ Miliæres hoc tempore fuere conspicuæ. Nihilominus sumpsit corticem Peruvianum ex præscriptione Pharmacopœi. Ex quo motum materiæ, Pustulis adhuc magis augendis aptæ, in cutis superficiem impeditum, eandemque aliò transmissam fuisse, minimè dubitandum est. Primo super Femur, Tibiam, Pedemque; quem Chirurgus scarificabat: Deinde & super intestina; ubi genuit Diarrhæam: Nec non super Nervos Pulmonum, ramosque Asperæ Arteriæ capillares; ubi Asthma, cum Tussi sputatoriâ & foetidâ produxit. Verum ex emissio è pede sero minimè remissior fuit Dyspnœa.

A Junii 23^o, ad 25^{um}, Medicus præscripsit Bolum ex Pulv. e Chel. Cancr. composito, Rad.
Ser-

124 *Historia Febris Miliaris*

Serpent. Virg. & Castoreo; Decoctum album, Suppositorium, Empl. Vesicat. Nuchæ, & pedibus Cephalicum.

JUNII 25°, Corticis Peruviani Decoctum. Die 26, Corticis Peruv. Pulverem. 28°, Julapium ex Aq. Laet. ℥jv, Menthæ, Cinamomi bords. an. ℥j, Land. liq. 3j, Conf. Fracast. 3iij, in Diarrhæam.

JULII 8°, Lac Asininum cum Pulvere Margaritarum, e Chelis Cancror. simplice, & Saccharo perlato. Nec non Infusum amarum ex Absinthio Romano & Sem. Coriandri; addendo Colaturæ, Gummi Ammoniacy Aq. Pæon. comp. & mirabil. an. q. s. dissoluti 3j, & Aq. Ceras. nigr. 3vj.

DIE 9°, Corticem Peruvianum. 16°, Bolum ex-Pulvere e Chel. Cancr. comp. & Theriacâ Andromac. Et Decoctum album cum Rad. Tormentillæ. 29°, Infusum amarum, & Pilulas ex Pulvere Millepedum.

AUG. 3°, Pilulas ex Pulv. Ari comp. Myrrhæ & Syr. Balsamico. Et Decoctum ex Cortice Sassafras, Sem. Dauci, Baccis Juniperi, Rad. Eryngii condit. & Aq. Calcis q. s. addendo Colaturæ Aq. Nephriticam.

DIE 17°, In consultatione cum alio Medico, Pilulam Matthæusianam. 19°, Vesicatoria Nuchæ & Brachiis applicanda. Pilulas ex Galbano, Gum. Ammoniaco, Croco, & Opobalsamo. Et Julapium perlatum.

SEPT. 6^o, *Enema ex Decocto albo, Theriacâ Androm. & Diascordio. Infusum amarum ex Radicib. Gentianæ, Helenii, Absinth. & Marrubii foliis, Sem. Danci & Baccar. Junip. in Aq. font infusis addendo Colaturæ Vinum Chalybeatum. Et Bolum ex Diascordio, Terrâ Japonicâ, & Ol. Cinamomi.*

DIE 13^o, *Vesicatorium parvum, cum Epispastico Unguento, ad diu continuandum Ulcus. Pilulas ex specieb. Diambre, Castoreo, Sale Volat. C. C. & Galbano. Et Julapium Hystericum.*

HACTENUS tres Medici magni nominis, duoque Chirurghi non incelebres Ægrotam visitarunt. Et hanc Morbi methodique præscribendi Historiam, majori ex parte, ab Illâ illiusque Matre, iterum advocatus accepi.

JAM tum difficili respiratione, Diarrhæâ, & manuum artuumque inferorum Tumore gravata est: Adeo vertiginosa & languida, ut bis uno die ne Syncope moriretur metuerint. Pulsus ei valde frequens ac debilis. Et circa meridiem, Calore, Rubore, & Dyspnœâ, quotidie affectam fuisse narrabant.

HORUM omnium, ferè à Morbi principio, Symptomatum, tres quatuorve Causas fuisse arbitror. Quotidianum scilicet è lecto egressum, Lactationem, Venæsectionem, & è sumptis Medicamentis imprimis Corticem Peruvianum. Hæc enim omnia Pustularum Miliarium incremento & durationi certum est obstitisse,

stitisse, & materiam morbificam in Pulmones, Intestina, Artusque inferiores transtulisse.

DE hoc Morbo, quod sit immedicabilis, feci prognosin. Præcipuè ob summam Ægro-
tæ imbecillitatem; & quod Dyspnœa & Diar-
rhæa contraria indicarent.

TRISTE confessâ est, multum pœnituisse
se, me posterius vocatis Medicis non associatum
fuisse: Præcipuè, quod suam Sororem in simili
casu à me sanatam meminerit. Jam tamen à
me proposita Vesicatoria nullibi apponi voluit,
etiamsi Respiratio difficilis & Vertigo exige-
rent. Fontanellas itaque inter scapulas aperien-
das suasi. Et in ventris Tormina, Diarrhæam
comitantiâ, Spiritum Millepedum, cujus efficaci-
am sæpe expertus sum, ex haustu Potûs ordina-
rii, ad gutt. xx bis in die sumendum præscripsi.
Et ut sextâ quaque horâ Bolum ex Spermate
Ceti, Pulv. e Chel. Cancr. comp. & Croco, ad
Menses movendos, lenem Diaphoresin excitan-
dam, Respirationemque allevandam, deglu-
tiret.

DIE 20^o, in reditu meo à Regio apud
Windesoriam Castello visitavi ægrotam, eamque à
Vertigine omnino liberam conspexi, ejus Spiri-
tus haud mediocriter resectos, ventris Tormina
consopita, & suppressam Diarrhæam; ut postea
inmixturâ opiatâ non opus fuerit. Persistentibus
autem Dyspnœâ, ac inferorum Artuum Tumore,
& universâ imbecillitate indies auctâ, post unam
atque alteram septimanam obiit.



*Historia Febris Miliaris cum largissimo
Urinæ effluxu circa finem.*

JULII 29^o, 1705. D. Loyd Lintearius, apud Cynaræ Insigne in plateâ *Cheapside* dictâ, cuique D. *Basket* erat Pharmacopœus, me ad suam Filiolam septem annos natam evocavit.

HABITUDINE erat tenuior, Temperie calidior. Spiritus illi vivaces, sed faciliè dissolubiles. Diebus aliquot præcedentibus, ex Calore interno cutis aridior fuit. Pridie hujus diei, Cancrum comedit. Ex quo noctu ægrotabat, & calore vehementi sitique correpta est. Quibus etiam Spirituum defectus, Vomitus, Pulsus frequens ac debilis, & Urina sanorum similis accessere.

Ex Morbi Antecedentibus & Symptomatis prænovi hanc Febrem fore Miliarem. Ideoque lacteo Enemate, ad primas abluendas vias injecto, pro meo more decrevi lenem ac continuam Diaphoresin excitare, calidæque interim & siccæ temperei diluentibus favere. Præscripsi autem sequentem in modum.

℞ Pulv.

℞ Pulv. e Chel Cancr. comp. gr. viij, sumantur e Cochl. j Julapii sequentis, superbibendo Cochl. ij vel iij.

℞ Aq. Ceras. nigr. ℥viij, Epidem. ℥j, Sacchari albiss. q. s. Ms. f. Julapium.

HIS addidi Emplastra, ex Cephalico cum Euphorbio, & Pice Burgundica, subpedalia.

DIE 30^o visitanti mihi narrant, Ægrotam ex Enemate Alvum satis dejecisse: Noctemque magis placidam, quàm præcedentem, illi contigisse. Non adeò multum ardebat; calore tamen & frigore alternis mitius affecta fuit, vomitioque omnino suppressa. Et jam primum super Pectus Pustulæ Miliare in conspectum venire. Præscripsi itaque ut persisteret in usu Pulveris; & ad diluendam materiam febrilem, sudoremque fovendum, Possletum Salviatum assatim potaret.

DIE 31^o, Spiritus minus oppressi sunt, & mediocriter resecti. Sed ex usu Possleti intermisso paulò plus caluit; Pulsus frequentior, sed debilis; Pustulæ tamen Miliare aliquanto magis fuere conspicuæ. Præscripsi itaque Pulveris e Chel. Cancr. comp. gr. viij, totidemque Margaritarum præparat. alternis vicibus, sumenda.

AUGUSTI 1^o Pustulæ Miliare sunt tumidiusculæ, Calorque internus minor. Externè verò paulò plus caluit, cutisque leni Diaphoresi humectabatur. Jussi itaque post subductam

ductam Alvum ex injecto Enemate antea præscripta repetenda.

AUG. 20 Spiritus fuere vivaciores, Calorque adhuc minor internè. Consului itaque persisteret in usu Margarit. pp, cum Julapio quartâ quaque horâ: Et ad tuendum caput Emplastra Vesicatoria pone aures applicanda.

AUG. 30 non adeò equidem externè calebat: Verùm Pustulæ Miliæ aspectum habebant minus laudabilem. Censui itaque Pulverem e Chelis Cancr. compositum in usum revocandum. Quoniam verò puellæ mater ægrè ferebat Medicamenta adeò frequenter sumenda, sequentia præscripsi.

℞ *Aq. Ceras. nigr. ℥xij, Epidem. ℥jß, Pulv. e Chel. Canc. comp. ℥j, Sacch. albiss. q. s. Ms. f. Julapium*, de quo sumat Haustum sexta quaque horâ, agitata phiala tempore usûs. Et ut sumeret Margar. præp. Dosis in omnibus intervallis. Uteretur etiam Mucilagine ex sem. Cydon. & Psyll. Syr. e Rubo Idæo edulcorata. Et Empl. subpedalia repeterentur.

AUG. 40 Calor erat multò intensior, nec sine quibusdam motibus convulsivis. Puella enim, cujus calida erat naturalis temperies, largius de Julapio potaverat, quàm debuit. Præscripsi itaque, Julapii loco, Margarit. pp. ℥ß, sextâ quaque horâ sumendum, è Julapii sequentis Cochl. j, superbib. Cochl. iij.

℞ *Aq. Lact. alex. ℥viiij, Epidem. ℥j, Syr. e Cort. Citr. q. s. Ms. f. Julap.* Et ad feri Sanguinis

130 *Historia Febris Miliaris*

nis partem acriorem diluendam, ut Lactis aquam alexit. sumeret edulcoratam, instar potûs ordinarii. Si diaphoresis suppressa fuerit, singulis aquæ prædictæ haustulis Spiritus C. C. gutt. iv. adderentur.: Et Julapio immisceretur Pulveris de gutt. ʒj

DIE 5^o motus quievit Convulsivi, Calor fit mitior, Spiritus animales vires sumunt, Pustulæque Miliæ jam in principio declinationis sunt. Quæ clarè indicant, mala antea memorata Symptomata non tam à Morbo, quàm à Julapio, nimia quantitate sumpto, provenisse. Jussi itaque ut in novissimè præscriptorum usu persisteret. Naturæ enim non imperandum, ut bene monet *Baglivus*, sed illius monitis parendum est.

DIE 6^o Febris adeò declinavit, ut Pustulæ Miliæ desiccari inceperint. Præscripsi tamen, ad Febrilem Calorem superstitem extinguendum, ut Lactis aquam cum Margarit. præparatis Puella assatim bibat, & Cortex Peruvianus in promptu esset, pro re natâ sumendus.

DIE 7^o summo manè advocor. Tanta enim copia, tamque subitò minxit Puella, ut de illâ, antequam matula afferri potuit, effluerit Urina. Unde pertimuit mater, ne Diabetes, & deinde mors sequerentur; ut suo nepoti accidisse aiebat. Cùm reverâ partim ex Aq. Lactis, die præcedente liberalius potatâ; partim è Pustulis Miliaribus, tum exsiccatis, eveniret.

ret. Quemadmodum in antea descripto casu, & in eodem Morbi tempore, materiæ morbificæ reliquiæ, ad Crisin perficiendam, per Alvum abierunt. Quod & hic forsân accidisset, si Patientis temperies minus calida, Alvus natura laxior, ususque Margaritarum parcior fuisset. Et in simili casu hujusmodi Morbi reliquiæ per Lochia nonnunquam expelluntur: ut D. King, ad Trium Regum Insigne in *Ludgate-hill*, cui Pharmacopœus erat D. Allen, accidisse memini. Illi enim, statim à Pustulis Miliaribus penitus exsiccatis, Lochia, instar Sanguinis super Carbones adusti, nigricantia, sine ullâ causâ evidenti, aut subsequente periculo, per horam integram emanârunt. Et quoties evacuatio neutrius prædicti generis post exsiccatas Pustulas contingit, sæpe vel Calorem internis partibus hærentem, cum pressurâ Spirituum, deprehendo; vel quavis levi de causâ recidivam patiuntur Ægri, & nonnunquam mortem subitanæ: Velez materiâ in Artus rejecta, aut Erysipelas, aut Hydropicus dolensque Tumor generatur.

Hæc omnia puellæ matri sigillatim monstravi, quo melius eam à timore liberarem. Nihilque amplius agendum, præter virium instaurationem: vel Corticis Peruv. usum, vel Pulveris Testacei cum Lacte Asinino; cujus usus ei antea bene cessit. Alium tamen Medicum associari voluit. Eodem vero tempore ipse evocor ad Nobiliss. D. *Clarendoniæ* comi-

132 *Historia Febris Miliaris*

tem, ut de ejus nepote, Honorabil. D. *Obrian*, consulerem. Ideo & alter Medicus sequentia solus præscripsit.

℞ *Pulv. de gutt. Lapid. Contray an. gr. vj. Castor. Salis Vol. C. C. an. gr. ij, Conf. Alcherm. sine Mosch. ℥j, Syr. Pæon. comp. q. s. Ms. f.* Bolus statim sumendus, & sexta quaque horâ, solutus in *Cochl. j Julapii.*

℞ *Decoct. albi ℥j, Aq. Cinam. hord. ℥j, Sacch. albiss. q. s. Ms. f.* Apozema pro potu ordinario.

℞ *Salis Vol. Oleos. ℥ij, sumat gutt. vj, frequenter in potu quovis ordinario.*

Et applicentur Emplastra Vesicatoria Brahiis internis & inter Scapulas.

Hujus præscripti Chartulam D. *Basket Pharmacopœus* ad me misit. Quâ perlectâ stupore quodam percussus sum; dixique, cum minimè retrocesserint Pustulæ Miliæres, sed regulariter & sine quovis pravo Symptomate exsiccarentur, me, ex Medicamentis calorificis, & à puella calidi temperamenti ac debilitatâ sumptis, nil melius quam Febrem de novo accersam, mortemque minitantem sperare.

Nec me mea fefellit conjectura. Cum enim circa nonam vespertinam puellam visiterem, ut omnia, secundum præscriptum ultimo memoratum, intellexi facta fuisse: ita & puellam ardore vehementissimo, cum siti ingente, linguaque arida, & respiratione difficili, laboran-

borantem vidi. Attamen, absente altero Medico, nihil præscribere mihi visum est.

DIE proximo manè nobis, una Puellam visitantibus, narratum est, illi pessimè transiisse noctem, & jam ardebat maximè sitique valde urgente & Dyspnœâ afflicta fuit. Et mihi interroganti alterum Medicum, qualibus indicationibus fatisfecisse proposuerat? Respondet, se me absente, qui solus Morbi Historiam enarrare potui, Pustulas Miliare retrogadas æstimavisse. At cum id fieri non posse monstraverim, habitâ consultatione, & concessit Medicus dosin diminuere, & sequentia præscribere.

R. Lapid. Contray. Pulv. de gutt. an. gr. iv, Croci, Castor. an. gr. j, Syr. Pæon. comp. q. s. Ms. f. Bolus sumendus e Cochl. j Julapii. Sumeretque ad diluendos humores Decoctum album propotu ordinario. Et ne ex Alvo adstricta usuque Boli Calor excitaretur, suppositorium præscripsimus ex Melle & Sale Gemmeo.

DIE 9^o Calor fuit remissior, liberiusque respiravit. Præscripsimus itaque Enema ex Lacte Saccharato, Bolumque unum.

DIE 10^o in statu longè meliori Puellam vidimus; Symptomatis, â calidis Medicamentis ortis, consopitis omnibus. Attamen ad recuperandas vires, Calorisque interni recursum præveniendum, Pulverem præscripsimus sequentem, e Cochl. j Lactis Asinini sumendum, superbibendo ℥ß, tepide.

134 *Historia Febris Miliaris*

℞ *Pulv. e Chel. Cancr. comp. Margar. pp.*
an. gr. vj, Mf. f. Pulvis.

DIE II^o ut adhuc tutius præmuniamus puellam, ne illi febrilis Calor novaretur, consulimus, *Cort. Peruv Pulveris* ʒβ, *e Cochl. j Julapii* quarta quaque hora sumendum; & pro re nata, *Aq. Lactis* haustulum. Et ad perficiendam valetudinem Rus adiret, ubi saniori statu semper gaudebat.

HAUD multo post audiui, illam iterum male valere, aliosque advocari Medicos. Id autem minime mihi displicebat: nam sub eorum cura obiit; cum antea, me illam curante solo, Deoque favente, tam bene illi res cesserit, ut è Febre medicori tempore evaserit.

Historia Febris Miliaris in Mammæ Apostema terminantis.

JUNII 2^o 1699, ad Viri admodum Honorab. D. *Trevor* Commun. Placitor. Justiciarii Capitalis Uxorem, jam defunctam, circa sui Puerperii principium, evocatus sum. Cui Pharmacopœus erat D. *Gelsthorp*; obstetrix, D. *Dodson*.

Cum gracili corpore animum possedit tranquillum; Spiritus tamen nativos debiliores. Ante partum in Calorem internum saepe incidit. Postea doluere Dorsum & Femora,

ut

utin Puerperis solent: Et, doloribus remissis, horrore correpta est; quem Febrem esse Lacteam putarunt Mulieres: tertio enim à partu die contigit.

QUONIAM tamen Spiritus deficere sensit, die prædicto vocatus sum. Cum observaverim Symptomata, quadam oppressione Pectoris suspiria cogente, summe dejectis Spiritibus, Capitis dolore, Pulsuque frequenti ac debili, illam laborare vidi. Urina sanorum similis, Palmæ erant calidæ, Lochia effluebant, Alvusque potius accessit ad Laxitatem. Denudato autem Pectore, inibi numeravi Pustulas Tres Miliare. E quibus, etiamsi paucissimis, satis apertè constabat, hanc Febrem esse Miliarem. Mihi autem id affirmanti Digniss. D. *Hambden*, aliæque astantes, vix assentiri voluerunt.

ATTAMEN ex numero Pustularum adeò parvo materiam ad eas fovendas aptam aliò tendere suspicatus sum. Ut itaque earum eruptionem leni & continua Diaphoresi promoverem, sequentem Haustum sexta quaque hora sumendum præscripsi. •

℞ *Aq. Lact.* ℥iij, *Pæon. comp.* ℥β, *Pulv. e Chel. Cancr. comp.* gr. xv, *Pulv. de gutt.* ℥ss, *Syr. Meliss.* q. s. *Mf. f. Haustus.*

PULVEREM è Chel. Cancrorum paulò minori quantitate præscripsi, ne motum Sanguinis magis accelerem, quam Diaphoresi jam excitatæ continuandæ par esset. Ad tuendos nervos, si

136 *Historia Febris Miliaris*

Pustulæ fortè retrocessissent, addidi Pulv. de gutteta cum Aquæ Lactis majori Dosi diluente.

PRÆSCRIPSI etiam ad Capitis dolorem Emplastrum Vesicatorium inter Scapulas applicandum, & Empl. subpedalia. Et pro Alimento ut Pullorum jus sorberet. Quod, ut magis nutritium, in hac Febre potius quam in quavis alia, præcipue in natura debilibus, præbere soleo. Quibus & adjunxi seq. Julapium ad libitum sumendum.

℞ *Aq. Meliss.* ℥viii, *Cinamom. hord.* ℥iv, *Epidem.* ℥j, *Sacch. perlati* ℥ij, *Mss. f. Julapium.*

DIE 3^o melius se habuit, ex omni parte. Attamen, ne remitteretur Diaphoresis, præscripsi Bolum sequentem.

℞ *Cons. Anth.* ʒβ, *Pulv. e Chel. Cancr. comp.* ʒβ, *Syr. Meliss.* q. s. *Mss. f. Bolus sumendus cum Julapio.*

VESPERI Febris exacerbata est primo contingentibus Symptomatis. Quibus etiam accessit Respiratio difficilis: Nec non levior Diarrhæa, è Lochiis diminutis. Nam excrementitia materia tentabat transitum ab Utero ad Intestina. Sequentem itaque Bolum cum Julapio sumendum præscripsi.

℞ *Cons. Anth.* ʒβ, *Theriace Andr.* ℥j, *Pulv. e Chel. Cancr. comp. Croci, an.* ℥ss, *Syr. Melissæ* q. s. *Mss. f. Bolus.*

THERIACAM prætuli Diascordio, quod non solum moderetur Alvum; sed & plerumque magis faveat sudoribus. Et, omissis aliis

Astrin-

Astringentibus, Crocum addidi, ut uberio-
rem Fluxum Lochiorum, sine astrictione Glandu-
larum Intestinalium, restituerem. Quæcunque
enim Intestina astringunt, suum etiam Utero af-
fectum imprimunt. Quod imprimis adverten-
dum est, ne ex uno sanato Symptomate aliud ge-
neretur.

VERUNTAMEN, ne Bolus supradictus
minus sit efficax, seq. Julapium præscripsi in
promptu habendum.

℞ *Aq. Ceras. nigr. ℥viij, Cinam. bord. ℥iv,*
Epidem. ℥j, Conf. Fracast. ℥j, Conf. de Hyacinth.
sine od. ℥i, Syr. de Menth. ℥j, Ms.f. Julap. de
quo sumat Cochl. iv, post sedes singulas. Et
ne quid mali accideret ex Opiatis, præscripsi Ve-
ficatoria Carpis applicanda. Quæ etiam in Di-
arrhæa nonnunquam prosunt, dum materiam
morbificam ad exteriora revellunt.

DIE 4^o à sumpto Bolo Theriacali som-
num sudoremque secutos fuisse intellexi. Unde
& omnia Symptomata in meliorem partem in-
clinantur. Neque astringentis Julapii opus e-
rat. Præscripsi itaque Bolum cum Julapio
perlato repetendum. At sine Theriaca; quod
hic minus Calida ad continuandam Diaphoresin
viderentur sufficere. Et inefficacis Medica-
menti, majore quantitate quam par est adhibiti,
exemplum habemus in Salivatione. Hanc
enim sæpe, & præcipue in debilibus, Mercurii
dulcis gr. v vel x, singulis noctibus sumpta, fœ-
licius producant, quam ejusdem Medicamenti

138 *Historia Febris Miliaris*

Tripla Dosis. Cujus etiam rei Testis est D. Tindal Pharmacopœus. Qui, cum hanc methodum cuidam Patienti præscripsissem, multa admiratione dixit, se nil inde expectare: nuperimè enim Doses multò majores prædictæ Patientis Filiæ, à magni nominis Chirurgo dari, & vel undecim hebdomadas frustra continuari, viderat. Verum Mercurius dulcis nimîa quantitate sumptus Sanguinis motum adeò accelerat; ut materiam, quæ ex mediocri Dosi per Glandulas Salivales secerni solet, Vomitione aut Sedibus expellat. Et notum est, in Melancholicis Alvum facilius subduci Medicamentis Lenitivis, quam Catharticis plerisque fortioribus. Et parî modo sudor jam profluens, Diaphoreticorum Dositin augendo vel nimis frequenter repetendo, sæpe in ardorem desinit.

ATTAMEN ne ad continuandum sudorem deesset materia, Apozem. seq. præscripsi.

℞ Rad. Fragar. Chelid. major. an. ʒβ, fol. Meliss. Fragar. Chelid. an. p.ij, Sem. Card. bened. ʒij, flor. Cordial. an. p.β, Coquantur in Aq. font. q. s. Colaturæ ℥jβ adde Aq. Epidem. ʒij, Ms. f. Apozema.

VESPERI rediit exacerbatio, sed multò levius. Bolum itaque Theriacalem repetendum præscripsi. Deinde, post horas sex, Bolum sine Theriaca: Et Emplastra subpedalia applicanda.

DIE 5^o Symptomata quæque vidi benigniora, Pustulasque Miliare ad maturitatem pro-
perantes

perantes. Præscripsi itaque ut in usu Boli sine Theriaca, Apozematis, & Julap. perfisteret.

QUONIAM tamen Dyspnœam renovari posse suspicatus sum, si exacerbationes prædictæ iterentur, donec Pustulæ exsiccatae fuerint, alium Medicum in consultationem vocandum monui, quem Patientis Amici nominarunt. Vespere itaque convenientes Symptomata totum illum diem fuisse leviora intelleximus. Jam vero vidimus omnia, nempe Diarrhæam, Dyspnœam, Spirituumque defectum exacerbari. Præscripsimus itaque sequentia.

℞ *Pulv. e Chel. Cancr. comp. Conf. Fracastor. an. ʒβ, Syr. Caryoph. q.s. Ms.f. Bolus sumendus in Cochl. j Julapii sequentis, superbibendo Cochl.v.*

℞ *Aq. Ceras. nigr. ʒx, Puleg. Bryon. comp. an. ʒij, Margar. pp. ʒij, Sacch. albiss. q.s. M.f. Julapium.*

DIE 6^o manè, non obstante Bolo, Patiens sexies sedem petiverat, noxque ei inquietè transiit. Nec jam Exacerbatio omnino finita fuit. Jussimus itaque Bolum continuandum, & Vesicatoria Brachiis internis applicanda. Quibus addidimus Gargarismum ex Decocto Plantaginis cum toto, & seq. Enema.

℞ *Seri Lac. Vino Hisp. separati ʒx, Elect. e Baccis Laur. ʒj, Sacch. rubr. ʒij, Ms.f. Enema.*

ATTAMEN interrogatus seorsum à D. Hedges, Ægrotæ matre; Quid ad magnum illum

140 *Historia Febris Miliaris*

lum Spirituum defectum sit faciendum? Suasi, ut in Aq. Lact. haustulo Croci sumeret ℥ss & post aliquot horas repeteret.

VESPERI nobis narratum est, Patientem omisisse Bolum cum Diascordio. Sed Croci, ut à me præscripti, usu repetito, levioribus Symptomatis diem transegisse. Nam ex leni sudore Pustulæ Miliarese laudabili modo se extulerunt. A juvantibus itaque indicationem sumentes præscripsimus Pulverem sequentem.

℞ *Pulv. e Chel. Cancr. comp.* 3ß, *Croci Pulv. gr. vj. Mf. f.* Pulvis sexta quaque hora sumendus cum Julapio.

DIE 7^o visâ est optimè se habere. Alvus ei mediocriter soluta fuit; nempe longioribus intervallis, & sine virium jactura. Neque inde Pustulæ Miliarese disparuere. Quamobrem, ut in usu alterno Boli sine Diascordio, & Pulveris ultimo præscripti cum Julapio, persisteret decrevimus.

VESPERI Symptomata, cum difficili Respiratione & Diarrhæa, exacerbata sunt. Quare & præscripsimus Bolum cum Diascordio, & reliqua ut antea.

DIE 8^o etiamsi Bolum sumpisset cum Diascordio, haud tamen ita bene sudasse aut dormiisse ac post Bolum Theriacalem à me præscriptum Astantes aiebant. Magis enim inquieta fuit & calida, difficilisque adhuc respirabat. Præscripsimus itaque, ut in usu Pulveris persisteret.

VESPE-

VESPERE videbatur novam pati exacerbationem. Ego verò ultimam nondum penitus finitam esse censui. Loco itaque Boli Diascordiali Theriacalem præscripsimus repetendum.

DIE 9^o intelleximus, noctem præcedentem fuisse facillimam. Et jam quæque Symptomata benigna, Pustulasque Miliare, & numero & mole auctas vidimus. Præscripsimus itaque in Exacerbationis intervallis Bolum sine Diascordio aut Theriaca sumendum. Opiata enim tempore Exacerbationis sumpta melius operari, expertum habeo: præcipue si Vesicatoria simul applicarentur.

DIE 10^o, post noctem valde pacatam, Ægrotam Spirituum summo defectu, madore frigido & universali, præcipue in manibus, fractam mirati sumus. Præscripsimus itaque Croci ℥ß, ex haustulo Aq. Lact. bibendum; & suppositorium ex Melle Spec. Hier. cocto intrudendum. Ut Lap. Goens. ℥j, cum Croci gr. vj, sumeret sexta quaque hora: Haustumque cum Croco in languoribus & madore frigido. Necnon Apozema pectorale, cum Linctu oleoso, ad moderandam Tussiculam jam primo ortam. Ne Pustulis ad siccitatem tendentibus materiæ morbificæ residuum in Pulmones irrueret.

DIEBUS sequentibus nihil præter Julapium perlatum & Crocum, in languoribus sumendum, & Diætam Nutritiam, præscriptum est.

142 *Historia Febris Miliaris*

est. Quibus adeo vires Patientis auctæ sunt, ut postea materiæ morbificæ reliquiæ in Mammarum Glandulas tuto secernerentur. Verum ad ejus imbecillitatem habita ratione, Pilula Tart. Quercet. aliquot vicibus sumpta, materiæ prædictæ maturationem tardare volui. Quo facto, ita bene res cessit sub cura D. *Bernard* Chirurgi Regii, ut paulatim, & pene sine dolore, Pus generaretur, & paucis post diebus optime convaluerit.

VERUMTAMEN paulo ante proximum Puerperium narravit Medico magni nominis se sub præcedente, Febre correptam fuisse; & ex Calore, quem sensit interno timere ne similiter recurreret. Quare ille Medicus Sanguinis 3x Venæsectione emittendas consuluit. Qua facta, ut Fœtum in Utero languidius moveri statim senserit; ita cum ad partum ventum esset, adeo debilitata fuit, ut antequam illam adire potuerim, in ipso Conatu, ad excludendum Fœtum (etiamsi hic rite positum) necessario, supremum diem obierit.

Historia Febris Miliaris, ex Frigore propè Mortalis.



UB finem mensis Julii, 1706. vocatus sum ad Filiam D. *Smith* in *Areâ*, *Bartholomew-close* vulgo vocata, statim

statim post partum. Cui obstetricis officium præstitit D. *Summers*, & D. *Springet* Pharmacopœi.

Post partum passa est Fluxum Lochiorum nimium; cum Pectoris opprèssione maxima Spirituumque defectu: nec non frequenti Pulsu ac debili, manibusque superius pene frigidis. Quorum Symptomatum, cum nulla Causa, sive ad Infantem, sive Placentam, habita ratione, apparuerit: à quodam Febrili Calore, ejus Spiritus exhalante, & simul frangente Vasorum vim retinendi, pendere videbantur, Febremque Miliarem, latentem monstrare. Sequentia itaque præscripsi.

℞ Pulv. e Chel. Cancr. comp. ℥j, Castor. gr. iv, Syr. Paralyf q. s. Ms. f. Bolus in Cochl. j, Julapii perlati communis sumendus, superbib. Cochl. iv vel v. Id scilicet mihi met ipsi proposui, ut, facta per Diaphoresin secretionem mediocri, moderer Uterinam. Nam ut Sanguinis Fermentatio aut Motus violentior secretionem minuit: ita & altera Evacuatio alteram. Quem duplicem Aphorismum, ex multiplici mea observatione enatum, habeo. Neque adeo tuto vel Astringentia præscripsissem, vel Opiata. Dum ex nimio Lochiorum fluxu, hoc modo diminuto, forsan & fluxus naturalis defectus sequeretur. Cujus rei effectus quantum metuendi sunt, tam Medici quam Obstetrices bene norunt.

144 *Historia Febris Miliaris*

MEÆQUE in hac re conjecturæ, sumpti Medicamenti operatio dedit Suffragium. Nam Boli usum, ut Spirituum antea depressorum elevatio, ita & Lochiorum diminutio secuta est.

DEHINC, etiamsi prænoverim, Febrem suam naturam brevi patefacturam: ne tamen Patientis Amici studere me lucro putarent, de illa tacens, consului, ut in usu Boli mane & vespere persisteret, in Lecto maneret, seque ab omnium consortio averteret. Ut tranquillus esset Animi, pro Cibo sorberet Pulli Gallinacei Brodium, nec non Decoctum Avenarum ex-corticatarum Vinosum; & pro potu ordinario, possetum Salviatum; addendo singulis haustibus Spiritus Cornu Cervi guttas aliquot, si Diaphoresis remissio contigerit; & in languoribus Salis Vol. Oleosi similiter. Hoc facto, Patienti in aliquot dies valedixi.

DEINDE redeunti mihi narratum est ab adstantibus, mea mandata diligenter illam observasse, & mediocri usam fuisse valetudine; Vâporibus solis (ut locuti sunt) exceptis. Spirituum enim defectum, Pectusque oppressum passa est, cum Vigiliis & Animi perturbationem ex obrepente somno. Calore enim & Frigore, alternis vicibus, sed inæqualibus intervallis & præcipue in sudoris intermissione recurrentibus, affecta est. Equibus Symptomatis adhuc certius prævidi, Pustulas Miliare, se tandem exhibituras.

Hujus

HUJUSMODI fere statum Febris retinuit usque ad diem Augusti undecimum. Ubi à prandio vocatus sum ad illam, Syncope ex improvise correptam: quamque brevi morituram Amici æstimarunt. Cum illi adsum, è Lecto surrexisse intellexi, & deinde statim in Syncope incidisse: Nec ab eâ evasisse, donec in Lectum redierit. Ego vero Pustulas Miliare editas fuisse subolens, & ab irruente frigore retrocessisse; eas equidem in denudato pectore deprehendi, sed inter surgendum depressas.

IN hoc casu non ad vehementer calida censui confugiendum. Ne, nimis Sanguinis accelerando motum, Pustularum uberiores proventus magisque aspectabilem impedirem. Verum istiusmodi potius elegi Medicamenta, quæ, cum mitiora sint, fœlicius excitarent Diaphoresin; &, emittendo Pustulas, depressos Spiritus elevarent. Sequentem itaque in modum præscripsi.

℞ Conf. Acetof. ℥j, Bezoar. Orient. Croci an. ℥ß, Syr. Paralyf. q.s. Ms. f. Bolus sumendus e Cochl. j Julapii sequentis superbib. haustum ejusdem.

℞ Aq. Ceras. nigr. ℥x, Angel. comp. ℥jß, Sacch. perlatis q.s. Ms. f. Julap. de quo sumat haustulum ut supra, & in languoribus. Repeating Bolus sexta quaque hora.

℞ Salis Vol. Oleos. ℥ß, sumat gutt. xx cum potus ordinarii haustulo aliquoties in die. Et subpedalia Emplastra applicentur.

DIE 12^o multo melius se habuit. Spiritus enim nec adeo depressi sunt, neque perturbati; Pustulæque magis confertæ, & expansæ, magisque extumuerunt. Unde eas ex frigore retrocessisse patet. Alias enim tantum progressum, tamque subitaneum fecisse, minime existimandum est. Jussi itaque ut in usu Boli & Julapii persisteret, sumeretque in languoribus Aq. Theriacal. tenuioris Coch. ij.

DIE 13^o cum quæque viderim laudabilia, ne sæpe visitando tædium Patienti asferrem, crearemque sumendorum odium, sequentia, usque ad diem decimum septimum, continuanda jussi.

℞ *Fulv. e Chel. Cancr. comp.* ℥j, *Castor. gr.* iv, *Syr. Paralyf. q. s. Ms. f. Bolus sexta* quaque hora sumendus cum Julapii perlati haustulo.

℞ *Castor. gr.* vj, *Afæ foetid. g.* xij, *Syr. Paralyf. q. s. Ms. f. Pilulæ n^o vj,* sumat ij, in Intervallis, ad fluxum Lochiorum continuandum.

DIE 17^o Pustulis jam exsiccatis, Pateriens usque quaque recte se habuit. Excepto quodammodo frigido madore, per intervalla, recurrente. Cui ut occurrerem, prævideremque ne quid mali à Pustulis jam deletis accideret: jussi, ut in usu Boli dies decem persisteret. Et si è lecto surgendo defici Spiritus sentiret; statim in eundem rediret, Bolusque præscriptum sumeret. Quibus obtemperando præceptis, perfecte convaleuit.



Historia Febris Miliaris cum Delirio maxime furioso.

M AII 24^o 1699, evocatus sum ad D. Powell, in platea *Basinghall-street* vulgo dicta, Ancillam; cui D. Dalton erat Pharmacopœus.

HÆC primo Capitis Dolore, & Frigore Caloreque alternis, sed mitioribus, Rure affecta fuit: Una cum magno Spirituum defectu, & Pectoris oppressione suspiria cogente. Quæ Symptomata, à mensibus obstructis & exinde Vaporibus (ut vulgò loquuntur) provenire, Domestici putarunt.

CUM autem indies ingravescerent, primo meæ visitationis prædicto die, illam Pulsu frequenti ac debili maximoque languore vidi laborantem. Adeoque vehementer delirabat, ut penitus nesciverit responsa dare; vociferabaturque, etiam in Vicinorum Molestiam. Unde & judicavi, hanc Febrem fore Miliarem. Sed ex omisso hætenus debito regimine, materiam Pustulis generandis atpam, partim inharere Sanguini, & ex parte Nervis impelli.

PRÆSCRIPSI itaque Enema, ex Decoct. communis pro Clyst. ℥viij, Mellis Mercur. ℥iij, Sacchar. rubr. q. s. injiciendum quamprimum. Veficatoria etiam Carpis applicanda, &, ab Enematis finita operatione, Bolum sequentem sexta quaque hora sumendum.

℞ Conf. Acetof. ʒβ, Pulv. e Chel. Cancror. comp. ℥j, Croci gr. iv, Sem. Pæon. gr. vj, Syr. Atripl. q. s. Ms. f. Bolus in Cochl. j Julap. sequentis sumendus, superbib. Cochl iv.

℞ Aq. Ceras. nigr. ℥viij, Aq. Pæon. comp. Syr. Atripl an. ℥j, Ms. f. Julapinum.

AD deobstruendos Menses Pilulas sequentes præscripsi.

℞ Asæfætid. gr. x, Castor. gr. v, Syr. Atripl. q. s. Ms. f. Pilul. vj, Capiat ij, sexta quaque hora Bolorum usui interposita.

ET in Furorem, si insomnis fuerit, ut addatur Bolo circa horam quartam matutinam sumendo, Laud. Lond. gr. j.

DIE 25^o Pulsus ei, ut antea, frequens ac debilis, perstititque vociferari. Non autem continuo deliravit. Bolum itaque cum Laudano Amici omiserunt. Proinde & ipse Bolum sine Laudano, cum Julapio & Pilulis, continuandum præscripsi.

VESPERE paulo melior erat Morbi facies ac matutino tempore. Cœperunt enim sudores jam effluere; pauculæque in Pectore Pus-
tulæ Miliæres pullulare. Alvus tamen, Ene-
matis antea præscripti vim eludens, adhuc
valde

valde stricta fuit. Quamobrem & aliud jussi injiciendum.

R² *Decoct. commun. pro Clyst. ℥viij, Elect. Lenit. ℥j, Conf. Hamech. ℥β, Sacch. rubri q. s. Ms. f. Enema.*

ET ab Enematis operatione finita, ut sumeretur Bolus sequens.

R² *Conf. Acetos. ℥β, Pulv. Chel. Cancr. comp. ℥j, Syr. Melissæ q. s. Ms. f. Bolus quinta quaque hora sumendus.*

HIS addidi Mucilaginem ex Semin. Cydon. & Psyllii Decocto Hordei extractam, & Syr. è Rubo Idæo edulcoratam; sumendam Cochleatim, sensimque deglutiendam.

DIE 26^o ab astantibus intellexi, somni paululum obrepisse Patienti post Enema rejectum, totamque noctem continuasse Diaphoresin. Plures etiam jam extitere Pustulæ, & suspiria fuerunt rariora. Præscripsi itaque Bolum repetendum.

VESPERI mihi narratum est, Ægrotam omnia Symptomata de novo passam fuisse: Et in vehemente suo Furore se adeo in lecto jactasse, ut inde sudores subsisterent. Quos ut restituerem, Spirituumque turbulentiam pacificarem, Camphoræ usum, (in simili Casu sæpe à me expertum) cum Emulsione sequente consului.

R² *Sem. Papav. albi ℥ij, Amygd. dulc. excort. n^o xv, Contund. cum decoct. Hord. q. s. affundendo deinde ejusdem Decocti ℥iij, Edulcore-*

tur Colatura Saccharo albo pro potu ordinario

Jussi etiam ut Julapium repeteret, & Bolum cum Laudano die sequente mane.

DIE 27^o dictum est, Patientem a sumpto Laudano vix quicquam dormire potuisse. Ex usu autem Camphoræ totam noctem perstitit Diaphoresis, Pustulæque plures extitere. Jussi itaque Bolum sine Laudano continuandum.

DIE 28^o eadem Pustulæ Miliæres visæ sunt incredibili constipari numero. Quæ tamen haud usque adeo profecerunt, quin Delirium vociferansque Furor recurrerent. Cum itaque Antimon. Diaphoretici vim, tam ad Pustulas expellendas, quam ad compescendum Delirium, sæpe expertus sim, sequentia præscripsi.

℞ *Antimon. Diaphor. Pulv. e Chel. Cancr. comp. an. ʒβ, Ms. sumantur ter de die Coch. j Julap. sequentis, superbib. Coch. v.*

℞ *Aq. Ceras. nigr. ʒvj, Meliss. ʒjv, Epidem. ʒij, Syr. Melissæ ʒj, Ms. f. Julap.*

ET ad calorem internum ac sitim, linguamque sordidam ac siccam, præscripsi Decocti Hord. ℥ij, Syr. Viol. ʒiij, edulcoratas pro potu ordinario.


DIE 29^o post noctem multo quietiorem quam antea, Pustulæ fiunt adhuc ampliores. Unde & Vociferatio & Delirium accepere temperamentum. Lingua tamen manusque arefactæ sunt. Præscripsi itaque ut Bolo addatur

Lap.

Lap. Prun. \mathfrak{B} ; ut bibat singulis Diebus Apozematis \mathfrak{Hij} ; & ut Empl. Vesicat. Tibiis applicarentur.

DIE 30^o omnia Symptomata optabilia sunt. Quare ut persisteret in novissime præscriptorum usu ad Junii 12. consului. Tandem, circa Junii 16. præscripsi Pil. Tart. Q. \mathfrak{Hj} , secunda vel tertia quaque nocte sumend. ad sextam vicem. Quibus sumptis, perfecte, & præter omnium Domesticorum & Visitantium expectationem, convaluit.

Historia Febris Miliaris cum læsa memoria.

 PRILIS 4^o 1701, vocatus sum ad D. Buller in *Newington-Butts*, cui ut Pharmacopœus inserviebat D. Hunter.

ILLE, dum Iter ad *Londinum* confecit, maximo Dorsi dolore, cum Ventriculi ægritudine, Vomitione, & Dysuria, correptus est. Quæ Symptomata sibi visa sunt simpliciter Nephritica. Et Medicamenta quædam huc referencia frustra sumpsit. Prædicto die ad eum accessi. Et quoniam Antecedentia narrando, Spirituum defectum & suspiria tacuisset, sequentem præscripsi Haustum Emeticum.

℞ *Salis Vitrioli Vomitivi* ℥iij. Divide in Doses sex. Sumantur singula ex *Aq. Jugland. comp. Cochl. j.* superbibendo haustum posseti fol. *Card. bened. alterati.* Et Vomitione finita, ut sumeret *Pil. Stomach. cum Gum. ʒij.* ad *Humorum & Vomitorii eliminandas reliquias, & ad mundificandas vias Urinarias, ut die sequente mane bibat Aquæ Strethamens. ℥ij.*

DIE 4^o cessabant Vomitus & Ægritudo, libereque tam per Urinam, quam per sedem, aqua Cathartica effluxit. Dorsi tamen persistit Dolor; etiam si mitiori gradu. Caloreque ac Frigore, vicibus alternis, sed inæqualibus, captus est. Pulsus etiam illi erat frequens ac debilis. Spirituumque penuria, & Pectoris oppressione suspiria provocante, vexabatur. Unde conjecturam feci, hanc Febrem Miliarem esse futuram, & sequentia præscripsi.

℞ *Lapid. Goens. Pulv. de gutt. an. ʒβ, Ms. f. Pulvis e Julapii perlatis haustulo sexta quaque hora sumendus.*

DIE 6^o Languor & suspiria leviora sunt. Cum vero Dorsi dolor potius ingravesceret; præter Pulverem antea præscriptum, monui Enema ex Decocto communi & Melle Mercuriali injiciendum. Eoque rejecto, ut *Pulv. e Chel. Cancr. comp. ʒj.* ex Haustu sequente sumeret.

℞ *Aq. Laet. alex. ʒiij, Epidem. Syr. de Meconio, Ol. Amygd. dulc. an. ʒβ, Ms. f. Haustus.* Demumque, ut paretur *Mucilago ad emolliendam linguam.* DIE

DIE 7^o Dolor fit mitior; Spiritus autem perturbati sunt & depressi: forsan ex sumpto Syrupo è Meconio nocte præcedente. Præscripsi itaque Emplastra Vesicatoria quamprimum Brachiis internis applicanda. Et ad continuandum Sudorem Haustum sequentem.

℞ *Aq. Lact. alex. ℥iij, Epidem. ℥β, Lap. Goens. Pulv. de gutt. an. ℥j. Ms.*

ET Spirituum defectu urgente, ut Haustum Julapii perlati. & *Aq. Theriacal. Coch. j, aut ij,* vicibus alternis sumeret. Et ad linguam manusque jam paulisper tremantes, ut cum Haustu potus ordinarii Spiritus Lavend. comp. gutt. xx capiat aliquoties in die.

DIE 8^o Pustulæ Miliæ in conspectum venere. Ideoque multo lenior factus est Dorsi dolor; Spiritusque minus defecerunt, neque adeo sunt perturbati. Jussi itaque ut sumeret alternis vicibus Haustum ultimo præscriptum, & Bolum sequentem,

℞ *Bezoar. Orient. Croci an. ℥β, Syr. Paralyf. q. s. Ms. f. Bolus.*

HIS addidi Apozema ex *Aq. Hordeatæ ℥ij,* & *Syr. Viol ℥iij.* Ut & Medicamentis & Pustularum materiæ expellendæ sit vehiculum. Nec non ad Renes Viasque Urinarias ablundas: Alvumque plerumque strictiorem, leviter relaxandam. Et Apozematis haustui *Aq. Theriacalis aliquot Cochlearia minuscule* suasi addenda.

DIE 9^o auctus erat Tremor, nec sine quibusdam indiciis levioris Delirii. In quantum tamen Pustulæ, adhuc plures majoresque extiterunt, Spiritusque fuerunt minus depressi, jussi, ut in omnium antea præscriptorum usu persisteret.

DIE 10^o Symptomata, die præeunte mala, emendantur. Verum jam orta Tussis levicula molestiam Patienti attulit. Ideoque ne materiæ morbificæ reliquiæ Pulmonibus post Pustulas desiccatas irruerent; sequentem Linctum præscripsi.

℞ Ol. *Amygd. dulc.* ℥ij, *Syr. Heder. terr. Capill. Vener. an.* ℥j, *Sacch. albiss. q. s. Ms. f. Linctus.*

ET ut loco Apozematis antea præscripti bibat sequentem Ptisanam instar potus ordinarii.

℞ *Decoct. pectoral. depurat. Aq. Lact. alex. an.* ℥ij, *Ms.*

ET ut sumat sequentis mixturæ gutt. xx, cum haustu Ptisanæ in languoribus.

℞ *Tinct. Castor.* ℥ij, *Salis Vol. Oleos.* ℥β, *Ms.*
Demumque ut in usu Haustus & Bolorum persisteret.

DIE 11^o cum omnia pene eadem ac in die præcedente viderim, jussi ultimo præscripta continuanda.

DIE 12^o ex noctis præcedentis vigiliis quodammodo perturbabantur Spiritus: sed minime defecerunt. Quoad reliqua, mediocriter


ter etiam se Æger habuit; Pustulæque in desiccationem inclinarunt. Ne tamen Morbi reliquiae, in Sanguinem Nervosque transferrentur; Vesicatorium inter Scapulas præscripti applicandum, usumque Bolorum & Julapii perlati repetendum.

DIE 15^o à Febre liberatur; excepta quadam Spirituum perturbatione levicula. Ad quam Enema repetendum jussi; Bolumque cum Julapio mane & vesperi, & in languoribus sumendum. Ne Medicamentorum usui nimis subito defuisset.

DIE 18^o ex Pilularum quarundam Catharticarum usu sensit se Capite multum levari. Deinceps, etiamsi Pulmones præcautione antea memorata evasere salvi, ex Morbi tamen reliquiis versus exteriora propulsis, Apostema fuit genitum: quod sub cura D. *Hunter* brevi sanatum est.

Ex hac Febre licet Ægroti Memoria læsa fuit maxime, exquisitæ tamen Diætæ usu, post bimestre spatium, perfecte redintegrata est.

N. B. Symptoma in Febre Miliari primo sensibile Partem antea affectam fere semper occupare; ut in casu jam supra descripto contigit.



Historia Febris Miliaris ex sumpta Emulsione Lethalis.

DIE 10^o Sept. 1700, vocatus sum ad Viri admodum Honorab. D. *Trevor* Aurigæ uxorem, in Candelariorum Societatis Aedibus habitantem, & jam Puerperam; cuique Pharmacopœus erat D. *Hunter*.

TERTIO à partu die, febrili Horrore, Caloreque succedente, Febris Lactææ simili, correpta est. In maximum etiam languorem, pectorisque oppressionem cum suspiriis incidit, & insomnis diem noctemque transegit. Quæ Symptomata, cum mere Hysterica vulgo putarentur; Ægrotahæc Hysterica etiam Medicamenta, sed frustra, sumsit. Quamobrem à Digniss. viro D. *Thoma Lane* Equite Aurato, cui Patientis maritus olim inservierat, visitare illam exoratus sum. Quam cum primo adiverim, Pulsu frequenti ac debili, perturbatis Spiritibus, oppresso Pectore, suspiriis, Caloreque interno, laborantem vidi. Et licet Urina ejus esset sanorum similis; Palmæ tamen caluere. Quæ omnia ut Febris Miliaris mihi visa sunt indicia; ita & quædam Pustulæ, in illius deinde denudato pectore conspicuæ, hanc meam conjecturam

Eturam comprobarunt. Præscripsi itaque secundum meam usitatam Methodum Pulverem sequentem, sexta quaque hora sumendum.

R Pulv. e Chel. Cancr. comp. ʒj. Croci ʒss. Ms. f. Pulvis.

DIE 11^o Pustulæ Miliæres mirum in modum constipabantur. Unde & nox Patienti transiit placidissime. Spirituumque perturbatio, & suspiria fuere medicoria. Præscripsi itaque ut in Pulveris & Julapii usu triduum persisteret; fumeretque in languoribus Spir. C. C. guttas aliquot in potu ordinario.

DIE 14^o Pustularum Eruptio fuit adhuc magis conspicua; languore & oppressione Pectoris jam devictis. Nam præter calorem internum vix quicquam mali sensit. Forsan autem perstitit iste Calor, quod Ægra diluentia, vel nondum, vel non satis potavisset. Ideoque Lactis Aquam alexiteriam instar potus ordinarii bibendam præscripsi. Et ut sumat Aquæ Theriacalis aliquot Cochlearia in haustu ejusdem: ad servandum inter potum & medicamenta æquilibrium. Præcipue, si vel languor & oppressio recurrerent, vel remitteretur Diaphoresis. Demum, ut Vesicatoria Brachiis internis applicarentur. Tam ad Pustulas scilicet ampliandas, quam ad mala quæcunque Accidentia avertenda.

DIEBUS 15^o & 16^o cum eadem esset Morbi facies, ultimo præscripta censui repetenda.

158 *Historia Febris Miliaris*

DIE 17^o ex usu Aq. Lactis intermisso incidit Ægrota in levem Dysuriam. Statim itaque D. *Hunter* Pharmacopœus, eoque absente alter, accersitus est. Qui dum solummodo Dysuriam præ oculis haberet; Emulsionis libram bibendam misit. A cujus usu statim substitit Diaphoresis, maximaque oppressione & Dyspnœa prehensa fuit. Tandem & me vocarunt. Sed antequam illam adiverim de ea conclamatum est, & brevi obiit.

Ex Historia jam supra descripta patet, quam maximum periculum in hac Febre ab errore, etiam minimo, pendere potest:

Historia Febris Miliaris, cum Ulcere, Calculoque Renum.

FEBR. 27^o 1707, vocatus sum ad D. *Conts*, in Vico *Mark-lane* vulgo dicto, jam Puerperam; cui D. *Hunter* ut Pharmacopœus ministravit.

ANNOS aliquot sinistri Lateris dolorem sustinuerat. Quem à Splene genitum plerique ob id æstimarunt, quod prope partem Lienis anticam latus occupare videretur. Cum sinistri Renis antica pars esset revera affecta.

Ex Morbo Nephritico totum Ægrotae genus Nervosum imbecillitatem aliaque vitia contraxerat. In Ptyalismum frequenter incidere solebat.

solebat. Et per bimestre spatium ante partum passa est internum Calorem. Qui, (ut antea monui) sæpe & præcipue in Gravidis paulo ante partum Febrem Miliarem præcedit. Tandem, sine obstetricis ope, fœtum enixa est.

POST dies aliquot dolorem primo sensit in sinistro Latere, deinde in dextro cum horrore. Postea calore & frigore alternis, sed inæqualibus intervallis, vexabatur.

DIE quo illam primo visitavi, Pulsus ei erat frequens ac debilis; lingua subalba & humida, fere sanorum similis: quemadmodum & Urina, sed sine sedimento. Calor & Frigus irregulares habuere vices. In dorso manus Calor erat mediocris, cum Palmæ ferverent. Ut ab illa dormitura avolavit somnus; ita & Spiritus ejus tumultuaria quadam perturbatione commoti sunt. His etiam sonitus Aurium, palpitatio Cordis, Dyspnœa irregulariter repetita, maximaque oppressio cum suspiriis, accessere. Nonnunquam item tremuere manus: Et à Ptyalismo omnino suppresso, Lochiisque parce effluentibus, tum deliravit, tum motibus Convulsivis levioribus correpta fuit. A quibus Symptomatis, Febrem hanc esse censui Miliarem. Et præcipue à Spirituum defectu, & Pectoris oppressione cum suspiriis; mihi hujus Febris signis Pathognomonicis. Et à Dyspnœa, Tremore, & Debilitate, Febrem præcedentibus, periculosa esse intellexi.

160 *Historia Febris Miliaris*

DUPPLICEM itaque præ oculis habui indicationem. Scilicet, excitare Diaphoresim, & ad Symptomata figillatim respicere.

UT priori satisfacerem, & ad Lochia restituenda, Dyspnœamque levandam, Bolum sequentem præscripsi.

℞ Pulv. e Chel. Cancr. comp. Sperm. Ceti an. ℥j, Castor. gr. iv, Syr. e Mecon. q. s. Ms. f. Bolus cum Julapii sequentis haustu sexta quaque hora sumendus.

℞ Aq. Ceras. nigr. ℥x, Bryon. comp. ℥jβ, Sacch. albiss. q. s. Ms. f. Julapium, de quo sumat haustum ut supra & in languoribus.

PORRO ad Dyspnœam, materiamque morbificam minuendum, & Caput defendendum, Vesicatorium Nuchæ applicandum jussi.

AD renovandum autem Ptyalismum, Sanguinemque diluendum, eoque modo Pustularum egressum promovendum, & ne Dysuria ex Empl. Vesicatorio contingeret sequens Apozema præscripsi.

℞ Decocti Pector. ℥jβ, Aq. Pæon. comp. ℥jβ, Syr. de Alth. Injabin. an. ℥j, Ms. f. Apozema, de quo sumat haustum frequenter.

ET ad promovendam Diaphoresim, ut Sp. Corn. C. gutt. xx haustui Apozematis adderentur.

DEINDE ad Lateris dolorem leniendum, Haustum sequentem, cum Pulv. e Chel. Cancr. comp. ℥j, sumendum præscripsi.

℞ Aq.

℞ *Aq. Meliss.* ℥ij, *Bryon. comp. Syr. de Mecon.*
Ol. Amygd. dulc. an. ℥β, *Mf. f. Haustus.*

ET quo melius restitueretur Ptyalismus, quoddam Gargarisma, à patiente antea probatum permisi usurpandum.

AD hæc omni loquacitate & Visitantium turba Ægrotæ interdixi. Ut si insomnis fuerit, saltem tranquillitate frueretur. Suasi etiam, ut possetum salviatum & calidulum affatim bibat, ad calorem internum minuendum, meliusque producendam Diaphoresin.

DIE 28^o dolor Lateris multo fuit remissior, & jam quiete jacuit, etiamsi nox sine somno præteriiisset. Caput etiam pacatius, & Respiratio facilior. Pulsus tamen frequens adhuc & debilis; at cum motu magis æquabili. Quin & palpitatio Cordis, Tremorque perstitere, & Convulsivorum Motuum quædam specimina. Lenis tamen jam orta fuit & universalis Diaphoresis. Calor item externus magis regularis, & in manu ubique sui similis. Lingua & Urina eadem ac die præcedente. Et quamvis pectus adhuc fuerit oppressum, spiritusque defecerint; rariora tamen trahebat suspiria. Quibus omnibus perpensis sequentia præscripsi.

℞ *Pulv. e Chel. Cancr. comp.* ℥j, *Croci, Pulv. de gatt. an.* ℥β, *Syr. Pæon. comp. q. s.*
Mf. f. Bolus circa tertiam pomeridianam sumendus, & deinceps sexta quaque hora, cum Julapii sequentis haustulo.

162 *Historia Febris Miliaris*

℞ *Aq. Ceras. nigr. ℥x, Pæon. comp. ℥jß, Sacch. albiss. q. s. Ms. f. Julap.*

ET ut Apozema antea præscriptum continuaretur.

CUM vero Cubicularia me jam discessure submissiorum voce fuisset allocuta: contigit ut Ægrota putaret illam dixisse, se brevi fore maniacam. Quod ei adeo perturbavit animum ut paulo post in delirium (à quo ex primo meo præscripto huc usque immunis fuerat) de novo incidit. Pharmacopœus itaque missus est indicare mihi, quod Domino *Conts* gratum foret, si Medicum, jam à multis annis sibi suisque ordinarium, meis associarem consiliis: ut si forsan alio fuerim avocatus, ille in promptu esset.

VESPERI convenimus. Et statim à consultatione inita, iste Medicus, primariam Indicationem pro continuanda Diaphoresi flocci faciens, Medicamentis valde caloricis opus esse urget. Quibus à me rejectis, sequentia præscripsimus.

℞ *Lapid. Goens. ℥ß, Oculor. Cancr. pp. ℥j, Croci, gr. v, Castor. gr. iv, Syr. Pæon. comp. q. s. Ms. f. Bolus hora nona sumendus in Cochl. j Julapii sequentis superbib. Cochl. v.*

℞ *Aq. Meliss. ℥vj, Pulég. Bryon comp. an. ℥jß, Ocul. Cancr. pp. Marg. pp. an. ℥ij, Sacchar. albiss. q. s. Ms. f. Julapium.*

ET ut applicentur Emplastra Epispastica super Carpis.

MARTII 1^o nobis narratum est, Patientem nocte præcedente insomnem fuisse; & jam inquietudine, calore, & delirio laborare vidimus: Medicamentum enim Sudorificum, Diluensque ommissa fuere. Proposui itaque Antimoni Diaphoretici usum; Medicamenti, scilicet ad Pustulas Miliarese emittendas nec non ad levandum delirium, à me sæpissime probati. Ille vero, postquam diu renixus est, tandem mihi assensit; convenitque inter nos sequentia præscribere.

& *Antimon. Diaphor. ʒj, Lap. Goens. gr. xij, Castorei grana aliquot, Syr. Caryophil. q. s. Mf. f. Bolus sexta quaque hora sumend. cum Julapio antea præscripto.*

ET ut Emplastra subpedalia applicarentur.

DIE 2^o involuntarie quidem Urina extillaverat; sed id à Vesicatoriis, ut videbatur. Domiti enim delirii loco sana mens rediit. Respiratio etiam erat facilior; Motusque Convulsivi vix quicquam sensibiles. Vidimusque pustulam quandam rubram super inspecto collo. Quod alter Medicus, hanc Febrem haud esse Miliarem, arguere contendit. Quem errorem postquam illi ex aliis Symptomatis patefecissem; concordi animo eadem quæ ultimo præscripta sunt continuari iussimus.

DIE 3^o in denudato pectore Pustulas Miliarese absque ullis alterius generis conspeximus. Unde & quæque lenita sunt Symptomata. Quamvis enim per noctem pene insomnis

fuiſſet, ex leni tamen Diaphoreſi, quietudine, animique tranquillitate, & reſpiratione facili fruebatur.

NIHILOMINUS ille idem Medicus, eorum loco, quorum uſu finem deſideratum obtinuimus, calida Medicamenta, ad Spiritus, ut aiebat, exaltandos, uſurpari voluit. Ego vero, poſt longam diſceptationem, cum aſſentire minime auſus ſim, ipſum, ut per ſe faceret experimentum, permiſi. Interim Pharmacopœum Cubiculariamque monui, ut horum Calidorum effectum accuratiſſime notarent. Ille vero ſequentia præſcripſit.

℞ *Conf. Alcherm. ſine odor.* ℥β, *Pulv. e Chel. Cancr. comp. Lapid. Contray. an. gr. xij, Salis Succin. gr. v, Caſtor. gr. iij, Syr. e Cort. Citr. q. ſ. Mſ. f. Bolus ſumendus quinta quaque hora, ſuperbib. Julap. ſeqn. Cochl. iv.*

℞ *Aq. Meliſſ. Laſ. alex. an. ℥jv, Scordiz comp. ℥ij, Bryon. comp. ℥jβ, Margar. pp. ℥jv, Sacch. albiff. q. ſ. Mſ. f. Julapium, ſumendum ut ſupra præſcriptum eſt & pro libitu in languoribus.*

DIE 4^o nobis narratum eſt, Ægrotae noctem valde inquiete tranſiſſe. Ita ut præ anxia quadam ægritudine ſudores calidi per totum corpus ei effuſi ſint, & (ut aſſeveravit pediſſe qua) lintea mordere cogeretur. Ad hæc, maxima oppreſſione & Dyſpnœa, motibusque convulſivis magnis & frequenter repetitis afflicta fuit,

fuit. Quæ omnia Pulsus frequentissimus & Vermicularis comitabatur.

FORSAN prædicta dosis, quoad quantitatem, non adeo calorifica videatur. Cum tamen brevioribus Intervallis, & ab Ægrota, jam & antehac ad febrilem effervescentiam proclivi, sumeretur; & ubi Ren suo proprio Morbo fuit affectus: minor dosis, instar majoris valere potuit.

CÆTERUM ille alter Medicus, cum ad consultandum secesserimus, à me quæsivit, quid esset tandem faciendum? Ego vero respondere haud dubitavi, locum consultandi dari nullum, nec quidem sperandi. Ille vero à sudoribus salutem promisit. E contra, eos ex Agonia & Morbi Veneno esse mere colliquativos, admonui. Demum, post quædam alia hic illic objecta, sequentia præscripta sunt.

APPLICENTUR Empl. Vesicat. ampla & acia Femoribus internis. Et repetantur subpedalia.

℞ Bezoar. Orient. ℥j, Antimon. Diaphoret. gr. xij, Conf. Alcherm. sine odor. ℥j, Syr. Caryoph. q. s. Ms. f. Bolus quamprimum sumendus, superbib. Julapii. ultimo præscripti Cochl. iv.

℞ Tinct. Castor. ℥ij, Capiat. gutt. xvj, in haustu potus ordinarii.

℞ Decoct. albi ꝑꝑ, Aq. Cinam. bord. ℥jv, Sacchar. albi q. s. Ms. pro potu ordinario. Sed, antequam parata erant Medicamenta, Ægrota hæc mortua est.

166 *Historia Variolarum*

IN dissecto Cadavere Intestina, ut sæpe solent, flatibus valde distenta vidimus; & illorum vasa capillaria Sanguine referta. Majora vero, & præcipue in peritonei interna superficie, stagnante Sanguine quasi nigricantia, Gangræna similitudinem præ se ferebant: scilicet, circa dextrum Latus, ubi nuper Ægra de dolore maxime querebatur. Nam. antea Latus præcipue sinistrum ei doluit. Ideoque sinistri Renis Parenchyma conspeximus absumptum, Tunicasque pure plenas, & Calculo magno, cum quibusdam parvulis infima & antica parte positis. Ren dexter videbatur fere sanus; & similiter Hepar, atque Uterus. Vesica vero Fellea Bile flavissima, & subflavis Lapillis distenta erat.

Ex his patet, dolorem diuturnum, in recensione Symptomatum memoratum, à sinistri Renis Calculo; Hecticam autem Intemperiem, ab Ulcere, & forsan à Vesicæ Felleæ Lapillis, Bilis exitum præcludentibus, pendere: Doloremque recentem in Regione dextra à stagnante Sanguine. Qualem Dolorem, hoc est Recentem, in aliis etiam Cadaveribus Sanguinis Stagnationi conjunctum semper comperi.

Historia Variolarum cum Pustulis Miliaribus.

JULII 15 1705. vocatus sum ad Dominam Bek, D. Bek Mercatoris celebris Uxorem; quæ tum temporis, apud *Hampstedium* com-

commorata est; cuique D. *Sherwood* erat Pharmacopœus. Hæc, cum antea perfecta veltudine usâ fuisset; 13^o die Julii, dolore dorsi vehementi, cum oppressione pectoris, atque altis suspiriis, Spirituumque defectu, correpta est. Ex quibus Symptomatis, Febris Miliaris signis Pathognomonicis, novi hanc esse hujus generis, Pustulasque Miliarese se brevi exhibituras prædixi. Et de expectandis Variolis feci etiam conjecturam: Eo magis probabilem, quod tum temporis longe lateque grassabantur. Consului itaque illam, ad Visitationes facilitandas, in *Londinum* deferri. Et ut tutius suum iter perficeret, *Pulverem ex Bezoar. Orient. & Pulv. e Chel. Cancr. comp. an. ʒj, sumendum præscripsi.*

DIE 16^{to} Variolæ cum Pustulis Miliaribus interjectis emicuerunt. Præscripsi itaque Pulv. e Chel. Cancr. comp. ʒj, cum Julapii perlati communis haustulo, sexta quaque hora sumendum. Ad præveniendam Diarrhæam Dyspnœamque, tum decoctum album, tum pectorale, alternis vicibus bibenda. Quibus etiam provisum est, ne Pustularum Miliarium Variolarumque materiæ emittendæ desit vehiculum: & ut melius linguæ viscositas inhiberi possit. Præscripsi etiam Astringens Gargarisma, ut ejus usu Variolas de Faucibus repellerem.

DIE 17 Pustulæ Miliarese & Variolæ numerosius extabant. Capite, Guttore, Thorace, Ventriculo, Ægra bene se habebat. Oppressio etiam, & defectus Spirituum fuere mitiores. Tantum

Tantum insomnis erat, ut Febre Miliari correpti solent. Suasi itaque ut in omnium die præcedente præscriptorum usu persisteret.

VESPERE paulum delirabat. Non à Pustularum Miliarium aut Variolarum paucitate, satis enim erant numerosæ; sed ex perpetuis vigiliis. Ad quam Confectionem Fracastorii, in hac Febre vel Laudano vel Diacodio potiozem, in sequente Haustu præscripsi.

℞ *Aq. Ceras. nigr. ℥iij, Epid. ℥iij, Conf. Fracast. ℥j, Ms. f. Haustus, persistente Delirio sumendus.*

DIE 18^o à nocturno somno delirium pacatum fuit. Ægrotæ autem Embrionis recenter concepti Abortum, verum absque ullo malo Symptomate, passa est. Jussi itaque ut in usu antea præscriptorum persisteret. Addendo Pulv. e Chel. Cancr. comp. singulis scrupulis Margarit. pp. gr. vij. quo certius & à Diarrhæa & à nimio Lochiorum fluxu præcaverem.

VESPERE Variolæ satis erant conspicuæ. Ægrotæ tamen summa Pectoris oppressione, Spirituumque defectu laborabat cum suspiriis. Quæ Symptomata, cum lenem & continuam Diaphoresin indicaverint, præscripsi Pulv. e Chel. Cancr. comp. usum sine Margaritis, & cum Julapio seq.

℞ *Aq. Meliss. ℥viiij, Pæon. comp. ℥ij, Syr. Caryophil. ℥j, Ms. f. Julap.*

SUASI etiam ut persisteret in usu Apoze-matis Pectoralis; addendo singulis Haustibus
Spir.

Spir. C. C. gutt. xx. Tum ad levanda ex oppres-
sione suspiria, tum ad continuandam uberio rem
Diaphoresin. Ubi enim per se extant Variolæ,
Spiritusque elevari possunt sine Diaphoresi; sale
Volatili Oleoso potius quam Spiritu C. Cervi utor.

DIE 19^o Facies atque Artus paulisper tu-
muere. Variolæ autem plereque exsiccæ, & co-
lore quasi corneæ videbantur. Oppressio etiam
magna erat & suspiriis conjuncta; sed sine Spi-
rituum defectu. Habita itaque ratione ad Par-
tium & Variolarum Tumorem, & Pustularum
Miliarium eruptionem, Julapium seq. præscripsi.

℞ *Aq. Ceras. nigr.* ℥x, *Pæon. comp.* ℥jß,
Confect. Fracast. ℥j, *Spec. Conf. de Hyacinth. sine*
odorat. ℥ij, *Syr. e Mecon.* ℥e Cort. *Citr. an.* ℥ß,
Mf. f. Julap. de quo sumat Cochl. iv, *tertia qua-*
que hora. Eo fine, ut ex dosibus, brevioribus
intervallis sumptis, Ægra perpetua quietudine in
lecto jaceret. Eoque modo à Frigore externo,
etsi non semper Variolarum, Vesicularum tamen
Miliarium, eruptioni inimico, præcaveretur. Præ-
scripsi etiam ut, ad Tussim Dyspnœamque saltem
minuendas, in usu Apozematis pectoralis persi-
steret. Et cum Variolæ jam & in Collo & in
toto Corpore plene expulsæ fuerint, loco Astrin-
gentis Gargarismatis lenientem substitui.

VESPERE quiete, sed pene insomnis, jacu-
erat. In vola Manuum, ubi Cutis valde crassa,
Variolæ videbantur Vesiculæ sero limpidio ple-
næ; in aliis partibus quasi exsiccæ. Præscripsi
itaque ut in Apozematis pectoralis frequenti u-
su persisteret; scilicet, ad Materiam & Variolis

& Salivationi præbendam. Et ad maiorem cautelam, ne aut Variolæ aut Pustulæ Miliæres versus interiora remearent; haustui Apozematis, Aquæ Theriacal. Coch. j sæpe addendum monui. Et ut Tumorem partium promoverem, hora somni Haustum sequentem bibendum.

R. Aq. Paralyf. ℥ij, Theriacal. ℥iij, Confectionis Fracastorei ℥j, Syr. de Mecon. 3℔, Ms. f. Haustus.

DIE 20^o omnia in eodem statu perdurarunt Symptomata. Jussi itaque ut in usu mixturæ pacificæ antea præscriptæ quarta quaque hora persisteret: Et in usu Apozematis, Julapii, & Gargarismatis.

VESPERE, cum eadem videretur Morbi facies, eadem quæ prius præscripti continuanda. Et ut Julapii sequentis haustum sumeret in languoribus.

R. Aq. Meliss. ℥x, Pæon. comp. Epidem. an. 3℔, Syr. Pæon. comp. q. s. Ms. f. Julapium.

DIE 21^o Ægra fere eadem ac antea. Id tantum jam querebatur, totum Corpus vehementer prurire. Præscripti itaque ut in usu omnium persisteret: Præcipue, mixturæ pacificæ, ne inquietudine ex pruritu pateret frigori, eoque Pustulæ Miliæres recederent.

VESPERE, cum in eodem statu fuisset ac matutino tempore, visum est omnia jubere continuari. Eo potius, quod ex usu Apozematis pectoralis Gargarismatisq; frequente omisso, Salivationem (ut in Variolis siccioribus & Corneis solet) sisti viderim. Hincque patet, cur multi,

circa diem à Morbi principio undecimum moriuntur. Nimirum, quod nimis parce ad diluendum attenuandumque sanguinem, & materiam in Salivationem præparandam biberent. Unde & oneri succumbit Natura, faucium subsidit Tumor, cum gravissima Dyspnœa, quæcunque expectorantia eludente; demumque ex Alvo semel aut bis soluta, vel mensium effluxu, subito mortem obeunt. Calida quoque Medicamenta, à multis præscripta, Dyspnœam siccitatemque Gutturis & Linguae inferendo, simili Epilogo præludunt. Semper itaque usque ab initio, & per totum progressum Morbi, diluentia præscribo. Nec Cerevisiam tenuem pane tosto alteratam prohibeo; nisi Ægritudo, vel nausea, Vomitus, vel Diarrhæa contraindicaverint.

IN difficili Respiratione, & ubi Salivatione maxime opus est, Indicationes pro Medicamentis valde calidis nullas agnosco. Cæterum, si forsan, non obstante eorum usu, Patientes evadant, viribus Naturæ referendum est. Partium extumescentiam Opiata satis bene promovent; & Salivationem diluentia. Calida autem Medicamenta, sanguinis accelerando motum, utrumque inhibent. Etenim Fermentatio & Secretio contemporaneæ, nullo modo consistunt. Cujus rei exemplum nuperrime vidi singulare in Domino *Hatsell*, cui Pharmacopœus erat D. *Lancashire*. Is enim, cum mali moris variolis laboraret, & ex sumpta Tincturæ Croci, vel Confect. Alchermes tantum pusilla dosi, Febris vehementius accenderetur, coactus sum oculos Can-

Corum, Margaritas, & similia, cum diluentibus præscribere. Quorum benigna vi Ægrotum ex orci faucibus ereptum sanavi. Sed ad historiam præ manibus jam redeo.

DIE 22^o intellexi generosam Mulierem, cujus hic casum narro, nocte præcedente vix dormiisse. Multum de Calore interno querebatur, palluitque Urina. Unde & Metastasis materiae, aut Pustularum Miliarium, aut Variolarum metui. Præscripsi itaque sequentia.

R. Decoct. Pectoral. depurat. Aq. Lact. alex. an. ℥ij, Theriacal. ℥ij, Mf. sumat haustum aliquoties in die.

ET quo melius, non solum Variolas, diluendo, sed & Pustulas Miliare, Spiritus roborando foverem, Julapium cum Diascordio antea præscriptum, & alterum Cordiale, una cum diluente Julapio, vicissim sumenda præscripsi.

VESPERE in eodem statu perstitit. Ideoque eadem Medicamenta jussi continuanda.

DIE 23^o nempe à Morbi principio undecimo, Ægrota incidit in aliquanto gravius quam hactenus periculum. Nam totam fere noctem insomnis fuerat. Potius, ut mihi videbatur, à Pustularum Miliarium vitio, quam variolarum. Præscripsi itaque *Pulv. e Chel. Cancr. comp. ℥j, cum Julap. perlato sumendum octava quaq; hora.*

VESPERE ter Alvus descenderat. Jussi itaque Purgoricum antea præscriptum quamprimum repetendum. Et post singulas sedes, mixturæ cum Conf. Fracast. Coch. iv. bibenda; addendumque Decoctum album. Et ad alia Symptomata, ut sint in promptu Mucilago & Gargarisma; nec non Apozema pectorale spiritu sulphuris leviter acidulatum.

DIE 24 narratum est, Febrem totam noctem intensiorem fuisse. Facies Manusque, sed hæ minus, detumuerunt. Ad hæc perstitit Diarrhæa, defecere spiritus, respiravit difficilime, & Salivatio declinavit. Quibus Symptomatis ultimo præscripta methodo occurrendum censi. Addendo Oxymelitis. scillit. Cochl. j, Aq. Cinam. hord. dilutum. Et ut Pulv. e Chelis Cancror. comp. Apozematisque pectoralis in usu persisteret; cum spiritus Corn. C. gutt. xvj, in singulis haustibus Apozematis. Et in Diarrhæam, mixturam cum Confect. Fracast. statim & post singulas sedes sumendam iussi.

VESPERE facilius respirabat. Verum ex sumpto Oxymelite scillitico aliquoties vomuerat. Julapii itaque sequentis haustum urgente vomitu bibendum præscripsi.

Rx Aq. Menth. ℥x, Pæon. comp. ℥ijß, Spir. Menthæ gutt. x, Syr. Menth. ℥j, Ms. f. Julapium.

DIE 25^o narratum est Patientem nocte præcedente calore febrili valde accenso gravatam fuisse; nec non Delirio, Respiratione difficili, & Diarrhæa: Minime autem modo Paroxysmi regularis. Variolas etiam ubique nigricantes, quasi Gangræna tactas, apparuisse. At cum mane accederem, Symptomata hæc vidi maxime diminuta, & Vomitus penitus suppressa. Ad Tracheæ autem, quam nunc passa est, strangulationem, Pilulas sequentes sumendas curavi.

Rx Castor. gr. vj, Asæ fætid. gr. xij, Syr. Paralyf. q. s. Ms. f. Pil. n^o vj. Et ut persisteret in usu ultimo præscriptorum.

VESPERE Exacerbatio febrilis, cum Vigiliis, Delirio, Dyspnœa, Sedibus, Motibusque Convulsivis, fuit repetita. Emplastra itaque subpedalia, Vesicatorium inter Scapulas, Bolusque cum Julapio sequentem præscripsi.

Rx Spermat. Ceti, Pulv. e Chel. Cancr. comp. an. ℥j, Laud. Lond. gr. j, Syr. Paralyf. q. s. Ms. f. Bolus sumendus statim, superbibendo Julap. seq. Cochl. iv & deinceps per intervalla.

Rx Aq. Rutæ, ℥x, Pæon. comp. ℥ijß, Sacchar. albi q. s. Ms. f. Julapium. Ut persistat in usu Apozematis pectoralis, & mixtura cum confect. Fracast. pro re nata.

DIE 26° intellexi noctu Ægram perturbatam fuisse inquietudine & delirio, nec non sedibus, spirituum defectu; sed sine suffocatione. Imperavi itaque ut in usu ultimo præscriptorum persisteret.

VESPERE caloris exacerbatio renovatur. Mitius autem deliravit, sedesque paulo restrictæ sunt. Præscripsi itaque omnia continuanda; & urgente Delirio, Vesicatoria Brachiis applicanda.

DIE 27° relatum est, noctem Ægrotam pessime sustinuisse. Nam ex reaccensa Eebre deliravit cum vociferatione. Quamobrem & Curatrix præscripta Vesicatoria apposuit: Et ex vesicis apertis tam Febris quam Delirium multum levabantur. Jussi itaq; ut Tinctura Corticis Peruviani in promptu esset. Interim ad sitim sedandam, ut Lactis Aquam alexit. Saccharo edulcoratam biberet, & persisteret in usu reliquorum præscriptorum pro re nata.

OBSERVANDUM est, post apertas Velicas Emplastris excitatas, Salivationem fuisse redintegratam, & ad diem hinc usque quartum perstitisse. Unde constat, in Variolis, durante Salivatione, Medicamenta calida minime ad rem esse; nisi magnum aliquod Symptoma indicaverit; & jam tum multum ea debere esse diluentia.

EODEM die circa Meridiem ad Patientem accedens, vidi illam, Inquietudine, Delirio, Dyspnœa, Suffocatione, Sedibusque immunem. Calorem solummodo sensit internum; illius, qui Febri Miliari, vel Corticis Peruviani in Febre intermittente præproprio usui succedit, non absimilem. Ad quem præscripsi Margar. pp. \mathfrak{Dj} , quinta quaque hora sumendum: cujus efficaciam, ad hujusmodi calorem extinguendum, frequenter expertus sum.

VESPERE Febrilis Caloris erat expers, nondum tamen Alvus substitit. Volui itaque ut sumeret Perlærum Pulverem in forma Boli, quo in Ventriculo & Intestinis diutius maneret, transiretque melius in venas. Et ut Decoctum album Mixturamq; ex Conf. Fracast. &c. in promptu haberet.

DIE 28° minus caluit, sedesque pauciores sunt. Nec recurrere reliqua mala Symptomata. Præscripsi itaque ut in usu Decocti albi, Bolique cum Julapio sexta quaque hora persisteret.

VESPERE

VESPERE in eodem statu erat laudabili quo mane. Ne tamen à Vesicarum Ulceribus, nimis cito desiccatis, morbificæ materiæ pars superesset, jussi Vesicatoria pone Aures applicanda. Scilicet ut Cathartici vicem explerent, donec Purgatio per Alvum foret tempestiva. Et ut Julapii & Decocti albi usus continuaretur.


DIE 29° similiter ut pridie se habuit. Quemadmodum & diebus 30° & 31° Quapropter & jussi, ut in usu Pilularum ex Asa foetida &c. & Julapii persisteret. Et hoc die 31° præscripsi Pilulæ Stomachicæ cum Gum. 3ß, hora somni sumendam, & manè seq. Syr. Rosacei solutivi ʒj.

AUGUST. 1° ter quaterve Alvus laxa fuit bonis avibus.

2° Uta est Julapio & Pilulis de Asa foetida, &c.

3° & 4° & deinde 5° & 6° Pilulas Catharticas & Syrupum repetendo, à Morbo periculosissimo omnino convaluit.

Historia Febris Exitialis, ubi Æger statim à principio sua voce fuit privatus.

 **IRCA** quintam diem Octobris 1709, Digniss. Viri D. *Gulielmi Morisoni* Armigeri Filius, sedecim annos natus, Temperie biliosus, & in iracundiam aliaque Animi Pathemata facile accensus, Febre correptus est. In qua Tempestate, ab aliquot antea hebdomadis, Febris maligna Londini grassata fuerat.

CUM primum illum visitaverim, nulla parsei doluit. Neque ulla Vomitione, aut Ventriculi Ægritudine, Emetici usum indicante, tentabatur. Pulsus erat frequens ac debilis. Et usque à Morbi principio magna loquendi difficultate, cum stupore, affectus est. Quibus accessere Tremores subsultusque Tendinum; lingua arida & subnigra; Urina coloratior & clara, & ut plurimum involuntarie emissæ, cutisque calida & sicca.

HAC pessimorum Symptomatum apparente Syndrome, accitus est D. D. *Grevv.* Præscripsimus Alexipharmaea ex *Serpentariæ Radice*, *Bezoar*, &c. & paucos post dies maculis rubris & purpureis Ægroti cuticula, imprimis su
per

176 *Hist. Febris Exitialis &c.*

per Pectus, Crura, Tibiasque, foedata fuit. Hæc Symptomata, aliquando paulo mitiora, dies quatuordecim prævalebant. Postea evanescere maculæ, creveruntque adeo Motus Convulsivi, ut Æger plures dies moribundus videretur.

FERE in Morbi principio Emplastrum Vesicatorium Capiti applicandum iussimus; ex quo colligere mentem, & quodammodo balbutire cœpit. Deinde & in Morbi progressu artubus universis alia apponenda; imo & ali- quibus renovanda. Semper enim exsiccatis Vesicarum Ulceribus ferocius ingruiebant Symptomata.

DEINCEPS, cum dies aliquot eadem Vesperi exacerbari videremus, Corticis Peruviani tum Pulverem tum Infusum, minore Dosi visum est præscribere. Unde Motus Convulsivi suppressi sunt. Ægrotus tamen, cujus vires & ipsa caro absumptæ fuere (ita ut in coxa, in quam cubabat, Sphacelismus generetur) tandem fato cessit.

NOTATU non indignum est, quod Morbi decem aut duodecim ultimis diebus, adeo foetide spiraret perspiraretque Ægrotus, ut cubiculum odoratis fumigare necessum esset. Et Ego ipse, dum paulo propius illi, in os meum respiranti inclinarem, subito Ægitudine & Languore correptus, horas aliquot in patulis agris vehi coactus sum; & inde rediens Vinum Hispanicum Montanum affatim inter prandium bibere.

DISSECTUM est Cadaver perita manu D. D. Douglass. Super Pectus fusci coloris macularum congeries adhuc erat conspicua. In Arteriis Venisque in Abdomine magis conspicuis, nil contentum erat, præter *serous* nigricantis Sanguinis, mediis spatiis sero omnino vacuis. Haud equidem vulgare spectaculum. Vel quod rarius contingeret, vel ex Febris mortuorum, rarius dissecaremus Cadavera. Etiam si hinc constet, huiusmodi Cadaverum, æq; ac aliorum, Anatomen, haud mediocri ex usu fore. Proindeque hanc Febris, licet alterius generis, Historiam apposui; tum ut exhiberem Exemplum, ad Tractatus prioris Appendicem referendum; tum ut Alios alia huiusmodi **Exempla**, in communem Medicorum usum suaderem proferre.

